

序

東山同學弟查總佐撰

必盡追滙古詩三千傳世勿逸乎不能也且有刪之者  
即僅錄十之一而不見為不足自後詩變不復為風與  
雅與頌而為文辭詠詩之口亦變不止為四言而進為  
五言益進為七言為文辭情之窮也為七言口之窮也  
後世不能規摹三百篇遂矜智竭才專務所為窮者  
至唐乃成文治一大件自君臣男女以迄道釋鬼屬諸  
不可數而韻以彰焉古兒子羣嬉疊弄成聲即今亦爾  
法有三言者則四言之祖也蓋四般具而無的字以實  
之率借叶便可比琴瑟無不應耳沈隱侯特尚為韻書

其分次不必核如東之于冬齊之于微等率無說而二  
之而作者不必求解初苦無所準得此萬口俱附所為  
義之未真者亦遂千古此有倖存焉天亦聽也自此以  
注究竟乃成其時之音而無不以唐為歸即又分四唐  
而無不以初盛為歸然而正未盡見所為唐者也尼山  
不作誰敢有刪之者而概逆之乎此詩滙之所為作也  
數起元而亨利貞繫之聲從乎而上去入因之則先之  
七律而類以三十韻嘯閣主人以為即盡錄二萬二千  
有奇而不見意有餘力能刪而不輕事刪尊尼山也主  
人性高寄與造化煙方大塊噫而耳目手口輒動殺自  
以發即亦不自知其然至于偶拈唐句協為今韻則又

神乎其為韻者矣

序

同里黃廷才韋箴誤

唐詩不盡於律律不盡于七言韻不盡于上下兩平謂是百川之歸墟而受委也可乎曰可曷為其然也蓋誦之始于蕢枹土鼓撻牛尾而哦耳自唐虞有卿雲明良之歌夏有五子殷周有猗那雅南諸篇而三四言之體立焉說者以為五言昉于蘇李七言肇于栢梁詵望七言則永言之聲文備矣休文四聲之學著而部伍森嚴灋式整壹謂之近體律攻詩者宗焉以為七言叶則三四五六言無不叶故謂七言律可以盡詩也五音之有宮商角徵羽也宮商歌晉出而為倡宮君也商臣也君

臣之職得而民與物并事無不尋故謂上下兩平可曰  
盡韻也滙之為義其有取于是與匪我并余居同里學  
同業天贊元喆慧心敏稟自童州之季于斯道有若夙  
解冥悟者益以服習飲食其中積有歲季矣遂在宛上  
首齋閒齋撚鬚推手無觸非韻集句百計風騷激  
盪名震講席猶以為隸及之也今既縮銅墨受民社案  
牘役其形催科括其性幾何不以為雕蟲薄置之者而  
專嗜窮摺摺撫弗勸遠紹近述敷勤罔斲遂俾四唐訛  
人生面如見亦云异矣得非兼人之資談博之學服官  
之暇有餘力于是與抑嘿識性成而壇坫自高古人有  
不尋不衙官虞候以聽部署者與往稽有周列國諸卿

登高作賦如蔓艸晨風俱歌成什未有自作者即其才  
可見矣意者興觀羣怨與夫事父事君之旨吾匪我即  
以是推而暨焉而黼黻休明奠麗區宇皆可協以和平  
之聽安在丰部唐詩非即嘉謨嘉猶之蘊藉無盡者哉  
若以為締繪沈宋鼓吹杜李以侵淫日露風雲之習將  
淺之乎知吾匪我於所謂滙者共其指矣

序

汪左俞 綬去文撰

匪莪先生才人也其身兼數器正似劉炫左畫圓右畫方目數耳聽五事并舉嘗鐸吾宣予遊之殊暱見所作誣文滿家而嘯閣集句誣尤著世人動謂文士不中實用如畫地餅不可啖已矣先生擢范令去夫范荆秦之邑彫剋不堪令徒手劾勵日昃不遑食予遙計之是且拊循一方民即游夏何必兼長文學也先生適一再書問予則砢砢文事不少置癸卯夏又示以所輯唐誣韻滙委之序予敬諾夫先生今人也今人所作者今代之誣而先生所作則非今代之誣唐人史誣也春秋昔列

國大夫聘饗皆賍誣言志通謂之作先生今滙而成編  
非徒先生所輯也誣而先生所作之誣也論誣者斷自  
三百篇為纛漢魏六朝其流而唐人其滙唐諸體誣不  
逮古律以創虺犄犇五言律六代之末已具體而聲耦  
未諧初唐人猶沿其習故總論諸體律為難析論律體  
七言為難比量於初盛中晚其心變可得而詳也皆尾  
股腹抑揚翕闢各育變化風骨神趣設色布象各有裁  
度穠淡纖鴻奇正簡纏亦各闕望壺唐自擅一朝之能  
事上自天子宮壺之內下迄委巷笄幘之微莫不為誣  
故盛而功令所在望的旨趨揣摩傳合望旨充筐篚代  
籩牽比之執贄故衰端見焉先生滙也而集大成以韻

類分無事詮擇如夏璜明月瑕類不相掩武庫共仗利  
鈍罔不具即極之而比于三百篇家父孟子黍離板蕩  
之什蘩所不廢俾后之學者依韻求之纛本乎性情推  
毀于治亂言之無辜聳也足以戒先生第三唐功臣哉  
先生之才兼摠紛劇事事挾原委即其作為是編晉之  
旨譜序其系繼之五律七絕統其全藝林盛大觀也而  
七言律先成故予曷具論之以候更僕

唐詩韻滙譜卷之上目

初唐

杜審言

沈佺期

李適

崔湜

郭震

武平一

閻朝隱

徐彥伯

趙彥昭

李嶠

李乂

宋之問

鄭愔

馬懷素

宗楚客

劉憲

盧藏用

韋元旦

國家圖書館 NATIONAL CENTRAL LIBRARY, TAIWAN, R.O.C.

崔日用

蘇瓌

崔融

徐皓

岑羲

盧懷慎

薛稷

裴濯

姚崇

張說

蘇頲

張九齡

賈魯

徐安貞

李邕

姜皎

姜晞

孫逖

張諤

蔡孚

邵昇

庾光先

盛唐

玄宗皇帝

蔡希周

李愔

儲光羲

賈至

王維

苑咸

裴迪

孟浩然

王昌齡

盧象

高適

崔顥

岑參

李頎

祖詠

萬楚

綦母潛

崔曙

元結

國家圖書館, NATIONAL CENTRAL LIBRARY, TAIWAN, R.O.C.



嚴武

劉方平

陶峴

張志和

于逖

李白

張謂

郭受

獨孤及

常建

王灣

任甫

國家圖書館, NATIONAL CENTRAL LIBRARY, TAIWAN, R.O.C.

唐詩韻滙譜

泗嶼施端教匪莪輯

初唐

杜審言

新唐書云審言進士舉初爲隰城尉雅善五言詩工書翰有能名然恃才褻傲甚爲時輩所嫉乾封中蘇味道爲天官侍郎審言預選試判訖謂人曰蘇味道必死人問其故審言曰見吾判卽自當羞死矣又嘗謂人曰吾之文章合得屈宋作衙官吾之書跡合得王羲之北面其矜誕如此累轉雒陽丞坐事貶授吉州司戶叅軍又

與州僚不叶司馬周季重與員外司戶郭若訥  
共構審言罪狀繫獄將因事殺之旣而季重等  
府中酣讌審言子并年十三懷刃以擊之季重  
中傷死而并亦爲左右所殺季重臨死曰吾不  
知審言有孝子郭若訥誤我至此審言因此免  
官後則天召見審言將加擢用問曰卿歡喜否  
審言蹈舞謝恩因令作歡喜詩甚見嘉賞拜著  
作佐郎俄遷膳部員外郎神龍初坐與張易之  
兄弟交往配流嶺外尋召授國子監主簿加脩  
文館直學士年六十餘卒有集十卷○計敏夫  
唐詩紀事云審言字必簡襄州人將死謂宋之

問武平一曰我在久壓公等今且死固大慰但  
恨不得替人云與李嶠崔融蘇味道爲文章四  
友○文獻通考云杜審言集一卷晁氏曰有詩  
四十餘篇而已

李嶠

新書云字巨山趙州贊皇人爲兒時夢人遺雙  
筆自是有文詞十五通五經二十擢進士第始  
調安定尉舉制策甲科遷長安授監察御史稍  
遷給事中辨狄仁傑等枉忤武后旨出爲潤州  
司馬久乃召爲鳳閣舍人文冊大號令多主爲  
之俄知天官侍郎事進麟臺少監同鳳閣鸞臺

平章事遷鸞臺侍郎會張錫輔政嶠其出也罷  
爲成均祭酒俄檢校文昌左丞留守東都長安  
三年以本官復爲平章事知納言遷內史嶠辭  
劇復爲成均祭酒平章事張易之敗坐附會貶  
豫州刺史未行改通州數月以吏部侍郎召俄  
遷尚書神龍二年代韋安石爲中書令加脩文  
館大學士封趙國公以特進同中書門下三品  
睿宗立罷政事下除懷州刺史致仕玄宗立貶  
滁州別駕聽隨子虔州刺史暢之官改廬州別  
駕卒年七十嶠富才思有所屬綴人多傳諷其  
仕前與王勃楊盈川接中與崔融蘇味道齊名

晚諸人沒而爲文章宿老一時學者取法焉○  
藝文志云李嶠集五十卷○通考晁氏云集本  
六十卷未見今所錄一百二十詠而已有張方  
註

### 沈佺期

舊唐書云相州內黃人也進士舉長安中累遷  
通事舍人預修三教珠英佺期善屬文尤長七  
言之作與宋之間齊名時人稱爲沈宋再轉考  
功員外郎坐賊配流嶺表神龍中授起居郎加  
修文館直學士後歷中書舍人太子詹事開元  
初卒有文集十卷○新唐書云建安後訖江左

詩律屢變至沈約庾信以音律相婉附屬對精密及宋之問沈佺期尤加靡麗回忌聲病約句準篇如錦繡成文學者宗之號爲沈宋語曰蘇李居前沈宋比肩○紀事云張燕公說嘗謂佺期曰沈三兄詩須還他第一佺期字雲卿除給事中考功郎受贓劾未寃會張易之敗遂長流驩州稍遷台州錄事參軍入計召見拜起居郎兼脩文直學士侍宴爲迴波詞悅帝其詞云迴波爾時佺期流向嶺外生歸身名已蒙齒錄袍笏未復牙緋因賜牙緋尋爲太子詹事

李又

新唐書云字尚真趙州房子人少孤年十二工屬文中書令薛元超曰是子且有兼內名第進士茂才異等累調萬年尉擢監察御史遷中書舍人脩文館學士韋氏之變詔令嚴促多又草定進吏部侍郎仍知制誥與宋璟等同典選事請謁不行時人語曰李下無蹊徑改黃門侍郎封中山郡公制刺不便輒駁正姚崇爲紫微令薦爲侍郎外託引重實去其糾駁權畏又明切也未幾除刑部尚書卒年六十八贈黃門監謚曰貞又事兄尚一尚貞孝謹甚又俱以文章自名弟兄同爲一集號李氏花萼集○紀事云又

爲紫微侍郎與蘇頲對掌綸誥明皇曰前有味  
道嶠朕今有頲又皆號蘇李

宋之問

舊唐書云虢州弘農人弱冠知名尤善五言詩  
當時無能出其右者初徵令與楊炯分直內教  
俄授雒州叅軍累轉尚方監丞預修三教珠英  
嘗扈從遊宴則天幸雒陽龍門令從官賦詩左  
史東方虬詩先成以錦袍賜之及之問詩成則  
天稱其詞愈高奪虬錦袍以賞之坐附張易之  
左遷瀧州叅軍未幾逃還匿于雒陽人張仲之  
家仲之與駙馬都尉王同皎等謀殺武三思之

問令兄子發其事以自購及同皎等獲罪起之  
問爲鴻臚主簿繇是深爲義士所譏景龍中再  
轉考功員外郎時中宗增置修文館學士之問  
與薛稷杜審言等首膺其選當時榮之尋轉越  
州長史睿宗卽位以之問附張易之武三思配  
徙欽州先天中賜死于徙所友人武平一纂集  
其詩共十卷傳于代○紀事云字延清又云韋  
善心爲郎中善剖決之問善詩時謂戶部二妙  
又云之問求爲北門學士天后不許故明河篇  
有乘槎訪卜之語后見其詩謂崔融曰吾非不  
知其才但以其有口過耳之問終身耻之口過

齒疾○景龍文館記云中宗正月晦日幸昆明池賦詩群臣應制百餘篇張殿前結綵樓命上官昭容選一首爲新翻御製曲從臣悉集其下須臾紙落如飛各認其名而懷之旣退惟沈宋二詩不下又移時一紙飛墜競取而觀乃沈詩也及聞其評曰二詩工力悉敵沈詩落句詞氣已竭宋猶健舉沈乃伏不敢復爭○僧皎然云沈宋爲有唐律詩之龜鑑情多興遠語麗爲多真射鵬手使曹劉降格爲之吾未知其孰勝

崔湜

唐書云字澄瀾定州安喜人少以文詞稱第進

士擢累左補闕稍遷考功員外郎時桓彥範等當國畏武三思甚構引湜使陰約其姦中宗稍疏功臣三思日益寵湜反以彥範等計告三思驟遷中書舍人湜附託昭容上官氏數與宣淫于外景龍二年遷兵部侍郎俄拜中書侍郎檢校吏部侍郎同中書門下平章事與鄭愔同典選爲御史李尚隱劾奏貶江州司馬上官與安樂公主從中申護之改襄州刺史未幾入爲尚書左丞韋氏稱制復以吏部侍郎同中書門下三品睿宗立出爲華州刺史俄除太子詹事景雲中太平公主引爲同中書門下三品進拜中

書令帝將誅蕭至忠等召湜示腹心對問失旨  
徙嶺外官人元稱嘗與湜謀進醜于帝追及荆  
州賜死年四十三湜執政時年三十八嘗暮出  
端門緩轡諷詩張說見之嘆曰文與位固可致  
其年不可及也○朝野僉載云崔湜爲吏部侍  
郎掌選有選人引過自訴云某能翹關負鼎湜  
曰若壯何不兵部選荅曰外人皆云崔侍郎下  
有氣力者卽得

鄭愔

紀事云字文靖年十七進士擢第神龍中爲中  
書舍人與崔日用趙履溫李愔等托武三思權

薰炙中外天下語曰崔冉鄭亂時政冉謂冉或時雍也  
曰初附來俊臣俊臣誅附易之易之誅託韋庶  
人後附譙王卒被戮○詩紀云愔滄州人來俊  
臣羅織文狀皆愔草定○朝野僉載云鄭愔爲  
吏部侍郎掌選贓汚狼籍有選人繫百錢于靴  
帶上愔問何故荅曰當今之選非錢不行愔默  
然不言

郭震

唐書云字元振魏州貴鄉人以字顯十六與薛  
稷趙彥昭同爲太學生家嘗送資錢四十萬會  
有緣服者叩門自言五世未葬願假以治喪元



振舉與之無少吝一不質名氏稷等嘆駭十八  
舉進士爲通泉尉任俠使氣撥去小節嘗盜鑄  
及掠賣部中口千餘以餉遺賓客百姓厭苦武  
后知所爲召欲詰旣與語奇之索所爲文章上  
寶劍篇后覽嘉嘆詔示學士李嶠等卽授右武  
衛鎧曹參軍進奉宸監丞後拜爲涼州都督景  
雲二年進同中書門下三品遷吏部尚書封館  
陶縣男以功進封代國公玄宗講武驪山以軍  
容不整流新州開元元年起爲饒州司馬道病  
卒年五十八有集二十卷

馬懷素

唐儒學傳云字惟白潤州丹徒人客江都師事  
李善貧無資晝樵夜輒燃以讀書遂博通經史  
擢進士第又中文學優贍科補郿尉積勞遷左  
臺監察御史轉禮部員外郎遷考功擢中書舍  
人內供奉爲修文館直學士開元初爲戶部侍  
郎封芑山縣公進兼昭文館學士卒謚曰文

武平一

唐書云名甄以字行潁川郡王載德子也博學  
通春秋工文辭武后時畏禍不敢與事隱嵩山  
脩浮圖法屢詔不應中宗復位平一居母喪迫  
召爲起居舍人丐終制不見聽景龍二年兼脩

文館直學士遷考功員外郎玄宗立貶蘇州參軍徙金壇令平一見寵中宗時雖宴豫嘗因詩頌規誠然不能卓然自引卒故被謫而名不衰開元末卒

### 宗楚客

舊唐書云蒲州河東人則天從父姊之子也累官夏官侍郎同鳳閣鸞臺平章事神龍初爲太僕卿武三思用事引楚客爲兵部尚書同中書門下三品節愍太子旣殺武三思兵敗逃于鄆縣楚客遣使追斬之仍以其首祭三思及崇訓喪柩韋庶人及安樂公主尤加親信未幾遷中

書令楚客與侍中紀處訥共爲朋黨時人呼爲宗紀韋氏敗伏誅○紀事云字叔敖

### 閻朝隱

新唐書云字友倩趙州藥城人少與兄鏡幾弟仙舟皆著名連中進士孝悌廉讓科補陽武尉中宗爲天子朝隱以舍人幸性滑稽屬辭奇詭爲武后所賞累遷給事中仗內供奉后有疾令往禱少室山乃沐浴伏身俎盤爲犧請代后疾還奏會后亦愈大見褒賜其資佞諂如此景龍初自崖州遇赦還累遷著作郎先天中爲秘書少監坐事貶通州別駕卒○舊唐書云朝隱文

章雖無風雅之體善構奇甚為時人所賞預修  
三教珠英張易之所作篇什多是朝隱及宋之  
間潛代為之易之伏誅坐徙嶺外

劉憲

唐書云字元度宋州寧陵人弱冠舉進士累除  
冬官員外郎天授中受詔推按來俊臣憲嫉其  
酷暴欲因事繩之反為俊臣所構貶鄰水令再  
遷司僕丞及俊臣伏誅擢憲為給事中尋轉鳳  
閣舍人神龍初坐嘗為張易之所引自吏部侍  
郎出為渝州刺史俄復入為太僕少卿兼修國  
史加修文館學士景雲初三遷太子詹事卒贈

兗州都督有集三十卷

徐彥伯

新唐書云兗州瑕丘人名洪以字顯七歲能為  
文結廬太行山下薛元超安撫河北表其賢對  
策高第調永壽尉蒲州司兵叅軍時司戶韋暠  
善判司士李亘工書而彥伯屬辭時稱河東三  
絕遷職方員外郎奉迎中宗房州進給事中武  
后撰三教珠英取文辭士皆天下選而彥伯李  
嶠居首選宗正卿出為齊州刺史帝復位改太  
常少卿以修武后實錄勞封高平縣子為衛州  
刺史政善狀璽書嘉勞移蒲州以近畿會郊祭

上南郊賦一篇辭致典緝擢修文館學士工部  
侍郎歷太子賓客以疾乞骸骨許之開元二年  
卒○藝文志云徐彥伯首集十卷後集十卷○  
舊唐書云晚年屬文好爲強澁之體頗爲後進  
所效焉○紀事云彥伯爲文多變易求新以鳳  
閣爲鸚閣龍門爲虬戶金谷爲銑溪玉山爲瓊  
岳竹馬爲篠驂月兔爲魄兔後進士効之謂之  
徐澁體

### 盧藏用

新唐書云字子潛幽州范陽人能屬文舉進士  
不得調與兄徵明偕隱終南少室二山學練氣

爲辟穀長安中召授左拾遺姚元崇持節靈武  
道奏爲管記還應縣令舉甲科爲濟陽令神龍  
中累擢中書舍人歷吏部黃門侍郎修文館學  
士坐親累降工部侍郎進尚書右丞附太平公  
主主誅玄宗欲捕斬藏用顧未執政意解乃流  
新州或告謀反推無狀流驩州會交趾叛藏用  
有捍禦勞改昭州司戶叅軍遷黔州長史判都  
督事卒于始興始隱山中時有意當世人目爲  
隨駕隱士晚乃徇權利務爲驕縱素節盡矣司  
馬承禎嘗召至闕下將還山藏用指終南曰此  
中大有嘉處承禎徐曰以僕視之仕宦之捷徑

耳藏用慚無子○藝文志云集三十卷○舊唐書云年五十餘有集二十卷藏用工篆隸好琴碁當時稱為多能之士少與陳子昂趙貞固及善二人並早卒藏用厚撫其子為時所稱

趙彥昭

舊唐書云甘州張掖人也少以文辭知名中宗時累遷中書侍郎同中書門下三品兼修國史充脩文館學士睿宗時出為涼州都督又為宋州刺史入為吏部侍郎又為刑部尚書關內道持節巡邊使檢校左御史臺大夫彥昭素與郭元振張說友善及蕭至忠等伏誅元振說等稱

彥昭先嘗密圖其事乃以功遷刑部尚書封耿國公賜實封一百戶殿中侍御史郭震此非郭代公也奏彥昭以女巫趙五娘左道亂常託為諸姑潛相影援既因提挈乃踐台階驅車造門著婦人之服攜妻就謁申猶子之情請付紫微黃門準法處分俄而姚崇入相惡彥昭為人累貶江州別駕卒○新唐書云字真然

韋元旦

新唐書云京兆萬年人擢進士第補東阿尉遷左臺監察御史與張易之有姻屬易之敗貶感義尉俄召為主客員外郎遷中書舍人舅陸頌

妻韋后弟也故元旦憑以復進云

崔日用

舊唐書云滑州靈昌人進士舉初為芮城尉大  
 足元年則天幸長安路次陝州宗楚客時為刺  
 史日用支供頓事廣求珍味稱楚客之命徧饋  
 從官楚客知而大加賞嘆盛稱薦之由是擢為  
 新豐尉無幾拜監察御史神龍中宗楚客武三  
 思武延秀等遍為朋黨日用潛皆附之送兵  
 部侍郎兼修文館學士新唐書云宴內殿酒酣  
起為回波舞求學士即  
詔兼修文館學士中宗暴崩韋庶人稱制日用恐禍及  
 已知玄宗將圖義舉深自結納及討平韋氏其

夜令權知雍州長史事以功授銀青光祿大夫  
 黃門侍郎叅知機務封齊國公食實封二百戶  
 為相月餘與中書侍郎薛稷不協于中書忿競  
 由是轉雍州長史停知政事尋出為揚州長史  
 歷婺汴二州刺史兗州都督荊州長史及討蕭  
 至忠竇懷貞之際又令權檢校雍州長史加實  
 封通前滿四百戶拜吏部尚書尋出為營州刺  
 史考新書以兄累故也削實封三百戶轉汝州刺史開元  
 七年復食二百戶十年轉并州大都督長史尋  
 卒年五十贈吏部尚書謚曰昭後又贈荊州大  
 都督子宗之襲○紀事云上宴日日用起舞自

歌云東館總是鸚鵡南臺自多杞梓日用讀書  
萬卷何忍不蒙學士墨制簾下出來微臣眼看  
喜死其日以日用兼修文館學士制曰日用書  
窮萬卷學富三冬日用舞蹈拜謝

蘇 瓌

舊唐書云字昌容京兆武功人弱冠本州舉進  
士累授豫王府錄事參軍長安中累遷揚州大  
都督府長史神龍初入爲尚書右丞以明習法  
律多識臺閣故事特命刪定律令格式尋加銀  
青光祿大夫是歲再遷戶部尚書尋加侍中封  
淮陽縣子充西京留守遷吏部尚書進封淮陽

縣侯景龍三年轉尚書右僕射同中書門下三  
品進封許國公與唐休璟並加監脩國史睿宗  
卽位進左僕射景雲元年以老疾轉太子少傅  
是歲十一月薨贈司空荊州大都督謚曰文貞  
開元四年詔與徐國公劉幽求配享睿宗廟庭  
十七年加贈司徒○藝文志云集十卷

李 適

文苑傳云字子至雍州萬年人舉進士武后時  
預修三教珠英遷戶部員外郎兼修書學士景  
龍初擢修文館學士睿宗時轉工部侍郎卒年  
四十九嘗夢與人論大衍數寤而曰吾壽盡此

乎勅其子曰灞陵原西視京師吾樂之可營墓  
及未病時衣冠往寢石榻上置所撰九經要句  
及素琴于前士貴其達

庾光先

侯考

岑 羲

新唐書云字伯華江陵人第進士累遷太常博士坐伯父長倩貶郴州司法參軍遷金壇令時弟仲翔爲長洲令仲休爲溧水令皆有治績宰相宗楚客語本道巡察御史母遣江東三岑乃薦羲爲汜水令武后令宰相舉爲員外郎者韋嗣立薦羲且言惟長倩爲累久不進后曰羲誠材何諉之拘卽拜天官員外郎於是坐親廢者皆得援而進矣俄爲中書舍人中宗時武三思



用事敬暉欲上表劄諸武封王者衆畏三思不敢爲草獨義爲之詞誼勁切繇是下遷秘書少監進吏部侍郎時崔湜鄭愔及大理少卿李元恭分掌選皆以賄聞獨義勁廉爲時議嘉仰帝崩詔擢右散騎常侍同中書門下三品睿宗立罷爲陝州刺史再遷戶部尚書景雲初復召同三品進侍中封南陽郡公初節愍太子之難再祖雍誣帝及太平公主連謀賴義與蕭至忠保護得免義監脩中宗實錄自著其事帝見之賞嘆賜物三百段良馬一匹下詔褒美時義兄獻爲國子司業仲嗣陝州刺史仲休商州刺史兄

弟子姓在清要者數十人義歎曰物極則反不以懼矣然不能抑退坐豫太平公主謀誅籍其家

### 盧懷慎

舊唐書云滑州靈昌人其先家於范陽爲山東著姓祖恣爲靈昌令因徙焉懷慎少清謹舉進士歷監察御史吏部員外郎景龍中遷右御史臺中丞上疏以陳時政得失不納累遷黃門侍郎賜爵漁陽伯先天二年與侍中魏知古于東都分掌選事尋徵還同中書門下三品開元三年遷黃門監懷慎與紫微令姚崇對掌樞密自

以爲吏道不及崇每事皆推讓之時人謂之作  
食宰相四年兼吏部尚書其秋以疾篤累表乞  
骸骨許之旬日而卒贈荊州大都督謚曰文成  
薛稷

新唐書云字嗣通蒲州汾陰人道衡曾孫擢進  
士第累遷禮部郎中中書舍人與從祖兄暉更  
踐兩省俱以辭章自名景龍末爲諫議大夫昭  
文館學士初貞觀永徽間虞世南褚遂良以書  
顯家後莫能繼稷外祖魏徵家多藏虞褚書故  
銳精臨仿結體迥麗遂以書名天下畫又絕品  
睿宗在藩喜之以其子伯陽尚仙源公主及踐

阼遷太常少卿封晉國公實封三百戶遷黃門  
侍郎參知機務與崔日用數爭事帝前罷爲左  
散騎常侍歷太子少保禮部尚書帝以翊贊功  
每召入宮中與決事恩絕群臣竇懷貞誅稷以  
知本謀賜死萬年獄年六十五○紀事云稷善  
書畫宗閣立本書師褚河南時稱買禱得薛  
不落節

裴灌

舊唐書云絳州聞喜人也父琰之倉部郎中以  
老疾廢於家灌色養劬勞十數年不求仕進父  
卒後應大禮舉拜陳留主簿異遷監察御史時

吏部侍郎崔湜鄭愔坐贓爲御史李尚隱所劾  
湜同鞠其獄安樂公主及上官昭容阿黨湜等  
湜竟執正奏其罪甚爲時所憚三遷中書舍人  
尋轉兵部侍郎以銓叙平允特受一子爲太子  
通事舍人開元五年遷吏部侍郎再轉黃門侍  
郎代韋抗爲御史大夫湜早與張說特相友善  
時說在相位數稱薦之湜又善于敷奏上亦嘉  
重焉擢拜吏部尚書尋轉太子賓客湜家世儉  
約旣久居清要頗飾妓妾後庭有綺羅之賞爲  
時論所譏二十四年卒年七十餘贈禮部尚書  
謚曰懿

姚崇

新唐書云字元之

始名元崇以與  
名武后時以字行至開元世

避帝號更  
以今名

陝州硤石人少倜儻尚氣節長乃好

學仕爲孝敬挽郎舉下筆成章授濮州司倉叅  
軍五遷夏官郎中卽拜侍郎聖曆三年進同鳳  
閣鸞臺平章事遷鳳閣侍郎俄兼相王府長史  
以母老納政歸侍乃詔以相王府長史侍疾月  
餘復兼夏官尚書同鳳閣鸞臺三品崇建言臣  
事相王而夏官本兵臣非惜死恐不益王乃詔  
改春官張易之私有請于崇崇不納易之譖于  
后降司僕卿猶同鳳閣鸞臺三品出爲靈武道

大總管以與誅二張功封梁縣侯實封二百戶  
俄爲亳州刺史歷宋嘗越許四州睿宗立拜兵  
部尚書同中書門下三品進中書令忤太平公  
主擬爲中州刺史移徐潞二州遷揚州長史徙  
同州刺史先天二年玄宗講武新豐召崇咨天  
下事哀哀不知倦拜兵部尚書同中書門下三  
品封梁國公遷紫微令固辭實封乃停舊食賜  
新封百戶紫微史趙誨受敵人賂當死崇素親  
倚署奏營減帝不悅時曲赦京師惟誨不原崇  
惶懼上還宰政引宋璟自代乃以開府儀同三  
司罷政事八年授太子少保以疾不拜明年卒

年七十二贈揚州大都督謚曰文獻十七年追  
贈太子太保○明皇雜錄云姚元崇與張說同  
爲宰輔頗懷疑阻累以事相侵張銜之頗切旣  
病戒諸子曰張丞相與吾不叶釁隙甚深然其  
人少懷奢侈尤多服翫吾身歿之後以吾嘗同  
僚當來弔汝其盛陳吾平生服翫寶帶重氍羅  
列于帳前若不顧汝速計家事舉族無類矣目  
此吾屬無所處便當錄其翫用致于張公仍以  
神道碑爲請旣獲其文登時便寫進仍礱石以  
待之便令鐫刻張丞相見事遲于我數日之後  
必當悔若却徵碑文以刊削爲辭當引使視其

鐫刻仍告以聞上訖姚既歿張果至日其翫服三四姚氏諸孤悉如教誠不數日文成叙述該詳時爲極筆其略曰八柱承天高明之位列四時成歲亭毒之功存後數日果使使取文本以爲詞未周密欲重加刊改姚氏諸子乃引使者示其碑仍告以奏御使者復命悔恨拊膺曰死姚崇猶能算生張說吾今日方知才之不及也

○藝文志云集十卷

張說

新唐書云字道濟或字說之其先自范陽徙河南更爲雒陽人永昌中武后策賢良方正詔吏

部尚書李景謨糊名較覆說所對第一后署乙等授太子抄書郎遷左舊書補闕擢鳳閣舍人

舊書云長安初脩三教珠英畢遷右史內供奉兼知考功貢舉事擢拜鳳閣舍人張易

之誣陷魏元忠也援說爲助說廷對元忠無不

順言忤后旨流欽州中宗立召爲兵部員外郎

累遷工部兵部二侍郎以母喪免詔起爲黃門

侍郎固請終制祈陳哀到天下高之除喪復爲

兵部兼修文館學士睿宗卽位擢中書侍郎兼

雍州長史玄宗爲太子說與褚無量侍讀尤見

親禮踰年進同中書門下平章事監修國史皇

太子卽位太平公主引蕭至忠崔湜等爲宰相

以說不附已授尚書左丞罷政事爲東都留守  
說知太平等懷逆乃因使以佩刀獻玄宗請先  
決策帝納之至忠等已誅召爲中書令封燕國  
公實封二百戶素與姚元崇不平罷爲相州刺  
史河北道按察使坐累徙岳州停實封說旣失  
執政意內自懼雅與蘇瓌善時瓌子頊爲相因  
作五君詠獻頊其一紀瓌也候瓌忌日致之頊  
覽詩嗚咽未幾見帝陳說忠蹇有勳不宜棄外  
遂遷荊州長史俄以右羽林將軍檢校幽州都  
督入朝以戎服見帝大喜授檢校并州長史兼  
天兵軍大使舊書有攝御史大夫五字修國史勅齋橐卽軍

中論誤召拜兵部尚書同中書門下三品明年  
詔爲朔方節度使親行五城督士馬以功賜實  
封三百戶進中書令說又倡封禪議受詔與諸  
儒草儀多所裁正帝召說與禮官學士置酒集  
仙殿曰朕今與賢者樂於此當遂爲集賢殿乃  
下制改麗正書院爲集賢殿書院而授說院學  
士知院事東封還爲尚書右丞相兼中書令宇  
文融等劾奏說乃停說中書令說旣罷政事在  
集賢院專修國史又乞停右丞相不許然每軍  
國大務帝輒訪焉崔隱甫等毀說因令致仕十  
七年復爲右丞相遷左丞相上日勅所司供漲

設樂內出醪餼帝爲賦詩俄授開府儀同三司  
十八年卒年六十四贈太師謚曰文貞說歿後  
帝使就家錄其文行於世開元後宰相不以姓  
著者曰燕公云大曆中詔配享玄宗廟廷○舊  
唐書云有文集三十卷○天寶遺事云張說母  
一玉燕自東南飛來投入懷中而有孕生說果  
爲宰相其至貴之祥也○通攷晁氏云說爲文  
精壯長于碑志朝廷大述作多出其手晚謫岳  
州詩益悽惋人謂得江山助

蘇頲

新唐書云字廷碩質敏悟一覽至千言輒覆誦

第進士調烏程尉武后封嵩高舉賢良方正異  
等除左司禦率府胄曹參軍吏部侍郎馬載曰  
古稱一日千里蘇生是已再遷監察御史長安  
中詔覆來俊臣等冤獄頲驗發其誣多所洗宥  
遷給事中修文館學士拜中書舍人時瓌同中  
書門下三品父子同在禁筦朝廷榮之玄宗平  
內難書詔填委獨頲在太極後閣口所占授功  
狀百緒輕重無所差書吏白曰丐公徐之不然  
手腕脫矣中書令李嶠曰舍人思若湧泉我所  
不及遷太常少卿仍知制誥遭父喪起爲工部  
侍郎辭不拜終制乃就職帝問宰相有自工部

侍郎得中書侍郎乎對曰陛下任賢惟所命何  
資之計乃詔以頰爲中書侍郎明日加知制誥  
給政事食給食自頰始時李又對掌書命帝曰  
前世李嶠蘇味道文擅當時號蘇李今朕得頰  
及又何愧前人哉俄襲封許國公開元四年進  
同紫微黃門平章事修國史八年罷爲禮部尚  
書俄檢校益州大都督長史按察節度劔南諸  
州從封泰山詔頰朝覲壇世咨其文還分主十  
銓事卒年五十八詔贈右丞相謚曰文憲頰性  
廉儉奉稟悉推散諸弟親族儲無長貲自景龍  
後與張說以文章顯稱望略等故時號燕許大

手筆帝愛其文曰卿所爲詔令別錄副本署臣  
某撰朕當留中後遂爲故事其後李德裕著論  
曰近世詔誥惟頰叙事外自爲文章云○皮日  
休案窓錄云中宗嘗召宰相蘇瓌李嶠之子進  
見時皆同年帝謂曰汝等各以所通書取宜奏  
者爲吾言之頰應曰木從繩則正后從諫則聖  
嶠之子忘其名亦奏曰斲朝涉之脛剖賢人之  
心帝曰蘇瓌有子李嶠無後○廣人物志云蘇  
頰年五歲時裴談嘗過其父頰方誦庾信枯樹  
賦避談字諱因易其韻曰昔年移柳依依漢陰  
今看搖落悽愴江潯樹猶如此人何以任談嘆



異之知其他日必主文章也○紀事云瓌初未知頽一日有客詣瓌候于客次頽擁篲庭廡間遺落一文字客取視之乃咏崑崙奴詩云指如十挺墨耳似兩張匙異之良久瓌出與客淹留言咏以其詩問瓌何人豈非是宗賡之孽也瓌備言其事客驚訝之請瓌加禮收舉必蘇氏之令子也瓌稍稍親之有人獻兔懸於廊廡瓌召令咏之曰兔子死蘭彈將來掛竹竿試將明鏡炤無異月中看瓌覽詩異之繇是學問日新文章蓋代時稱小許公頽初年有京兆尹過瓌命詠尹字曰丑雖有足甲不全身見君無口知伊

少人又云韋嗣立拜中書瓌署官告頽爲之辭薛稷書時謂三絕又云東明觀道士周彥雲欲爲其師立碑謂瓌曰成某志不過煩相君諸子五郎文頽六郎書頽七郎致石瓌大笑口不言而心服其公○天寶遺事云長安春時盛于遊賞園林日無閒地蘇頽應制詩云飛埃結紅霧遊蓋翻青雲帝覽詩嘉焉遂以御花插頽之巾上時人榮之○通攷晁氏曰許公調露二年進士集本四十六卷今亡其半矣韓休爲序

張九齡

新唐書云字子壽韶州曲江人七歲知屬文十

三以書干廣州刺史王方慶方慶嘆曰是必致  
遠會張說謫嶺南一見厚遇之居父喪哀毀庭  
中木連理擢進士始調校書郎以道侔伊呂科  
策高第爲左拾遺俄遷左補闕改司勳員外郎  
時張說爲宰相親重之與通譜系嘗曰後出詞  
人之冠也遷中書舍人內供奉封曲江男進中  
書舍人改太常少卿出爲冀州刺史以母不肯  
去鄉里故表換洪州都督徙桂州兼嶺南按察  
遷補使始說知集賢院嘗薦九齡可備顧問說  
卒天子思其言召爲秘書少監集賢院學士知  
院事會賜渤海詔而書命無足爲者乃召九齡

笛以倚曲每曲遍將換則進其聲以媚之太真  
以頗梨七寶杯酌西涼蒲萄酒笑飲○南部新  
書云李白山東人父爲任城尉因家焉稱蜀人  
非也今任城令廳有白之祠尚存唐范傳正誌  
其墓曰白涼武昭王九世孫昭王隴西人隋末  
子孫以罪徙西域神龍時白父客自西域逃居  
綿之巴西而白生焉唐魏顆李陽冰序其文劉  
全白撰其墓碣皆曰廣漢人故論白者或曰隴  
西或曰山東或曰蜀陽冰云李翰林浪跡縱酒  
以自昏穢咏歎之際屢稱山東李白亦云以張  
垞讒逐遊秦岱間子美所謂汝與山東李白好

唐言音韻  
蓋白自號也○天寶遺事云李白於便殿對明  
皇撰詔詰時十月大寒筆凍莫能書帝勅宮  
嬪數人侍於李白左右令各執牙筆呵之遂取  
而書其詔其受聖眷如此○通考云李翰林集  
二十卷○晁氏云白集舊十卷唐李陽冰序咸  
平中樂史別得白歌詩十卷凡歌詩七百七十  
六篇又纂雜著爲別集十卷宋次道治平中得  
王文献及唐魏萬所纂白詩又哀唐類詩泊石  
刻所傳者通李陽冰樂史集共一千一篇雜著  
六十五篇曾子固乃考其先後而次第之云白  
蜀人天寶初至長安明皇召爲翰林供奉頃之

宗之自采石至金陵著宮錦袍坐舟中旁若無  
人安祿山反轉側宿松匡廬間永王璘辟爲府  
僚佐璘起兵逃還彭澤璘敗當誅初白遊并州  
見郭子儀奇之子儀嘗犯法白爲救免至是子  
儀請解官以贖有詔長流夜郎會赦還尋陽坐  
事下獄時宋若思將吳兵三千赴河南道尋陽  
釋囚辟爲參謀未幾辭職李陽冰爲當塗令白  
依之代宗立以左拾遺召而白已卒年六十餘  
白晚好黃老度牛渚磯至姑孰悅謝家青山欲  
終焉及卒葬東麓元和末宣歙觀察使范傳正  
祭其塚禁樵採訪後裔惟二孫女嫁爲民妻進

止仍有風範因泣曰先祖志在青山頃葬東麓  
非本意傳正爲改葬立二碑焉○舊唐書云以  
飲酒過度醉死於宣城○紀事云禁中木芍藥  
開上賞之妃子從帝曰賞名花對妃子焉川舊  
樂詞爲命李龜年持金花箋賜白爲清平樂詞  
三章詞曰雲想衣裳花想容春風拂檻露華濃  
若非群玉山頭見會向瑤臺月下逢又云一枝  
紅艷露凝香雲雨巫山枉斷腸借問漢宮誰得  
似可憐飛燕倚新妝又云名花傾國兩相歡  
得君王帶笑看解釋春風無限恨沉香亭北倚  
闌干梨園子弟撫絃竹李龜年歌之上親調玉

嚴光之比云○續仙傳云張志和酒酣爲水戲  
鋪席水上獨坐飲酌嘯咏其席來去如刺舟聲

李白

新唐書云字太白興聖皇帝九世孫其先隋末  
以罪徙西域神龍初遁還客巴西白之生母夢  
長庚星因以命之十歲通詩書既長隱岷山州  
舉有道不應蘇頲爲益州長史見白異之曰是  
子天才奇特少益以學可比相如然喜縱橫術  
擊劍爲任俠輕財重施更容任城與孔巢父韓  
準裴政張叔明陶沔居徂徠山日沉飲號竹溪  
六逸天寶初南入會稽與吳筠善筠被召故白

亦至長安往見賀知章知章見其文歎曰子謫  
仙人也言於玄宗召見金鑾殿論當世事奏頌  
一篇帝賜食親爲調羹有詔供奉翰林白猶與  
飲徒醉於市帝坐沉香亭子意有所感欲得白  
爲樂章召入而白已醉左右以水頰而稍解援  
筆成文婉麗精切無留思數宴見白  
嘗侍帝醉使高力士脫鞋士素愧耻之摘其  
詩以激楊貴妃帝欲官曰妃輕卿止白自知不  
爲親近所容益驚放不自脩與知章李適之汝  
陽王璵崔宗之蘇晉張旭焦遂爲酒八仙人懇  
求還山帝賜金放還白浮遊四方嘗乘舟與崔

新唐書云字子同婺州金華人始名龜齡父游  
朝通莊列二子書爲象罔白馬證諸篇佐其說  
母夢楓生腹上而產志和十六擢明經以策干  
肅宗特見賞重命待詔翰林授左金吾衛錄事  
參軍因賜名後坐事貶南浦尉會赦還以親旣  
喪不復仕居江湖自稱煙波釣徒著玄真子亦  
以自號有韋諳者爲撰內解志和又著大易十  
五篇其卦三百六十五兄鶴齡恐其遁世不還  
爲築室越州東郡茨以生草椽棟不施斧斤豹  
席櫻屨每垂釣不設餌志不在魚也縣令使浚  
渠執畚無忤色嘗欲以大布製裘嫂爲躬績織

及成衣之雖暑不解觀察使陳少游往見爲終日留表其居曰玄真坊以門隘爲買地大其闕號回軒巷先是門阻流水無梁少游爲構之入號大夫橋帝嘗賜奴婢各一志和配爲夫婦號漁童樵青陸羽嘗問孰爲往來者對曰太虛爲室明月爲燭與四筵諸公共處未嘗少別也何有往來顏真卿爲湖州刺史志和來謁真卿以舟敝漏請更之志和曰願爲浮家泛宅往來若雪間辯捷類如此善圖山水酒酣或擊鼓吹笛舐筆輟成嘗撰漁歌憲宗圖真求其歌不能致李德裕稱志和隱而有名顯而無事不窮不達

爲之被詔趣成遷工部侍郎知制誥數乞歸養詔不許以其弟九臯九章爲嶺南刺史歲時聽給驛省家遷中書侍郎以母喪解毀不勝哀有紫芝產坐側白鳩白雀巢家樹是歲奪哀拜中書侍郎同中書門下平章事固辭不許明年遷中書令李林甫忌之譖於帝以尚書右丞相罷政事坐舉周子諒貶荊州長史久之封始興縣伯請還展墓病卒年六十八贈荊州大都督謚曰文獻初安祿山以范陽偏枋入奏氣驕蹇九齡謂裴光庭曰亂幽州者此口雛也及討奚契丹敗張守珪執如京師九齡請誅之帝不許後

在蜀思其忠為泣下且遣使祭於韶州開元後  
 天下稱曰曲江公而不名云建中元年德宗賢  
 其風烈復贈司徒○紀事云九齡在相位有謬  
 諤匪躬之誠明皇既在位久稍怠庶政每見帝  
 極言得失林甫時方同列陰欲中之將加朔方  
 節度使牛仙客實封九齡稱其不可甚不叶帝  
 旨他日林甫請見屢陳九齡頗懷誹謗于時方  
 秋帝命高力士持白羽扇以賜將寄意焉九齡  
 惶恐因作賦以獻又為鷲詩以貽林甫曰兼燕  
 何微眇乘春亦暫來豈知泥濘一作澤賤祗見玉  
 堂開繡戶時雙入華軒日幾迴無心與物競鷹

隼莫疑猜林甫覽之知其必退恚怒稍解又云  
 九齡輔明皇為賢宰相既卒明皇每用人必曰  
 風度能若九齡乎張說通攷作徐堅論其文曰如輕  
 縑素練實濟時用微窘邊幅○通攷云曲江集  
 二十卷

賈曾

新唐書云河南雒陽人父言忠建州司戶叅軍  
 曾少有名景雲中為吏部員外郎玄宗為太子  
 遴選官僚以曾為舍人太子數遣使采女樂就  
 率更寺肄習曾力諫太子手令嘉答俄擢中書  
 舍人以父嫌名不拜徙諫議大夫知制誥開元

初復拜中書舍人曾固辭議者謂中書乃曹司  
非官稱嫌名在禮不諱乃就職與蘇晉同掌制  
誥皆以文詞稱時號蘇賈後坐事貶洋州刺史  
歷虔鄭等州刺史遷禮部侍郎卒子至

### 徐安貞

舊唐書云信安龍丘人尤善五言詩嘗應制舉  
一歲三擢甲科人士稱之開元中爲中書舍人  
集賢院學士上每屬文及作手詔多命安貞視  
草甚承恩顧累遷中書侍郎天寶初卒○紀事  
云安貞始名楚璧李林甫用事或言計議多所  
參助或云安貞天寶後以林甫之故避罪衡山

岳寺李北兼遊岳識之因戲曰峴山思駐馬漢  
水憶回舟暮雨衣猶濕春風帆正開抑能記否  
因同載北婦至長沙謂守者曰瀟湘逢故人若  
幽谷之觀太陽不然委填巖穴矣

### 李邕

新唐書云字泰和揚州江都人父善註文選釋  
事而忘意書成以問邕邕不敢對善詰之邕意  
欲有所更善曰試爲我補益之邕附事見義善  
以其不可奪故兩書竝行旣冠見特進李嶠自  
言讀書未徧願一見秘書嶠曰秘閣萬卷豈時  
日能習耶邕固請乃假直秘書未幾辭去嶠驚



試問與篇隱帙了辯如響嶠嘆曰子且名家因  
與張廷珪共薦之乃召拜左拾遺御史中丞宋  
璟劾張昌宗等反狀武后不應邕立階下大言  
曰璟所陳社稷大計陛下當聽后色解即可璟  
奏邕出或讓曰子位卑一忤旨禍不測邕曰不  
如是名亦不傳五王誅坐善張柬之出爲南和  
令貶富州司戶參軍事韋氏平召拜左臺殿中  
侍御史彈劾任職人頗憚之遷戶部員外郎岑  
羲等忌之貶舍城丞玄宗卽位召爲戶部郎中  
張廷珪爲黃門侍郎而姜皎方幸共援邕爲御  
史中丞姚崇嫉邕險躁左遷括州司馬起爲陳

州刺史帝封泰山還邕見帝泣州詔獻詞賦帝  
慨然矜肆自謂且宰相邕素輕張說與相惡會  
仇人告邕賊貸枉法下獄當死許昌男子孔璋  
上書論救邕得減死貶遵化尉流瑋嶺南邕妻  
溫復爲邕請戍邊自贖不省邕後從中人楊思  
勗討嶺南賊有功徙灋州司馬開元二十三年  
起爲括州刺史喜興利除害復坐誣枉且得罪  
天子識其名詔勿劾後歷淄滑二州刺史上計  
京師始邕早有名重義愛士久斥外不與士大  
夫接旣入朝人間傳其眉目瓌異至阡陌聚觀  
後生望風內謁門巷填隘中人臨問索所爲文

唐書 卷一百一十五  
章且進上以讒媚不得留出爲汲郡北萊太守  
天寶中左驍衛兵曹參軍 勣有罪下獄邕嘗  
遺勣馬故吉溫使引邕嘗以休咎相語陰賂遺  
宰相李林甫素忌邕因傅以罪詔刑部員外郎  
祁順之監察御史羅布爽就郡杖殺之時年七  
十代宗時贈秘書監邕之文于碑頌是所長人  
奉金帛請其文前後所受鉅萬計邕雖訕不進  
而文名天下時稱李北海盧藏用嘗謂邕如千  
將莫邪難與爭鋒但虞傷軼耳後卒如言杜甫  
知邕負謗死作八哀詩讀者傷之有集七十卷

姜皎

舊唐書云秦州上邽人長安中累遷尚衣奉御  
時玄宗在藩見而悅之皎察玄宗有非常之度  
尤委心焉尋出爲潤州長史玄宗卽位召拜殿  
中少監數召入臥內命之捨敬曲侍宴私與后  
妃連榻間以擊毬鬪鷄帝呼之爲姜七而不名  
也兼賜以宮女名馬及諸珍物不可勝數玄宗  
又嘗與皎在殿庭植一嘉樹皎稱其美玄宗遽  
令徙植于其家其寵遇如此及竇懷貞等潛謀  
逆亂玄宗將討之皎協贊謀議以功拜殿中監  
封楚國公實封四百戶尋遷太常卿監修國史  
宋璟以其權寵太盛請抑損之因放歸田里以

唐書 卷一百一十五  
恣娛樂久之復起爲秘書監十年坐漏洩禁中  
語決杖流欽州行至汝州而卒年五十餘十五  
年追贈澤州刺史天寶七載贈吏部尚書仍贈  
實封二百戶以充享祀

姜晞

紀事云登永隆二年進士第

孫述

新唐書云博州武水人幼有文屬思警敏年十  
五見雍州長史崔日用令賦土火爐援筆成篇  
理趣不凡日用駭歎遂與定交舉手筆俊拔哲  
人奇士隱淪屠釣及文藻宏麗等科開元十年

又舉賢良方正玄宗御雒城門引見命戶部郎  
中蘇晉等第其文具等擢左拾遺張說命子均  
均往拜之李邕負才自陳州入計哀其文示述  
李嵩鎮太原表置幕府以起居舍人入爲集賢  
院脩撰改考功員外郎取顏真卿李華蕭穎士  
趙驊等皆彙內有名士俄遷中書舍人以父老  
聽致仕父喪闋復拜舍人開元間蘇頲齊澣蘇  
晉賈曾韓休許景先及述與詔誥爲代言最而  
述尤精密張九齡視其草欲易一字卒不能也  
居職八年判刑部侍郎以病風乞解徙太子左  
庶子遂縣廢累年徙少詹事上元中卒贈尚書

右僕射謚曰文○顏真卿集序云吏侍王丘試  
竹簾賦降階約拜待以殊禮公除廢子苑咸草  
詔曰西掖掌綸朝推無對可謂人文之宗師國  
風之哲匠也○藝文志云集二十卷

張 謬

紀事云登景龍進士第岐王範好儒士與閻朝  
隱劉廷琦鄭繇等飲酒賦詩駙馬都尉裴虛已  
善識緯坐私與範遊徙嶺南廷琦貶雅州司戶  
謬山荏丞然明皇于範無間也○國秀集云陳

王椽

蔡 孚

紀事云徐晶胡浩同時人

玄宗皇帝

新唐書云諱隆基睿宗第三子也始封楚王後  
爲臨淄郡王庶人韋氏弒中宗矯詔稱制玄宗  
率劉幽求等討誅之進封平王睿宗卽位立爲  
皇太子延和元年睿宗禪位改元開元共二十  
九年復改天寶天寶十四載安祿山反陷東京  
十五載陷潼關上洛郡甲午詔親征丁酉次馬  
嵬左龍武大將軍陳玄禮殺楊國忠等賜貴妃  
楊氏死己亥祿山陷京師庚辰次蜀郡癸巳皇

太子即皇帝位于靈武以聞十月丁巳皇帝復  
京師以聞十二月丁未至自蜀郡居于興慶宮  
三載上號曰太上至道聖皇天帝上元元年徙  
居于西内甘露殿元年建巳月崩于神龍殿年  
七十八

蔡希周

高棟云曲阿人官至監察御史見殷璠丹陽集  
與包融同時人○殷璠云希周詞彩剛媚殊得風規

李愷

舊唐書云太原文水人早聰敏以明經舉開元  
初為咸陽尉時張說自紫微令燕國公出為相

州刺史河北按察使有洛州劉行善相人說問  
察案後誰貴達行乃稱愷及臨河尉鄭巖說乃  
以女妻巖妹壻陰行真女妻于愷及說為并州  
長史太平軍太使引愷常在幕下九年入為相  
愷又為長安尉御史宇文融括田戶奏為判官  
攝監察御史分路檢察以課遷監察御史驟歷  
兵吏部郎中給事中二十八年為河南少尹蕭  
吳構之出為清河太守累遷河南太守改尚書  
右丞京兆尹轉光祿卿東京留守判尚書省事  
安祿山反遷禮部尚書與御史中丞盧奕留守  
城陷俱被害祿山傳首殉河北顏真卿斬其使

浴其首殮以木函祭而瘞之以聞玄宗贈愷徒司  
儲光羲

紀事云兗州人登開元進士第又詔中書試文  
章歷監察御史祿山反陷京師受僞署賊平貶  
死○殷璠云儲公詩格高調逸趣遠情淡削盡  
常言挾風騷之迹得浩然之氣○樂城遺言云  
儲詩高處似陶淵明平處似王摩詰○通考晁  
氏云光羲登開元十四年進士○藝文志云延  
陵人集七十卷

賈至

新唐書云字幼鄰曾子擢明經第解褐單父尉

從玄宗幸蜀拜起居舍人知制誥帝傳位至當  
讓册既進稟帝曰昔先天誥命乃父爲之辭今  
茲命册又爾爲之兩朝盛典出卿家父子手可  
謂繼美矣至頓首嗚咽流涕歷中書舍人坐小  
法貶岳州司馬寶應初召復故官遷尚書左丞  
轉禮部侍郎待制集賢院大曆初徙兵部累封  
信都縣伯進京兆尹七年以右散騎常侍卒年  
五十五贈禮部尚書謚曰文○通考晁氏云天  
寶十年擢第集十卷蘇弁編次嘗仲孺爲之序  
今亡其半矣○陳氏云唐志集二十卷別十五  
卷李淑書目云至集有三本又有十卷者有序

今本無序中興館閣本亦同

王維

舊唐書云字摩詰太原祁人父處廉終汾州司馬徙家于蒲遂爲河東人維開元九年進士擢第事母崔氏以孝聞與弟縉俱有俊才博學多藝亦齊名閨門友悌多士推之歷右拾遺監察御史左補闕庫部郎中居母喪柴毀骨立殆不勝喪服闋拜吏部郎中天寶末爲給事中祿山陷兩都玄宗出幸維扈從不及爲賊所得維服藥取痢僞稱瘖病祿山素憐之遣人迎置雒陽拘于普施寺迫以僞署祿山宴其徒于凝碧宮

其工皆梨園子弟教坊二人維聞之悲惻潛爲詩曰萬戶傷心生野煙百官何日再朝天秋槐葉落空宮裏凝碧池頭奏管絃賊平陷賊官三等定罪維以凝碧詩聞于行在肅宗嘉之會縉請削已刑部侍郎以贖兄罪特宥之謫授太子中允乾元中遷太子中庶子中書舍人復拜給事中轉尚書右丞維以詩名盛于開元天寶間昆仲宦遊兩都凡諸王駙馬豪右貴勢之門無不拂席迎之寧王薛王待之如師及維尤長五言詩書畫特臻其妙筆蹤措思叅于造化非繪者之所及也人有得奏樂圖不知其名維視之

曰霓裳第三疊第一拍也好事者集樂工按之一無差咸服其精思維弟兄俱奉佛居嘗蔬食不茹葷血晚年長齋不衣文彩得宋之問藍田別墅在輞口輞水周于舍下別漲竹洲花塢與道友裴迪浮醑往來彈琴賦詩嘯咏終日嘗聚其田園所爲詩號輞川集在京師日飯十數名僧以玄譚爲樂齋中無所有唯茶鐺藥臼經案繩牀而已退朝之後焚香獨坐以禪誦爲事妻亡不再娶三十年孤居一室屏絕塵累乾元二年七月卒臨終之際以縉在鳳翔忽索筆作別縉書又與平生親故作別書數幅多敦厲朋友

奉佛修心之旨捨筆而絕代宗時縉爲宰相代宗好文嘗謂縉曰卿之伯氏天寶中詩名冠代朕嘗于諸王座聞其樂章今有多少文集卿可進來縉曰臣兒開元中詩百千餘篇天寶事後十不存一比于中外親故間相與編綴都得四百餘篇翌日上之帝優詔褒賞○顧起經云按公卒之歲舊史稱乾元二年七月新史稱上元初卒年六十一相去半年其集載爲弟縉謝散騎宮侍表尾又繫以上元年月則上元時公尚未亡豈二史不合耶抑乾上二字有訛耶○集異記云王維未冠文章得名妙能琵琶春之一



日岐王引至公主第使爲伶人進主前維進新  
曲號鬱輪袍并出所作主大奇之令官婢傳教  
遂召試官至第諭之作解頭登第○全唐詩話  
云祿山之亂李龜年奔放江潭曾于湘中採訪  
使筵上唱云紅豆生南國秋來發幾枝贈君多  
採擷此物最相思又云秋風明月苦相思蕩子  
從戎十載餘征人去日殷勤囑歸雁來時數附  
書此皆王維所製而梨園唱焉○本事詩云靈  
王憲貴盛寵妓數十人皆上色宅左有賣餅之  
妻織白明媚上一見屬意因厚遺其夫求之寵  
愛逾等歲餘因問曰汝復憶餅師否使見之其

妻注視雙淚垂頰若不勝情時王坐客十餘人  
皆當時文士無不悽異王命賦詩維先成云莫  
以今時寵難忘異日恩看花滿眼淚不共楚王  
言坐客無敢繼者王乃歸餅師以終其志云○  
通攷經籍志云集十卷

苑咸

唐藝文志云京兆人開元末上書拜司經校書  
中書舍人貶漢東郡司戶叅軍復起爲舍人終  
承陽太守○紀事云咸成都人始舉進士在京  
仲夏忽染疾而卒三日復蘇云見人追至陰司  
見劉敬則爲冥官乃同舉進士也問其故乃曰

追賊乃誤召公遣追押還咸曰數上京不捷家  
遠且貧試閱籍若有科第官職卽願生還劉謂  
曰君來春登第歷臺省至中書舍人○李林甫  
傳云苑咸文士之闕茸者代爲題尺○藝文略  
云苑咸集李林甫撰序○續高僧傳云神邕天  
寶中居安國寺時中書舍人苑咸鑿仰彌高俱  
受心要

裴 廸

紀事云廸初與王維崔興宗俱居終南天寶後  
爲蜀州刺史與杜甫友善

孟浩然

新唐書云字浩然襄州襄陽人隱鹿門山年四  
十乃遊京師嘗于太學賦詩一座嗟伏無敢抗  
張九齡王維雅稱道之維私邀入內署俄而玄  
宗至浩然匿牀下維以實對喜曰朕聞其人  
而未見也何懼而匿詔浩然出帝問其詩浩然  
再拜自誦所爲至不才明主棄之句帝曰卿不  
求仕而朕未嘗棄卿奈何誣我因放還採訪使  
韓朝宗約浩然偕至京師欲薦諸朝會友人至  
劇飲歡甚或曰君與韓公有期浩然叱曰業已  
飲遑恤他卒不赴朝宗怒辭行浩然不悔也張  
九齡爲荊州辟置于府府罷開元末病疽背卒

初王維過郢州畫浩然像于刺史亭因曰浩然  
亭咸通中刺史鄭誠謂賢者名不可斥更署曰  
孟亭○王士源集序云開元二十八年王昌齡  
遊襄陽時浩然疽發背且愈相得歡甚浪情宴  
謔食鮮疾動終于冶城南年五十有二子儀甫  
○通攷晁氏云孟浩然所著詩二百一十首王  
士源序次爲三卷今併爲一又有韋縉序

### 王昌齡

新唐書云字少伯江寧人第進士補秘書郎又  
中宏詞遷汜水尉不護細行貶龍標尉以世亂  
還鄉里爲刺史閻丘曉所殺按舊史但云張鎬  
屢見貶斥卒

按軍河南兵大集曉最後期將戮之辭曰有親  
乞貸餘命鎬曰王昌齡之親欲與誰養曉默然  
昌齡工詩緒密而思清時謂王江寧云○藝文  
志云集五卷○薛用弱集異記云開元中詩人  
王昌齡高適王渙之齊名時風塵未偶而遊處  
略同一日天寒微雪三詩人共詣旗亭貰酒小  
飲忽有梨園伶官十數人登樓會讌三詩人因  
避席隈映擁爐火以觀焉俄有妙伎四輩尋續  
而至奢華艷曳都冶頗極旋則奏樂皆當時之  
名部也昌齡等私相約曰我輩各有詩名每不  
自定其甲乙今者可以密觀諸伶所謳若詩入

歌詞之多者為優矣俄而一伶拊節而唱乃曰  
寒雨連江夜入吳平明送客楚山孤雒陽親友  
如相問一片冰心在玉壺昌齡則引手畫壁曰  
一絕句又一伶謳曰開篋淚霑臆見君前日書  
夜臺何寂寞猶是子雲居適則引手畫壁曰一  
絕句尋又一伶謳曰奉帚平明金殿開強將團  
扇共徘徊玉顏不及寒鴉色猶帶昭陽日影來  
昌齡則又引手畫壁曰二絕句渙之白以得名  
已久因謂諸人曰此輩皆潦倒樂官所唱皆巴  
人下俚之詞耳豈陽春白雪之曲俗物敢近哉  
因指諸伶曰最佳者待此子所唱如非我詩是

即終身不敢與子爭衡矣脫是我詩子等當須  
列拜床下奉吾為師因歡笑而俟之須臾次至  
雙鬟發聲則曰黃河遠上白雲間一片孤城萬  
仞山羌笛何須怨楊柳春風不度玉門關渙之  
即掀歛二子曰田舍奴我豈妄哉因大諧笑諸  
伶不喻其故皆起謂曰不知諸郎君何此歡噉  
昌齡等因話其事諸伶競拜曰俗人不識神仙  
乞降清重俯就筵席三子從之飲醉竟日

盧象

唐藝文志云字緯卿左拾遺膳部員外郎受安  
祿山僞官貶永州司戶叅軍起為主客員外郎

長史詔拜主客員外郎道病留武昌遂不起○  
殷璠云象詩雅而平素有大體得國士之風曩  
在抄書名光秘閣如靈越山多秀新安江甚清  
集十二卷○劉禹錫紀其文云公始以章句振  
起于開元中與王維崔顥比肩驥首鼓行于時  
妍詞一發樂府傳貴繇前進士補秘書郎轉右  
衛倉曹椽丞相曲江公方執文衡揣摩後進得  
公浚器重之擢爲左補闕河南府司錄司勳員  
外郎名盛氣高少所卑下爲飛語所中左遷齊  
邠鄭三郡司馬入爲膳部員外郎大盜陷兩京  
執公脅之因謫果州長史又貶永州司戶移進

盡東南之數郡也

### 高適

新唐書云字達夫滄洲渤海人少落魄音不治  
生事客梁宋間宋州刺史張九臯奇之舉有道  
科中第調封丘尉不得志去客河西河西節度  
使哥舒翰表爲左驍衛兵曹參軍掌書記祿山  
亂召翰討賊卽拜適左拾遺轉監察御史佐翰  
守潼關翰敗天子西幸適走間道及帝于河池  
俄遷侍御史擢諫議大夫除揚州大都督府長  
史淮南節度使李輔國短毀之下除太子少詹  
事未幾蜀亂出爲蜀彭二州刺史梓屯將段子

唐言晉淵  
璋反適從崔光遠討斬之而光遠兵不戢遂大  
略天子怒罷光遠以適代爲西川節度使廣德  
元年吐蕃取隴右適率兵出南鄙欲牽制其力  
旣無功遂亡松維二州及雲山城召還爲刑部  
侍郎左散騎常侍封渤海縣侯永泰元年卒贈  
禮部尚書謚曰忠適尚節義語王伯袞袞不厭  
遭時多難以功名自許而言浮其術不爲縉紳  
所推然政寬簡所蒞民便之年五十始爲詩卽  
工以氣質自高每一篇已好事者輒傳布其貽  
書賀蘭進明使救梁宋以親諸軍與許叔真書  
令釋憾未渡淮移檄將杪絕永王俾各自白君  
子以爲義而知變

崔顥

舊唐書云登進士第有俊才無士行好菹博飲  
酒及遊京師娶妻擇有貌者稍不愜意卽去之  
前後數四累官司勳員外郎天寶十三年卒○  
新唐書云李邕聞其名虛舍邀之顥至獻詩首  
章曰十五嫁王昌邕叱曰小兒無禮不與接而  
去○藝文志云顥汴州人詩一卷○殷璠云顥  
少年爲詩屬意浮艷多陷輕薄晚歲忽變常體  
風骨凜然鮑照江淹須有慚色

岑參

藝文志云集十卷○通攷晁氏云南陽人文本  
裔孫天寶三年進士累官補闕起居郎出爲嘉  
州刺史杜鴻漸表置幕府爲職方郎中兼侍御  
史罷終于蜀參博覽史籍尤工綴文屬辭清尚  
用心良苦其有所得往往超拔孤秀度越常情  
每篇絕筆人競傳誦至德中裴君薦其識度清  
遠議論雅正佳名早立時輩所仰可以備獻替  
之官云集有杜確序

李頎

高棅云東川人開元十三年賈季鄰榜進士調  
新鄉尉○藝文志云詩一卷

祖詠

唐藝文志云詩一卷開元進士第○紀事云有  
司試終南山望餘雪詩詠賦云終南陰嶺秀積  
雪浮雲端林表明霽色城中增暮寒四句卽納  
于有司或詰之詠曰意盡○殷璠云詠詩剪刻  
省淨用思尤苦氣雖不高調頗凌俗至如霽日  
園林好清朗烟火新亦可稱爲才子也

萬楚

紀事云登開元進士第

蔡母潛

唐藝文志云字孝通開元中繇宜壽尉入集賢

院待制遷右拾遺終著作郎詩一卷○殷璠云拾遺詩舉體清秀蕭蕭跨俗若加氣質減彫飾則高視三百年外也

崔曙

紀事云開元二十六年登進士第又六試明堂火珠詩云正位開重屋中天一作出火珠夜來雙月合一作曙後一星孤天淨光難滅雲生望欲無還將聖嗣代一作通知寶國在京一作都曙以是詩得名明年卒惟一女名星星始悟其識也○殷璠云曙詩言辭欬要情與悲涼送別登樓俱堪下泪

元結

新唐書云後魏常山王遵十五代孫少不羈十七乃折節向學事元德秀天寶十二載舉進士禮部侍郎陽浚見其文曰一第恩子耳有司得于是賴果擢上第復舉制科會天下亂沈浮人間國子司業蘇源明見肅宗問天下士薦結可用時史思明攻河陽帝將幸河東召結詣京師問所欲言乃上時議三篇帝悅曰卿能破朕憂擢右金吾兵曹參軍攝監察御史爲山南西道節度叅謀募義士于唐鄧汝蔡降劇賊五千瘞戰死露齒于泌南名曰哀丘史思明亂帝將親



征結建言賊銳不可與爭宜折以謀帝善之因  
 命發宛音兼軍挫賊南鋒結屯泌陽守險全  
 十五城以討賊功遷監察御史裏行荆南節度  
 使呂諲請益兵拒賊帝進結水部員外郎佐諲  
 府又參山南東道來真府瑱誅結攝領府事會  
 代宗立因辭丐侍親歸樊上授著作郎益著書  
 作自釋曰河南元氏望也結元子名也次山結  
 字也少居商餘山容元子十篇故以元子為稱  
 天下兵興逃亂入猗玕沮始稱猗玕子後家灑  
 濱乃自稱浪士及有官人以為浪者亦漫為官  
 乎呼為漫即既客樊上漫遂顯樊左右皆漁者

少長相戲更曰聾叟彼謂以聾者為其不相從  
 聽不相鉤加帶箠箠而盡船獨聾齧而揮車酒  
 徒得此又曰公之漫其猶聾乎公守著作不帶  
 箠箠乎又漫浪于人間得非聾齧乎公漫久矣  
 可以漫為叟云云久之拜道州刺史為民營舍  
 給田免徭役流亡歸者萬餘進授容管經略使  
 身論蠻豪綏定八州會母喪人皆詣節府請留  
 加左金吾衛將軍民樂其教至立石頌德罷還  
 京師卒年五十贈禮部侍郎○通攷云元子十  
 卷猗玕子一卷文編十卷

猗武

舊唐書云中書侍郎挺之子也神氣雋爽放于  
聞見幼有成人之風讀書不究精義涉獵而已  
弱冠以門蔭策名隴右節度使哥舒翰奏充判  
官遷侍御史至德初肅宗興師靖難大收才傑  
武仗節赴行在宰相房琯以武名臣之子素重  
之及是首薦才略可稱累遷給事中既收長安  
以武爲京兆少尹兼御史中丞時年三十二以  
史思明阻兵不之官優游京師頗自矜大出爲  
綿州刺史兼御史中丞遷劍南東川節度使入爲  
太子賓客兼御史中丞上皇詰以劍兩川合爲  
一道拜武成節尹兼御史大夫充劍南節度使

入爲太子賓客遷京兆尹兼御史大夫二聖山  
陵以武爲橋道使無何罷兼御史大夫改吏部  
侍郎尋遷黃門侍郎與宰臣元載滾相結託與  
其引在同列事未行求爲方面復拜成都尹充  
劍南節度等使廣德二年破吐蕃七萬餘衆拔  
當狗城十月取鹽川城改檢校吏部尚書封鄭  
國公前後在蜀累年肆志逞欲恣行猛政梓州  
刺史章彝初爲武判官及是小不副意赴成都  
杖殺之繇是威震一方蜀土頗饒珍產武窮極  
奢靡賞賜無度或由一言賞至百萬蜀方閭里  
以徵斂殆至匱竭然蕃人亦不敢犯境而性本

狂蕩視事多率胸臆雖慈母言不之顧初為劔南節度使舊相房琯出為管內刺史琯于武有薦導之恩武驕倨見琯略無朝禮甚為時議所貶永泰元年四月以疾終時年四十○新唐書云字季鷹華州華陰人幼豪爽母裴不為挺之所答獨厚其妾英武始八歲怪問其母母語之故武奮然以鐵鎚就英寢碎其首左右驚白挺之曰郎戲殺英武辭曰安有大臣厚妾而薄妻者見故殺之非戲也父奇之曰真嚴挺之子又云武卒母哭且曰而今而後吾知免為官婢矣贈尚書左僕射○紀事云武年二十二史作三十二

為給事黃門郎明年擁旄西蜀杜甫乘醉言不謂嚴挺之乃有此子也武恚日久之曰杜審言孫子擬持虎鬚合坐皆笑以彌縫之房大尉琯微有所忤憂怖成疾李太白作蜀道難為房杜危之也

張謂

高棟云字正言河南人○紀事云登天寶二年進士奉使長沙作長沙風土記又云乾元中謂以尚書郎出使夏口沔州牧杜公觴于江城南湖謂命李白標之白目為郎官湖又云謂大曆間為禮部侍郎典七年八年九年貢舉

劉方平

紀事云方平泛舟思鄉云西北浮雲外伊川何處流蓋洛中人也皇甫冉之京畱別方平詩云遲遲越二陵回首但蒼茫喬木清宿雨故關愁夕陽冉嘗爲河南從事自是遷左拾遺留別于河南也又云方平與元魯山善不仕蓋邢襄公政會之後也蕭穎士云山東茂異有河南劉方平

郭受

紀事云大曆間衡陽判官也

陶峴

全唐詩話云彭澤之孫也開元末家崑山泛遊江湖自製三舟與孟彥深孟雲卿焦遂共載吳越之士號爲水仙省親南萊獲崑崙奴名摩訶善泅水至西塞山下泊舟吉祥佛寺見江水漲黑謂必有怪物投劍命摩訶下取久之支體磔裂浮于水上峴流涕迴棹賦詩自叙不復遊江湖矣

獨孤及

新唐書云字至之河南洛陽人爲兒時讀孝經父試之曰兒志何語對曰立身行道揚名于後世宗黨奇之天寶末以道舉高第補華陰尉辟

江淮都統李峒府掌書記代宗以左拾遺召既  
至上疏陳政俄改太常博士遷禮部員外郎歷  
濠舒二州刺史以治課加檢校司封郎中賜金  
紫徙常州甘露降其庭卒年五十三謚曰憲及  
喜鑿拔後進如梁肅高參崔元翰陳京唐次齊  
抗昔師事之性孝友其爲文彰明善惡長于論  
議晚嗜琴有眼疾不肯治欲聽之耑也子明郁  
○藝文志云獨孤及毗陵集二十卷○通攷晁  
氏云至于天寶十三年舉洞曉玄經科唐實錄  
稱韓愈師其爲文云○紀事云時號獨孤常州  
張志和

不合去安祿山反明皇在蜀永王璘節度東南  
白時卧廬山迫致之璘敗坐繫潯陽獄崔渙宋  
若思驗治白以爲罪薄釋白囚使謀其軍乾元  
元年終以汙璘事長流夜郎以赦得釋過當塗  
以卒終始更涉如此此白之詩書所自序可考  
者也舊史稱白山東人爲翰林待詔又稱白在  
宣城謁見永王璘遂辟爲從事而新書又稱白  
流夜郎還潯陽坐事下獄宋若思釋之者皆不  
合於白之自序蓋史誤也予按杜甫詩而以白  
爲山東人而蘇子瞻嘗恨白集爲庸俗所亂則  
白之自序亦未可盡信而遂以爲史誤非也近

蜀本又附入白隱處少年所作詩六十篇尤爲  
淺俗白天才英麗其詞逸蕩俊偉飄然有超世  
之心非常人所及讀者自可別其真偽也

杜甫

舊唐書云字子美本襄陽人後徙河南鞏縣天  
寶初應進士不第天寶末獻三大禮賦玄宗奇  
之召試文章授京兆府兵曹參軍十五載祿山  
陷京師肅宗徵兵靈武甫自京師宵遁赴河西  
謁肅宗於彭原郡拜右拾遺房琯布衣時與甫  
善時琯爲宰相請自率師討賊帝許之其年十  
月琯兵敗於陳濤斜明年春琯罷相甫上疏言

琯有才不宜罷免肅宗怒貶琯爲刺史出甫爲  
華州司功參軍時關畿亂離穀食踊貴甫寓居  
成州同谷縣自負薪採梠兒女餓殍者數人久  
之召補京兆府功曹上元二年冬黃門侍郎鄭  
國公嚴武鎮成都奏爲節度叅謀檢校尚書工  
部員外郎賜緋魚袋武與甫世舊待遇甚隆甫  
性褊躁無羈度恃恩放恣嘗憑醉登武之牀瞪  
視武曰嚴挺之乃有此兒武雖急暴不以爲忤  
甫於成都浣花里種竹植樹結廬枕江縱酒嘯  
咏與田夫野老相狎蕩無拘檢嚴武過之有時  
不冠其傲誕如此永泰元年夏武卒甫無所依

及郭英又代武鎮成都英又武人虜暴無能刺  
謁乃遊東蜀依高適既至而適卒是歲崔寧殺  
英又楊子琳攻西川蜀中大亂甫以其家避亂  
荆楚宿舟下峽未維舟而江陵亂乃溯沿湘流  
遊衡山寓居耒陽甫嘗遊嶽廟爲暴水所阻旬  
日不得食耒陽聶令知之自棹舟迎甫而還永  
泰二年啗牛肉白酒一夕而卒于耒陽時年五  
十九子宗武流落湖湘而卒元和中宗武子嗣  
業自耒陽還甫之柩歸葬于偃師縣西北首陽  
山之前天寶末詩人甫與李白齊名而白自負  
文格放達譏甫齷齪而有飯顆山之嘲諷元和

中詞人元稹論李杜之優劣曰唐興官學大振  
歷世能者之文互出而又沈宋之流研練精切  
穩順聲勢謂之爲律詩由是之後文變之體極  
焉然而莫不好古者遺近務華者去實効齊梁  
則不迫於魏晉工樂府則力屈于五言律切則  
骨格不存閑暇則纖濃莫備至于子美蓋所謂  
上薄風騷下該沈宋言奪蘇李氣吞曹劉掩顏  
謝之孤高雜徐庾之流麗盡得古今之體勢而  
兼人人之所獨專矣是時山東人李白亦以文  
奇取稱時人謂之李杜予觀其壯浪縱恣擺去  
拘束模寫物象及樂府歌詩誠亦差肩于子美

矣至若鋪陳終始排比聲韻大或千言次猶數  
百詞氣豪邁而風調清潑屬對律切而脫棄凡  
近則李尚不能歷其藩翰况堂與乎自後屬文  
者以稹論爲是甫有文集六十卷○新唐書云  
甫性褊躁傲誕嘗醉登武牀睜視曰嚴挺之乃  
有此兒武亦暴猛外若不爲忤中銜之一日欲  
殺甫及梓州刺史章蕤集吏于門武將出冠鈎  
于簾三左右向其母奔救得止獨殺蕤又云甫  
曠放不自檢好論天下大事高而不切少與李  
白齊名時號李杜嘗從白及高適過汴州酒酣  
登吹臺慷慨懷古人莫測也數嘗冠亂挺節無

所污爲歌詩傷時撓弱情不忘君人憐其忠云  
○詩話云有病瘧者子美曰吾詩可以療之病  
者曰云何曰夜闌更秉燭相對如夢寐其人誦  
之瘧猶是也杜曰更誦吾詩云子璋髑髏血糝  
糊手提擲還崔大夫其人誦之果愈子美傲誕  
不冠見嚴武故詩云莫倚善題鸚鵡賦何須不  
著鷓鴣冠子美奉酬云謝安不倦登臨興阮籍  
焉知禮法陳傳叙子美傲放武積不平欲殺之  
冠鈎於簾者三遂止○通考陳氏云按唐志集  
六十卷小集六卷王洙原叔蒐裒中外書九卜  
九卷除其重複定取千四百五篇古詩三百九



十九近體千有六起太平時終湖南所作視居  
行之次若歲時爲先後別錄雜著爲二卷合二  
十卷寶元二年記遂爲定本王琪君玉嘉祐中  
刻之姑蘇且爲後記元稹墓銘亦附第二十卷  
之末又有遺文九篇治平中太守裴集刊附集  
外獨木大略同而以遺文入正集中則非其舊  
也世言子美詩集大成而無韻者幾不可讀然  
開元以前文體大略如此若三大禮賦辭氣壯  
偉又非唐初餘子所能及也

唐詩韻滙譜 卷之中月

中唐

劉長卿

包何

秦系

李嘉祐

韓翃

常應物

郎士元

韋渠牟

古之奇

錢起

鮑防

包佶

張繼

皇甫冉

皇甫曾

顧况

朱放

竇群

國家圖書館 NATIONAL CENTRAL LIBRARY, TAIWAN, R.O.C.

盧綸

嚴維

耿湜

司空曙

李益

苗發

崔嵬

竇叔向

李端

張濯

朱長文

張南史

章八元

楊志堅

戎昱

于鵠

楊郇伯

竇昉

竇牟

竇華

戴叔倫

朱灣

楊衡

徐放

常袞

史延

王建

武元衡

郭郎

王表

權德輿

元凜

劉禹錫

令狐楚

王播

羊士諤

李逢吉

王起

陳羽

雍裕之

王涯

李涉

韓愈

柳宗元

呂溫

楊巨源

周弘亮

張籍

白居易

元稹

張肅遠

皇甫湜

喬琳

李賀

李德裕

牛僧孺

李紳

徐凝

楊凝

鮑溶

白敏中

殷堯藩

賈島

張祐

崔涯

皇甫曙

陳標

裴度

白行簡

劉言史

施肩吾

何元上

姚合

沈亞之

王初

楊虞卿

楊汝士

盧宗回

裴休

周墀

李景遜

盧肇

丁稜

姚鵠

高退之

孟球

劉耕

裴翻

國家圖書館, NATIONAL CENTRAL LIBRARY, TAIWAN, R.O.C.

樊驥

蒯希逸

李宣古

張道符

石貫

孟守

戈牢

王甚夷

顧非熊

費冠卿

馬植

崔軒

林滋

黃頰

丘上卿

李潛

唐思言

金厚載

章孝標

蔡京

表不約

平曾

王淑

沈傅師

朱慶餘

王彥威


周賀

牟融

國家圖書館, NATIONAL CENTRAL LIBRARY, TAIWAN, R.O.C.



國家圖書館, NATIONAL CENTRAL LIBRARY, TAIWAN, R.O.C.



唐詩韻滙譜

中唐

劉長卿

泗濱施端教匪莪輯

唐書藝文志云字文房至德監察御史以檢校  
祠部員外郎爲轉運使判官知淮西鄂岳轉運  
留後鄂岳觀察使吳仲孺誣奏貶潘州南巴尉  
會有爲辨之者除睦州司馬終隨州刺史○紀  
事云長卿以詩馳聲上元寶應間皇甫湜云詩  
未有劉長卿一句已呼宋玉爲老兵矣語未有  
駱賓王一字已罵宋玉爲罪人矣其名重如此  
○高仲武云員外有吏幹而犯上兩度遷謫皆

厚言晉語  
自取之詩體雖不新奇甚能鍊飾大抵十首已  
上語意稍同於落句尤甚此其短也○通攷晁  
氏云詩雖窘于才而能鍛鍊權德輿嘗謂爲五  
言長城今集詩九卷雜文一卷

錢起

事書云吳興人與郎士元齊名時語曰前有沈  
宋後有錢郎終考功郎中○姚合極玄集云字  
仲文天寶十載進士歷校書郎終尚書郎太清  
宮使○紀事云起從鄉薦居江湖客舍聞吟于  
庭中曰曲終人不見江上數峰青視之無所見  
矣明年崔諱試湘靈鼓瑟詩起卽用爲落句人

以爲鬼謠○藝文志云詩一卷

包何

唐藝文志云潤州延陵人字幼嗣融子與弟佶  
齊名世稱二包大曆起居舍人

鮑防

新唐書云字子慎襄州襄陽人少孤寡彊志于  
學善辭章及進士第歷署節度使僚屬入爲職  
方員外郎薛兼訓帥太原被病代宗授防少尹  
節度行軍司馬召見慰遣之俄知留後兼太原  
尹節度使人樂其治詔圖形別殿入爲御史大  
夫歷福建江西觀察使召拜主殿騎營侍從德



宗奉天進禮部侍郎封東萊郡公初防與知雜御史竇參遇導騎不引避參謫其僕及爲相防尹京兆迫使致仕授工部尚書防吒曰吾與蕭昕子齒而同昕老坐宰相餘忿耶不得志卒年六十九贈太子少保謚曰宣詩云工有所感發以譏切世儆當時稱之與中書舍人謝良弼友善時號鮑謝云○郝天挺云天寶中登第有文集今傳

### 秦系

新唐書云字公緒越州會稽人天寶末避亂剡溪北都留守薛兼訓奏爲右衛率府倉曹參軍

不就客泉州南安有九日山大松百餘章俗傳東晉時所植系結廬其上穴石爲研注老子彌年不出刺史薛播數往見之歲時致羊酒而系未嘗至城門姜公輔之謫見系輒窮日不能去築室與相近忘流落之苦公輔卒妻子在遠系爲葬山下張建封聞系之不可致請就加杪書郎與劉長卿善以詩相贈荅權德輿曰長卿自以爲五言長城系用偏師攻之雖老益壯其後東度秣陵年八十餘卒南安人思之爲立祠于亭號其山爲高士峰云

### 李嘉祐

唐書藝文志云別名從一詩一卷○通攷云詩二卷晁氏云趙州人天寶七年進士爲秘書正字袁台二州刺史善爲詩綺靡婉麗有齊梁之風時以比吳均何遜云○紀事云上元中爲台州刺史大曆間刺袁州李肇記漠漠水田飛白鷺陰陰夏木轉黃鸝之句本嘉祐詩而集中不見與嚴維劉長卿冷朝陽友善嘗有詩四年謫宦滯江城未厭門前鄙水清誰言宰邑化黎庶欲別雲山如弟兄雙鷗爲底無心狎白髮從他繞鬢生惆悵閒眠臨極浦夕陽秋草不勝情嘉祐蓋嘗謫宦但不知其故然有元日無衣冠入朝云白髭空換歲丹陛不朝天其坎坷之狀可少見矣嘉祐有送從叔陽冰寄從弟紆及姪端詩蓋三子之族也

張繼

唐藝文志云字懿孫襄州人大曆末檢校祠部員外郎分掌財賦于洪州詩一卷○紀事云登天寶進士第伉儷歿于洪州○高仲武云張繼員外累代詞伯積襲弓裘其于爲文不雕不飾及爾登第秀發當時詩體清迥有道者風

韓翃

新唐書云字君平南陽人侯希逸表佐淄青幕

府府罷十年不出李勉在宣武復辟之俄以駕部郎中知制誥時有兩韓翃其一爲刺史宰相請孰與德宗曰與詩人韓翃終中書舍人○藝文志云詩集五卷○全唐詩話云侯希逸鎮淄青翃爲從事罷府閒居十年李勉鎮夷門辟爲幕屬時已遲暮不得意多家居一日夜將半客叩門悉賀曰員外除駕部郎中知制誥翃愕然曰誤矣客曰郎報制誥闕入中書兩進名不從又請之曰與韓翃時有同姓名者爲江淮刺史又具二人同進御批曰春城無處不飛花寒食東風御柳斜日暮漢宮傳蠟燭青烟散入五侯

家又批曰與此韓翃客曰此員外詩耶翃曰是也是不誤時建中初也○南部新書云昇平公主宅卽席李端擅塲送王相之幽鎮翃擅塲送劉相巡江淮錢起擅塲○紀事云德宗西幸有神智驄如意駟二馬謂之功臣一日有進瑞鞭者上曰朕有二駿今得此可爲三絕因吟翃觀調馬詩云鴛鴦赭日齒新齊曉日花開放碧蹄玉勒乍迴初噴沫金鞭欲下不成嘶又云世傳翃有寵姬柳氏翃成名從辟淄青置之都下數歲寄詩曰章臺柳顏色青青今在否縱使長條似舊垂也應攀折他人手柳荅曰楊柳枝芳菲

節可恨年年贈離別一葉隨風忽報秋縱使君  
來豈堪折後果爲番將沙叱利所劫翊會入中  
書道逢之謂永訣矣是日臨淄大杓置酒疑翊  
不樂具告之有虞侯將許俊以義烈自許卽詐  
取得之以授韓希逸聞之曰似我往日所爲也  
俊復能之翊後爲夷門幕府後生共目爲惡詩  
輕之

皇甫冉

新唐書云字茂政十歲便能屬文張九齡嘆異  
之與弟曾皆善詩天寶中踵登進士授無錫尉  
王縉爲河南元帥表掌書記遷累右補闕卒曾

字孝常歷監察御史其名與冉相上下當時比  
張氏景陽孟陽云○藝文志云潤州丹陽人天  
寶末無錫尉避難居陽羨後爲左金吾衛兵曹  
叅軍左本傳補闕詩集三卷○紀事云玄晏先  
生之後張曲江深愛之謂清穎秀拔有江徐之  
風大曆二年遷右補闕○獨孤至之序其文云  
沈詹事宋考功財成六律彰施五色言之而中  
倫歌之而成聲緣情綺靡之功至是乃備沈宋  
旣歿而崔司勳顥王右丞維復崛起于闕元天  
寶之間得其門而入者當代不過數人補闕其  
一也○高仲武云皇甫冉補闕自擢桂禮闈遂

為高格往以世道艱虞避地江外每文章一到  
朝廷作者變色如果熟任霜封籬疎從水渡又  
衰露收新稼迎寒葺舊廬又燕知社日辭巢去  
菊為重陽冒雨開可以雄視潘張平掛沈謝又  
巫山詩終篇皆麗自晉宋齊梁周隋以來採掇  
者無數而補闕獲驪珠使前賢失步後輩却立  
自非天假何以迨斯恨長轡未騁而芳蘭早凋  
悲夫

韋應物

紀事云周道遙公愛之後待價生令儀令儀生  
鑿鑿生應物其詩言天寶時扈從遊幸事疑為

三衛永泰中任雒陽丞京兆府功曹大曆十四  
年自鄆縣令制除櫟陽令以疾辭不就建中三  
年由比部員外郎出刺滁州改刺江州追赴闕  
改左司郎中貞元初歷蘇州罷守寓蘇臺永定  
精舍又云應物性高潔所在焚香掃地而坐惟  
顧况劉長卿丘丹秦系皎然之儔得厠賓客與  
之酬唱樂天吳郡詩石記獨書兵衛森畫戟燕  
處凝清香劉太真與韋書云顧著作來以足下  
郡齋讌集相示是何情致暢茂適逸如此宋齊  
間沈謝何始精于理意然緣情體物備詩人之  
旨後之傳者甚失其源惟足下制其橫流師摯

之始關雎之亂于足下之文見之矣○藝文志  
云集十卷○李肇國史補云開元後位卑而名  
著李北棗邕王江寧昌齡李館陶鄭廣文處元  
魯山德秀蕭功曹穎士張長史旭獨孤常州及  
崔比部元翰梁補闕肅韋蘇州其一也應物仕  
宦本來似止于蘇按白傳蘇州荅劉禹錫詩云  
敢有文章替左司謂應物也官稱亦止此

皇甫曾

藝文志云字孝嘗歷侍御史坐事貶徙舒州司  
馬陽翟令○高仲武云昔孟陽之與景陽詩德  
遠慚厥弟協居上品載處下流今侍御之與補

闕文辭亦爾體製清潔華不勝文然寒生五湖  
道春及萬年枝五言之選也其爲士林所尚宜  
哉○徐獻忠唐詩品云景陽華淨遂掩哲昆平  
原英瞻竟難家弟是以世乏聯苞之鳳情欣並  
蒂之華物猶如此况復人士耶皇甫兄弟仕道  
既同才名亦配渤象高生猶持不足之嘆豈憐  
才之本意乎侍御律調澄泓聲文華潔俯視當  
世殆已飄然木末矣雖紫霞碧落未堪凌駕亦  
何可少

郎士元

藝文志云字君胄中山人寶應元年選畿縣官

詔試中書補渭南尉歷拾遺郢州刺史詩一卷

○高仲武云士元員外河岳英奇人倫秀異右

丞已後與錢起齊名自丞相以下出使作牧二

公無詩祖餞時論鄙之兩公詞體大約欲同就

中郎公稍更閒雅近于康樂如荒城背流水遠

雁入寒雲又去鳥不知低遠帆生暮愁又蕭條

夜靜邊風吹獨倚危樓望月可齊衡古人掩

映時輩又暮蟪不可聽落葉豈堪聞古人謂謝

朧工于發端比之于今有慚沮矣○姚合極玄

集云天寶十五年進士

顧况

舊唐書云蘇州人能為歌詩性恢諧雖王公之

貴與之交者必戲侮之然以嘲諷能文人多狎

之柳渾輔政以校書郎徵復遇李泌繼入自謂

已知秉樞要當得達官久之方遷著作郎况心

不樂求歸于吳而班列群官咸有侮玩之目皆

惡嫉之及泌卒不哭而有調笑之言為憲司所

劾貶饒州司戶有文集二十卷其贈柳宜城辭

句率多戲劇文體皆此類也子非能登進士第

累佐使府亦有詩名于時○紀事云字迪翁至

德進士謫官後居于茅山以壽終皇甫湜序其

文云偏于逸歌長句駿發蹕厲往往若穿天心

出月脇意外驚人語非尋常所能及最為快也  
其為人類其詞章云○又云况嘗攻小筆求知  
心亭監人詰之曰余要貌彘中山耳仍辟畫省  
王默為副任職半年落筆有奇趣○尚書故實  
云顧况志尚疎逸近于方外有時宰曾招致將  
以好官命之况以詩答之曰四象如今已太平  
相公何事紀事作用喚狂生此身還似籠中鶴東望  
滄溟紀事作數聲後吳中皆言况得道  
解化去○本事詩云况嘗與三詩友遊于苑中  
坐流水上得大梧葉上有詩云一入深宮裏年  
年不見春聊題一片葉寄與有情人况嗣自于

上遊亦題葉上放于波中詩曰花落深宮鶯亦  
悲上陽宮女斷腸時帝城不禁東流水葉上題  
詩欲寄誰後十餘日有人于苑中尋春又于葉  
上得詩以示况詩曰一葉題詩出禁城誰人酬  
和獨含情自嗟不及波中葉蕩漾乘春取次行

韋渠牟

新唐書云京兆萬年人工部侍郎述從子也少  
警悟工為詩李白異之授以古樂府去為道士  
不終更為浮屠已而復冠浙西韓滉表試抄書  
郎進至四門博士貞元十二年德宗誕日詔給  
事中徐岱兵部郎中趙需禮部郎中許孟容與



渠牟及佛老二師並對麟德殿殿問大趣渠牟  
有口辨雖于三家未究解然答問鋒生帝聽之  
意動遷秘書郎進詩七百言未浹旬擢右補闕  
內供奉始同列易之後敷遣中人專召渠牟由  
是皆屬目歲中至諫議大夫大抵延英對雖大  
臣率漏下二三刻止渠牟每奏事輒五六刻乃  
罷天子歡甚渠牟爲人佻躁志向浮淺不根于  
道德仁義特用儉巧中帝意非有嘉謨正辭感  
悟得君也自時贊免帝躬攬庶政不復委權于  
下宰相取充位行文書而已至守宰御史皆自  
推簡然處深宮所倚而信者裴延齡李齊運王

紹李實韋執誼與渠牟等其權侷人主延齡實  
皆姦虐紹無所建勦渠牟後出望最輕張恩勢  
以動天下召崔芊于茅山起鄭隨布衣至補闕  
引醴泉令馮伉爲給事中太子侍讀帝旣偏于  
任聽士之浮競甘進者爭出其門赫然勢焰可  
炙再擢太常卿卒年五十三贈刑部尚書謚曰  
忠所論著甚多傳于時○古今詩話云貞元元  
年渠牟爲大府卿與金吾李齊運度支裴延齡  
京兆尹嗣道皆承恩寵薦人多得名位時劉老  
師穆寂皆科目渠牟主穆寂齊運主老師會齊  
運朝對上嗟其羸弱許以致仕而老師失據無

名子嘲之曰大尉朝天升穆老尚書倒地落劉  
郎劉禹錫曰名場巖嶮如此○權載之序渠牟  
文云初君年十一嘗賦銅雀臺絕句在拾遺李  
白見而大駭因授以古樂府之學嘗著天竺寺  
十六韻魯郡文忠公序引而和之使畫工圖于  
仁祠摘句配境借爲勝絕又于江南啓臥疾三  
十韻晉國忠肅公手翰以美之曰卓爾獨立其  
在韋生乎其爲名臣宗公所稱賞如此又與竟  
陵陸鴻漸梓山僧皎然爲方外之侶沉冥玄覽  
爲舊最久而不名一行不滯一方故其曳羽衣  
也則曰遺名攝方袍也則曰塵外披儒服也則

今之名字著焉周流三教出入無際寄詞詣理  
必于斯文○藝文志云集十卷諫議大夫時集

盧綸

新唐書云河中蒲人避天寶亂客鄱陽大曆初  
數舉進士不第元載取綸文以進補閩鄉尉累  
遷監察御史輒稱疾去坐與王縉善久不調渾  
瑊鎮河中辟元帥判官累遷檢校戶部郎中嘗  
朝京師是時舅韋渠牟得幸德宗表其才召見  
禁中帝有所作輒使廢和異日問渠牟盧綸李  
益何在荅曰綸從渾瑊在河中驛召之會卒綸  
與吉中孚韓翃錢起司空曙苗發崔峒耿漳夏

侯審李端皆能詩齊名號大曆十才子憲宗詔  
中書舍人張仲素訪集遺文文宗尤愛其詩問  
宰相綸文章幾何亦有子否李德裕對綸四子  
簡能簡辭弘正簡求皆擢進士第在臺閣帝遣  
中人悉索家箴得詩五百篇以聞○紀事云貞  
元中古中孚爲翰林學士薦綸于朝會丁家艱  
而中孚卒大曆中李端錢起韓翃輩能爲五言  
詩詞情健麗綸作尤工至貞元末錢李諸公凋  
落綸爲懷舊詩五十韻叙其事時服其才思○  
藝文志云集十卷

嚴維

姚合極玄集云字正文山陰人至德一載進士  
歷諸暨及河南尉終杪書郎○藝文志云詩一  
卷

耿湜

紀事云寶應中進士爲左拾遺詩有家貧僮僕  
慢官罷友朋疎世多傳之○藝文志云集二卷  
按國至三體詩法注云寶應二年洪源榜進士  
姚合極玄集郝天挺鼓吹注俱同致唐史寶應  
止一年至高棟爵里詳節云代宗寶應二  
年進士寶應乃肅宗非代宗也其舛如此

司空曙

紀事云字文明廣平人登進士第從韋臯于劍  
南貞元中爲水部郎中終虞部○藝文志云集

二卷

李益

舊唐書云肅宗朝宰相揆之族子登進士第長爲歌詩貞元末與宗人李賀齊名每作一篇爲教坊樂人以賂求取唱爲供奉歌辭其征人歌早行篇好事者盡爲屏障迴樂峰前沙似雪受降城外月如霜之句天下以爲歌辭然少有癡病而多猜忌防閑妻妾過爲苛酷而有散灰扃戶之譚聞于時故時謂如癡爲李益疾以是久之不調而流輩皆居顯位益不得意北遊河朔幽州劉濟辟爲從事嘗與濟詩而有不上望京

樓之句憲宗雅聞其名自河北召還用爲秘書少監集賢殿學士自負才地多所凌忽爲衆不容諫官舉其幽州詩句降居散秩俄復用爲秘書監遷太子賓客集賢學士判院事轉右散騎常侍太和初以禮部尚書致仕卒○紀事云字君虞大曆四年登第

苗發

紀事云晉卿子終都官員外郎

崔峒

紀事云登進士第爲拾遺入集賢爲學士後終州刺史或云終玄武令○鼓吹注云博陵人終

右補闕○藝文志云詩一卷

竇叔向

新唐書云以詩自名代宗時位左拾遺○紀事云子遺直京兆人嘗袞為相引之及貶亦出為涿水令五子嘗牟羣序華皆工辭章為聯珠集

李端

御製集云大曆五年進士歷校書郎終杭州司馬○紀事云趙州人始郭曖尚升平公主賢明有十思尤多和士端等冬從曖遊曖遷官大集李端賦詩最上錢起曰素為之請賦起姓又工十前客乃服○藝文志云集三卷○全唐詩話

云蜀路有飛泉亭中詩板百餘篇後薛能佐李福于蜀道過此題云賈椽曾空去題詩豈易哉  
悉去餘詩惟留端巫山高一篇而已

張濯

紀事云登上元進士第

朱長文品彙作朱謩詩

紀事云大曆間江南詩人

張南史

藝文志云字季直幽州人以試參軍避亂居揚

州再召未赴卒詩一卷○紀事云南史好奕棋其後折節讀書遂入詩境李端哭之云諫草文猶在圍棋智不如高仲武云張君奕碁者中年感激苦節學文數年間稍入詩境知已被秋風教憶鱸更聞寒雨勸飛觴物理俱美矣

章八元

郝天挺云陸州桐廬人大曆六年進士貞元中調句容主簿○藝文志云詩一卷

朱放

藝文志云字長通襄州人隱居剡溪嗣曹王臯鎮江西辟節度叅謀貞元初召爲拾遺不就

楊志堅

雲溪友議云顏真卿爲撫州刺史邑人有楊志堅者嗜學而居貧鄉人未之知也其妻以資給不充索書求離志堅以詩送之其妻持詩詣州請公牒以求別適真卿判其牒云楊志堅早親儒教頗負詩名心雖慕于高科身未霑于寸祿愚妻視其未遇曾不少留靡追冀缺之妻贊成好事而學買臣之婦厭棄良人污辱鄉閭傷敗風教若無懲戒孰遏浮囂妻可笞二十任自改嫁楊志堅秀才餉粟帛仍署隨軍四遠聞之無不悅服自是江表婦人無敢棄其夫者

戊 昱

高棟云荆南人登進士第衛伯玉鎮荆南辟為從事德宗建中中為辰虔二州刺史京兆尹李鑾欲以女妻之令改姓昱辭焉○紀事云昱在零陵于襄陽聞有妓善歌取之以以詩遣行云寶鈿香蛾翡翠裙粧成掩泣欲行雲殷勤好取襄王意莫向陽臺夢使君子遂遣還○全唐詩話云憲宗朝北狄頻寇邊大臣奏議古者和親有五利而無一害之費帝曰聞有士子能為詩而姓名稍僻是誰宰相對以包子虛冷朝陽皆非也帝遂吟曰山上青松陌上塵雲泥豈合得

相親世路盡嫌良馬瘦唯君不棄卧龍貧千金未必能移性一諾從來許殺身莫道書生無感激寸心還是報恩人效昱集乃上湖侍臣對曰此是戊昱詩也帝曰朕又記得詠史一篇云漢家青史內計拙是和親社稷因明主安危託婦人豈能將玉貌便欲靜邊塵地下千年骨誰為輔佐臣帝笑曰魏絳之功何其儒也大臣遂息和邊之論矣

于 鶴

紀事云大曆貞元間詩人也為諸府從事居江湖間有卜居溪陽及荆南陪樊尚書賞花詩其

自述曰三十無名客空山獨臥秋豈以詩窮者耶○藝文志云詩一卷

楊郇伯

寶嘗集有途中立春寄懷楊郇伯之詩是申唐

寶嘗

新唐書云字中行大曆中及進士第不肯調客廣陵多所論著隱居二十年鎮州王武俊聞其才奏辟不應杜佑鎮淮南署為參謀歷朗夔江撫四州刺史國子祭酒致仕卒贈越州都督○郝天挺云大曆中王儲榜登第累官水部員外

郎後遷國子祭酒有集行于世○紀事云嘗初登第桑道茂云二十年後出官後五度奏官勅皆不下即攝職久之至大曆十四年及第即二十年矣

寶平

新唐書云字贈周累佐節度府晚從昭義盧從史從史歸驕平度不可諫即移疾歸東都從史敗不以覺微避去自賢位國子司業○郝天挺云貞元二年進士

寶鞏

新唐書云字友封雅裕有名于時平居與人言



若不出口世號嘖嘖翁元稹節度武昌奏華自  
副卒○白居易與元稹書云君興有餘力且與  
僕悉索還往詩中取其尤長者如張十八古樂  
府籍李二十新歌行紳盧揚二秘書律詩賦  
竇七華元八絕句博考精採編而次之號元白  
往還詩集衆君子得擬議于此者莫不踴躍歡  
喜以爲盛事次家傳華舉元和二年進士

戴叔倫

新唐書云字幼公潤州金壇人師事蕭穎士爲  
門人冠劉晏管鹽鐵表主運湖南至雲安楊惠  
琳反馳客劫之曰歸我金幣可緩死叔倫曰身

可殺財不可奪乃捨之嗣曹王臯領湖南江西  
表佐幕府臯討李希烈留叔倫領府事試守撫  
州刺史俄卽真甚年詔書褒美封譙縣男加金  
紫服遷容管經略使綏徠夷落威名流聞其治  
清明仁恕多方略故所至稱最德宗嘗賦中和  
節詩遣使者寵賜代還卒于道年五十八

朱灣

郝天挺云字巨川號滄洲子亦嘗爲府從事○  
高棅云西蜀人○高仲武云朱灣率履貞素放  
情江湖郡國交辟潛耀不起有唐高人也詩體  
幽遠典用洪深因詞寫意窮理盡性于咏物尤



非爾官也而翔書府吟咏秘閣改命是職不  
亦可乎可秘書郎

### 武元衡

新唐書云字伯蒼舊唐書云河祖平一有各舉進士累爲華原令畿輔鎮軍督將皆驕橫撓政元衡移疾去德宗欽其才召拜比部員外郎歲內三遷至右司郎中以詳整任職擢爲御史中丞嘗對延英帝曰送之曰是真宰相器順宗立王叔文使人誘以爲黨拒不納俄爲山陵儀仗使監察御史劉禹錫求爲判官元衡不與叔文滋不悅數日改太子右庶子會册皇太子元衡贊

和太子識之及卽位是爲憲宗復拜中丞進戶部侍郎元和一年拜門下侍郎同中書門下平章事兼判戶部事帝素知元衡堅正有守故眷禮信任異他相是時蜀新定高崇文爲節度不知吏治帝難其代詔元衡檢校吏部尚書兼門下侍郎同平章事爲劔南西川節度使山蕭縣伯封臨淮郡公帝御安福門慰遣之八年召還乘政淮蔡用兵帝悉以機政委之王承宗上疏請赦吳元濟使人白事中書悖慢不恭元衡叱去承宗怨數上章誣詆未幾入朝出靖安里第夜漏未盡賊乘暗呼曰滅燭射元衡中有復擊

其左股徒御格鬪不勝皆駭走遂害元衡批顛  
骨持去有司以聞帝震驚罷朝坐延英見宰相  
哀慟為再不食贈司徒謚曰忠愍○舊書云元  
衡工五言詩好事者傳之往往被于管絃初八  
年元衡自蜀再輔政時太白犯上相占者言三  
相皆不利始輕末重月餘李絳以足疾免明年  
十月李吉甫以暴疾卒至是元衡為盜所害年  
五十八始元衡與吉甫齊年又同日為宰相及  
出鎮分領揚益及吉甫再入元衡亦還吉甫先  
一年以元衡生月卒元衡後一年以吉甫生月  
卒吉凶之數皆符合焉先是長安謠曰打麥麥

打三三三既而旋其袖曰舞了也解者謂打麥  
者打麥時也麥打者蓋謂暗中突擊也三三三  
謂六月三日也舞了也謂元衡之卒也○乾  
子云武黃門之西川大宴從事楊嗣復狂酒逼  
元衡大觥不飲遂以酒沐之元衡拱手不動沐  
訖徐起更衣終不令散宴○藝文志云集十卷

郭 郎

紀事云大曆貞元詩人也皇甫冉有送郎詩云  
纔見吳洲百草春已聞燕雁一聲新秋風何處  
催年急偏逐山行水宿人○按李紳集作郭雲

王 表

紀事云大曆十四年潘綏下登第試花發上林苑表詩云御苑春何早繁花已繡林笑迎明主仗香拂美人簪地接樓臺近天垂雨露深晴光來戲蝶夕景動栖禽欲托凌雲勢先開捧日心方知桃李樹從此別成陰時謂榜有六異朱遂爲朱滔太子表爲李納犂彼軍呼爲駙馬趙博宣爲易定押衙袁同直入番爲阿師寶營二十年稱前進士其一奚陟也或曰六差

### 權德輿

舊唐書云字載之天水略陽人生四歲能屬詩

新書云三歲能受四時

七歲居父喪以孝聞父阜新書十

五爲文數百篇編爲童蒙集十卷名聲日大韓洄黜陟河南辟爲從事試秘書省校書郎貞元初復爲江西觀察使李兼判官再遷監察御史府罷杜佑裴胄皆奏請三表同日至京德宗雅聞其名徵爲太常博士轉左補闕遷起居舍人兼知制誥轉駕部員外郎司勳郎中職如舊遷中書舍人貞元十七年冬以本官知禮部貢舉來年真拜侍郎凡三歲掌貢士號爲得人轉戶部侍郎元和初歷兵部吏部侍郎坐郎吏誤用官闕改太子賓客後爲兵部侍郎遷太常卿拜禮部尚書平章事與李藩同作相及李吉甫自

淮南詔徵未一年上又繼用李絳吉甫絳議政頗有異同德輿不敢有所輕重坐是罷爲本官尋以檢校吏部尚書爲東都留守後拜太常卿改刑部尚書十一年復以檢校吏部尚書出鎮興元十三年八月有疾詔許歸闕道卒年六十贈左僕射謚曰文有文集五十卷行于代

元稹

爵里無攷詩從紀事錄入

劉禹錫

新唐書云字夢得舊書云彭城人擢進士第登博學宏詞科工文章淮南杜佑表管書記入爲監察御

史素善韋執誼時王叔文得幸太子禹錫以名重一時與之交叔文每稱有宰相器太子卽位朝廷大議祕策多出叔文引禹錫及柳宗元與議禁中所言必從擢屯田員外郎判度支鹽鐵案頗憑藉其勢多中傷士若武元衡不爲宗元所喜自御史中丞下除太子右庶子御史竇群劾禹錫挾邪亂政群卽日罷韓阜素貴不肯親叔文等斥爲湖南觀察使凡所進退視愛怒重輕人不敢指其名號二王劉柳憲宗立叔文等敗禹錫貶連州刺史未至斥朗州司馬州接夜郎諸處風俗陋甚家喜巫鬼每祠歌竹枝鼓吹

裴回其聲儻偉禹錫調屈原居沅湘間作九歌使楚人以迎送神乃倚其聲作竹枝十餘篇于是武陵夷俚悉歌之始坐叔文貶者八人憲宗欲終斥不復乃詔雖復更赦令不得原然宰相哀其才且困將澡濯用之會程异復起領運務乃詔禹錫等悉補遠州刺史而元衡方執政諫官頗言不可用遂罷禹錫久落魄鬱鬱不自聊其吐詞多諷託幽遠作問大鈞謫九年等賦數篇久之召還宰相欲任南省郎而禹錫作玄都觀看花君子詩語譏忿當路者不喜出爲播州刺史詔下御史中丞裴度爲言播極遠猿狖所

宅禹錫母八十餘不能往當與其子死訣恐傷陛下孝治請稍內遷帝曰爲人子者宜慎事不貽親憂若禹錫異他人尤不可赦度不敢對帝改容曰朕所言責人子事終不欲傷其親乃易連州又徙夔州刺史由和州刺史入爲主客郎中復作游玄都詩且言始謫十年還京師道士植桃其盛若霞又十四年過之無復一存惟兔葵燕麥動搖春風耳以詆權近聞者益薄其行俄分東都宰相裴度雅知禹錫薦爲禮部郎中集賢直學士度罷出爲蘇州刺史以政最賜金紫服徙汝周二州遷太子賓客復分司禹錫恃

才而廢褊心不能無怨望年益晏偃蹇寡所合  
乃以文章自適素善詩晚節尤精與白居易酬  
復頗多居易以詩自名者嘗推爲詩豪又言其  
詩在處應有神物護持會昌時加檢校禮部尚  
書卒年七十二舊書贈戶部尚書○本事詩云  
劉尚書禹錫罷和州爲主客郎中集賢學士李  
司空罷鎮在京蔡劉各嘗邀至第中厚設飲饌  
酒酣命妙妓歌以送之劉于席上賦詩曰鬢髯  
梳頭宮樣粧春風一曲杜韋娘司空見慣渾閒  
事斷盡江南一作刺史腸李因以妓贈之○紀  
事云禹錫與樂天唱和號劉白唱和集與裴度

唱和號汝雒集與令狐楚唱和號彭陽唱和集  
與李德裕唱和號吳蜀集○通攷云劉賓客集  
三十卷外集十卷晁氏云禹錫貞元九年進士  
陳氏云集本四十卷逸其十卷嘗山宋次道哀  
集其遺文得詩四百七篇雜文二十二篇爲外  
集然未必皆十卷所逸也

### 令狐楚

新唐書云字敬士德棻之裔也生五歲能爲辭  
章逮冠貢進士既及第王鉷愛其才奏辟之滿  
歲謝歸李說嚴綬鄭儋繼領太原高其行引在  
幕府由掌書記至判官以親喪解旣除召授右



拾遺累擢職方員外郎知制誥其爲文于歲奏制令尤善每一篇成人皆傳諷皇甫鏘薦爲翰林學士進中書舍人草裴度制詞不合停學士俄出爲華州刺史鏘旣相擢爲河陽懷節度使度出太原鏘薦爲中書侍郎同中書門下平章事穆宗卽位進門下侍郎營景陵詔楚爲使親吏不償傭錢出爲宣歙觀察使俄貶衡州刺史再徙以太子賓客分司東都敬宗時拜河南尹遷宣武節度使人爲戶部尚書俄拜東都留守從天平節度使入之徙節河東召爲吏部尚書檢校尚書右僕射俄兼太常卿進拜右僕射彭

阿君公仇士良等譖之左轉鹽鐵轉運使時政在宦監數上疏辭位拜山南西道節度使卒年七十二贈司空謚曰文疾甚諸子進藥不肯御曰人固有命何事此物耶自力爲奏謝天子召門人李商隱曰吾氣魄且盡可助我成之其大要以甘露事誅譴者衆請霽威普見昭洗辭致曲盡無所謬脫是夕有大星竇寢上其光燭廷坐與家人訣乃終

王播

新唐書云字明敏其先太原人父恕爲揚州倉曹叅軍遂家焉擢進士由蓋屋尉爲監察御史

歷侍御史李實表爲三原令以母喪解還除駕  
部員外郎遷工部郎中知御史雜事歷虢州刺  
史擢御史中丞改京兆尹進刑部侍郎領諸道  
鹽鐵轉運使超拜禮部尚書皇甫鎛忌之罷  
本官久之檢校戶部尚書爲劍南西川節度使  
長慶初召爲刑部尚書復領鹽鐵進中書侍郎  
同中書門下平章事衆望不厭乃以檢校尚書  
右僕射出爲淮南節度使仍領使職敬宗卽位  
拜檢校司空王守澄薦之遂復領使文宗立就  
進檢校司徒太和元年入朝拜左僕射復補武  
原郡公卒年七十二贈太尉謚曰懿

撫言云王播少孤貧嘗客揚州惠昭寺木蘭院  
隨僧齋殮僧厭怠齋罷而後擊鐘後二紀播自  
重位出鎮是邦因訪舊遊向之題名皆以碧紗  
幕其詩播繼以二絕句曰三十年前此院遊木  
蘭花發院新修如今再到經行處樹老無花僧  
白頭其二云上堂已了各西東慚愧闍黎飯後  
鐘三十年來塵撲面而今始得碧紗籠

### 羊士謬

郝天挺云貞元初進士累至宣歙巡官元和初  
拜監察御史坐誣論宰執出爲資州刺史有集  
行世○順宗實錄云元年六月貶宣州巡官羊

士諤爲汀州寧化縣尉士諤性傾險時以公事  
至京遇叔文用事朋黨相煽頗不能平公言其  
非叔文聞之怒欲下詔斬之執誼不可則令杖  
殺之又不可遂貶焉由是叔文始大惡執誼士  
諤受知李吉甫又最善呂溫薦爲御史嘗爲資  
州刺史紀事云張爲主客圖以樂天爲廣大  
教化主士諤爲入室

### 李逢吉

新唐書云字虛舟系出隴西擢進士第拜左拾  
遺遷給事中皇太子侍讀改中書舍人知禮部  
貢舉未已事拜門下侍郎同中書門下平章事

裴度討淮西逢吉慮成功密圖沮止憲宗知而  
惡之出爲劍南東川節度使穆宗卽位徙山南  
東道長慶二年召入爲兵部尚書時度與元稹  
知政度嘗條稹檢佞逢吉以其隙易乘遂并中  
之稹度罷代爲門下侍郎平章事其黨張文新  
等十六人皆任要劇故號八關十六子有所求  
請先賂關子後達于逢吉無不得所欲未幾封  
涼國公裴度和逢吉于是寢疎以檢校司空平  
章事爲山南東道節度使頃之檢校司徒久乃  
徙宣武以太子太師爲東都留守召拜尚書左  
僕射足病不能朝以司徒致仕卒年七十八贈

太尉謚曰成○紀事云逢吉與令狐楚有唱和  
詩云斷全集裴夷直爲之序云二相未遇時每  
有所作必驚流輩不數年遂歷秉筆之士及入  
官登朝益復隆高我不求異他人自達逢吉卒  
楚有題斷全集詩云一覽斷全集載悲埋玉人  
牙弦千古絕珠淚萬行新

王起

新唐書云字舉之釋褐校書郎補藍田尉李吉甫  
辟爲淮南掌書記以殿中侍御史入兼集賢殿直學士  
元和末累遷中書舍人拜禮部侍郎賜金紫拜河南尹  
進吏部侍郎方播以僕射告

相王橋走避曹改兵部爲集賢殿學士拜陝  
虢觀察使入爲尚書左丞以戶部尚書判度支  
歷河中節度使召授兵部尚書以檢校尚書右  
僕射爲山南東道節度使李訓爲宰相起門生  
也欲引與共政卽加銀青光祿大夫復以兵部  
尚書石判戶部訓敗起素長厚人不以訓諉之  
止罷其判俄加皇太子侍讀兼太常卿禮儀使  
帝題詩太子笏以賜詔畫像便殿號當世仲尼  
其寵遇如此開成三年入翰林爲侍講學士改  
太子少師武宗立爲章陵鹵簿使東都留守召  
爲吏部尚書判太常卿帝患選士不得才特命

起典貢舉進尚書左僕射封魏郡公凡四舉士  
皆知名者人伏其鑒擢山南西道節度使同中  
書門下平章事宣宗初檢校司空以疾願代不  
許卒年八十八贈大尉謚曰文懿○藝文志云  
集一百二十卷

陳羽

高棟云江東人貞元八年陸贄下第二人登科  
歷官樂官尉佐

韓愈

新唐書云字退之鄧州南陽人生三歲而孤隨  
伯兄會貶官嶺表會卒嫂鄭鞠之愈自知讀書  
日記數千百言比長盡能通六經百家學擢進  
士第會董晉爲宣武節度使表署觀察推官晉  
卒依武寧節度使張建封建封辟府推官操行  
堅正鯁言無所忌諱四門博士遷監察御史上  
疏極論宮市德宗怒貶陽山令有愛在民民生  
子多以其姓字之改江陵法曹參軍元和初權

知國子博士分司東都三歲爲真改都官員外郎卽拜河南令遷職方員外郎坐榜濶事復爲博士改比部郎中史館修撰轉考功知制誥進中書舍人論淮西事執政不喜改太子右庶子裴度宣慰淮西奏愈行軍司馬元濟平遷刑部侍郎憲宗迎佛骨入禁中上表力諫帝大怒持示宰相將抵以死裴度崔羣及戚里諸貴皆爲愈言乃貶潮州刺史尋改袁州召拜國子祭酒轉兵部侍郎鎮州亂詔愈宣撫愈歸轉吏部侍郎時宰相李逢吉惡李紳欲逐之遂以愈爲京兆尹兼御史大夫特詔不臺參而除紳中丞紳

果劾奏愈愈以詔自解其後文刺紛然宰相以臺府不協遂罷愈爲兵部侍郎而出紳江西觀察使紳見帝得留愈亦復爲吏部侍郎卒年五十七贈禮部尚書謚曰文○年譜云公生於代宗大曆三年登第于德宗貞元八年年二十五卒于長慶四年十二月二日○續世說云韓愈與人交榮悴不易而觀諸權門豪士如僕隸焉瞪然不顧穆宗以愈爲京兆尹六軍不敢犯法私相謂曰是尚欲燒佛骨何可犯之○佳話錄云韓十八愈直是太輕薄謂李二十六程曰某與丞相崔大羣同年往還直是聰明過人李曰

何處是過人者韓曰共愈往還二十餘年不曾  
共說著文章此豈不是敏慧過人也○藝文志  
云集四十卷

### 柳宗元

新唐書云字子厚其先益河東人後徙于吳少  
精敏絕倫爲文章卓偉精緻一時輩行推仰第  
進士博學宏詞科授校書郎調藍田尉貞元十  
九年爲監察御史裏行善王叔文韋執誼引內  
禁近與計事權禮部員外郎欲大進用俄而叔  
文敗貶邵州刺史不半道貶永州司馬旣竄斥  
地又荒蕪因自放山澤間其堙厄感鬱一寓諸

文傲離騷數十篇讀者咸悲惻元和十年徙柳  
州刺史時劉禹錫得播州宗元曰播非人所居  
而禹錫親在堂吾不忍其窮無辭以白其大人  
如不往便爲母子永訣卽具奏欲以柳州授禹  
錫而自往播會大臣亦爲禹錫請按史大臣因  
改連州南方爲進士者走數千里從宗元遊經  
指授者爲文辭皆有法世號柳柳州十四年卒  
年四十七宗元少時謂功業可就旣坐廢逐不  
振然其才實高名蓋一時韓愈評其文曰雄深  
雅健似司馬子長崔蔡不足多也旣沒柳人懷  
之託言降于州之堂有慢者輒死廟于羅池愈

因碑以實之云○藝文志云集三十卷○通攷  
云集四十五卷外集二卷別錄二卷摭異一卷  
陳氏云方崧卿既刻韓集于南安其後江陰蔣  
嶠爲守復刊柳集以配之別錄而下皆嶠所裒  
集也別錄者龍城錄及法言注五則龍城錄近  
世人僞作

呂 溫

新唐書云字和叔一字化光河中人從陸贄治  
春秋梁肅爲文章貞元末擢進士第與韋執誼  
厚因善王叔文再遷爲左拾遺以侍御史副張  
薦使吐蕃會順宗立薦卒于□□以中國有喪

留溫不遣時叔文秉權與游者皆貴顯溫在絕  
域不得遷嘗自悲元和元年乃還而柳宗元等  
皆坐叔文貶溫獨免進戶部員外郎溫藻翰精  
富一時流輩推尚性險躁譎詭而好利與竇群  
羊士諤相昵群爲御史中丞薦溫知雜事士諤  
爲御史宰相李吉甫持之久不報溫等怨時吉  
甫爲宦侍所抑溫乘其間謀逐之會吉甫病夜  
召術士宿于第卽捕士掠訊且奏吉甫陰事憲  
宗駭異旣詰辯皆妄言將悉誅羣等吉甫苦救  
乃免于貶溫均州刺史議者不厭再貶道州  
久之徙衡州治有善狀卒年四十八○舊書云



有文集十卷

楊巨源

紀事云字景山大中時爲河中少尹又云在元和時詩韻不爲新語體律務實工夫頗深且暮吟咏不輟年老頭搖人言吟詩所致○藝文志云詩一卷

張籍

新唐書云字文昌和州烏江人第進士爲太常寺太祝久次遷秘書郎韓愈薦爲國子博士歷水部員外郎上客郎中籍爲詩長于樂府多警句仕終國子司業○劉放詩話云張籍樂府詞

清麗深婉五言律詩亦平澹可愛至七言詩則質多文少材各有宜不可強文飾文昌有謝裴司空馬詩云乍離華廐移蹄澁初到貧家舉眼驚此馬却是一遲鈍多驚者詩詞微而顯亦少其比

白居易

新唐書云字樂天其先蓋太原人北齊五兵尚書建有功于時賜田韓城子孫家焉又徙下邳居易敏悟絕人工文章未冠謁顧况况吳人恃才少所推可見其文自失曰吾謂斯文遂絕今復得子矣貞元中擢進士拔萃皆中補校書郎

元和元年對制策乙等調登屋尉爲集賢校理  
月中召入翰林爲學士遷左拾遺歲滿當遷  
以資淺且家素貧聽自擇官居易請如姜公輔  
以學士兼京兆戶曹叅軍以便養詔可明年以  
母喪解還拜左贊善大夫是時盜殺武元衡京  
都震擾居易首上疏請亟捕賊刷朝廷耻以必  
得爲期宰相嫌其出位不悅俄有言居易母墮  
井死而居易賦新井篇言浮華無實行不可用  
出爲州刺史中書舍人王涯上言不宜治郡追  
貶江州司馬既失志能順適所遇託浮屠生死  
說若忘形骸者久之徙忠州刺史入爲司門員

外郎以主客郎中知制誥俄轉中書舍人旬外  
遷爲杭州刺史久之以太子左庶子分司東都  
復拜蘇州刺史病免文宗立以秘書監召遷刑  
部侍郎封晉陽縣男太和初二李黨事興險利  
乘之更相奪移進退毀譽若旦暮然楊虞卿與  
居易姻家而善李宗閔居易惡緣黨人升乃移  
病還東都除太子賓客分司踰年卽拜河南尹  
復以賓客分司開成初起爲同州刺史不拜改  
太子少傅進馮翊縣侯會昌初以刑部尚書致  
仕六年卒年七十五贈尚書右僕射宣宗以詩  
弔之遺命薄葬母請謚與弟行簡從祖弟敏中

友愛東都所居履道里疏沼種樹構石樓香山  
鑿八節灘自號醉吟先生爲之傳暮節惑浮屠  
道尤甚至經月不食葷稱香山居士嘗與胡杲  
等燕集皆高年不事者人慕之繪爲九老圖皆  
易于文章精切然最工詩初頗以規諷得失及  
其多更下偶俗好至數千篇當時士人爭傳雞  
林行賈售其國相率篇易一金其僞者相輒能  
辨之初與元稹酬詠故號元白稹卒又與劉禹  
錫齊名號劉白其始生七月能展書姆指之無  
兩字雖試百數不差九歲暗識聲律其篤于文  
章蓋天稟然敏中爲相請謚有司曰文後履道

第卒爲佛寺東都江州民爲立祠焉○元稹長  
慶集叙云揚越間多作書模勒樂天及余雜詩  
賣于市肆之中又云余嘗于平水市中鏡湖傍  
草市名見村榜諸童競習詩召而問之皆對曰先生教  
我樂天微之詩固亦不知余之爲微之也○居  
易與元稹書云聞親友閒說禮吏部舉選人多  
以僕私試賦判傳爲準的其餘詩句往往在人  
口中及再來長安又聞有軍使高霞寓者欲聘  
倡妓妓大誇曰我誦得白學士長恨歌豈同他  
妓哉由是增價又足下書云到通州日見江館  
柱間有題僕詩者復何人哉又昨過漢南日適

遇主人集衆樂娛他賓諸妓見僕來指而相顧曰此是秦中吟長恨歌主耳自長安抵江西三千里凡鄉校佛寺逆旅行舟之中往往有題僕詩者士庶僧徒孀婦處女之口每每有誦僕詩者此誠雕蟲之戲不足爲多然今時俗所重正在此耳○通攷晁氏云居易在杭州自類詩藁分諷論閒適感傷雜律四類前集五十卷後集二十卷集後載聞李崖州貶二絕句其言淺俗似幸其禍敗者余固疑非樂天之語及以編年書攷之崖州貶時樂天歿將踰年或曰浮屠某作也○墨客揮犀云樂天每作詩令一老嫗

解之問曰解否嫗曰解則錄之不解則不復集故唐末之弊至于俚○全唐詩話云樂天不爲贊皇公所喜每寄文章李絳之一篋未嘗開劉夢得或請之曰見詞則迴吾心矣樂天未冠以文謁顧况况覩姓名熟視曰長安米貴居大不易乃捲卷讀其芳草詩至野火燒不盡春風吹又生嘆曰吾謂斯文遂絕今復得子矣前言戲之耳又云樊素善歌小蠻善舞樂天賦詩有曰櫻桃樊素口楊柳小蠻腰至于高年又賦詩曰失盡白頭伴長成紅粉娃因爲楊柳詞以託意云一樹春風萬萬枝嫩于金色軟于絲永豐東

角荒園裏盡日無人屬阿誰及宣宗朝國樂唱  
是詞帝問永豐在何處左右具以對遂因命取  
永豐柳兩枝植于禁中白感上知又爲詩云一  
樹衰殘委泥土雙枝移植天庭定知此後天  
文裏柳宿光中見兩星維下文士無不繼作○  
居易卒宣宗以詩弔之曰綴玉聯珠六十年誰  
教冥路作詩仙浮雲不繫名居易造化無爲字  
樂天童子解吟長恨曲侍兒能唱琵琶篇文章  
已滿行人耳度思卿量一作一愴然

元稹

新唐書云字微之河南河南

孤母鄭賢而

文親授書傳九歲工屬文十五擢明經判入等  
補校書郎元和元年舉制科對策第一拜左拾  
遺當路者惡之出爲河南尉以母喪解服除拜  
監察御史按獄東川因劾奏節度使嚴礪七刺  
史皆奪俸礪黨怒俄分司東都復論奏韓阜等  
十餘事會河南尹房式坐罪稹舉劾按故事追  
攝移書停務詔薄式罪召稹還次敷水驛中人  
仇士良夜至稹不讓中人怒擊稹敗面宰相以  
稹年少輕樹威失憲臣體貶江陵士曹參軍而  
李絳崔羣白居易皆論其枉久乃徙通州司馬  
改號州長史元和末召拜膳部員外郎稹尤長

于詩與居易名相埒天下傳諷號元和體往往  
播樂府穆宗在東宮妃嬪遞習皆誦之宮中呼  
元才子稹之謫江陵善監軍崔潭峻長慶初潭  
峻方親幸以稹歌辭數十百篇奏御帝大悅問  
稹今安在曰爲南宮散郎卽擢祠部郎中知制  
誥俄遷中書舍人翰林承旨學士裴度劾稹傾  
亂國政因出爲工部侍郎然春倚不衰未幾進  
同中書門下平章事朝野雜然輕笑李逢吉構  
之罷宰相出爲同州刺史再替徙浙東觀察使  
大和三年召爲尚書左丞俄拜武昌節度使卒  
年五十三贈尚書右僕射所論著甚多行于世

在越時辟竇鞏鞏天下工爲詩與之酬和故鏡  
湖秦望之奇益傳時號蘭亭絕唱○藝文志云  
元氏長慶集一百卷又小集十卷○全唐詩話  
云稹聞西蜀薛濤有辭辯及爲監察使蜀以御  
使推鞫難得見焉嚴司空潛知其意每遣薛往  
泊登翰林以詩寄曰錦江滑膩蛾眉秀幻出文  
君與薛濤言語巧偷鸚鵡舌文章分得鳳凰毛  
紛紛辭客多停筆箇箇公侯欲夢刀別後相思  
隔烟水菖蒲花發五雲高後廉問浙東乃有劉  
採春自淮甸而來容華莫比元贈詩曰新粧巧  
樣畫雙蛾謾褰裳州透額羅正面偷晴光滑笏

緩行輕踏破紋波言辭雅措風流足舉止低迴  
秀媚多更有惱人腸斷處選詞能唱望夫歌卽  
羅噴之曲也元在朔河七年因醉題東武其詩  
曰役役行人事紛紛碎簿書功夫兩衙盡留滯  
七年餘病痛梅天發親情兼岫疎因循未歸得  
不是憶鱸魚盧侍郎簡求戲曰丞相雖不爲鱸  
魚爲好鏡湖春色耳謂採春也○本事詩云元  
相公積爲御史勳梓潼時白尚書在京與名  
輩遊慈恩小的花下爲詩寄元曰花時同醉破  
春愁醉折花枝當酒籌忽憶故人天際去計程  
今日到梁州時元果及褒城亦寄夢遊詩曰夢

君兄弟曲江頭也向慈恩院神邊驛又喚人排  
馬去忽驚身在古梁州自有感夢記備記其事

### 李德裕

新唐書云字又饒元和宰相吉甫子也以蔭補  
校書郎河東張弘靖辟爲掌書記府罷召拜監  
察御史穆宗卽位擢翰林學士再進中書舍人  
未幾授御史中丞始吉甫相憲宗牛僧孺李宗  
閔對直言策痛詆當路條失政吉甫訴于帝且  
泣有司皆得罪遂與爲怨吉甫又爲帝謀討兩  
河叛將李逢吉沮解其言功未旣而吉甫卒裴  
度實繼之逢吉以議不合罷去故追銜吉甫而

怨度擯德裕不得進至是間帝暗庸詠度使與  
元稹相怨奪其宰相而已代之欲引僧孺益樹  
黨乃出德裕爲浙西觀察使俄而僧孺入相由  
是牛李之憾結矣太和三年召拜兵部侍郎裴  
度薦才堪宰相而李宗閔以中人助先秉政且  
得君出德裕爲鄭滑節度使引僧孺協力罷度  
政事二怨相濟凡德裕所善悉逐之踰年徙劍  
南西川以兵部尚書召俄拜中書門下平章事  
封贊皇縣伯宗閔罷代爲中書侍郎集賢殿大  
學士鄭注李訓怨之卽復召宗閔輔政拜德裕  
爲興元節度使入見帝自陳願留闕下復拜兵

部尚書宗閔奉命已行不可止更徙鎮衆軍以  
代王璠璠與李漢譖之貶爲太子賓客分司東  
都復貶袁州刺史未幾宗閔以罪斥而注訓等  
亂敗乃徙滁州刺史又以太子賓客分司東都  
開成初起爲浙西觀察使德裕三在浙西出入  
十年遷淮南節度使武宗立召爲門下侍郎同  
中書門下平章事尋冊拜司空策功拜太尉進  
封趙國公改衛國公當國凡六年威名獨重于  
時宣宗卽位德裕奉冊太極殿帝退謂左右曰  
向行事近我者非太尉耶每顧我毛髮爲森豎  
翌日罷爲檢校司徒同中書門下平章事荆南



節度使俄徙東都留守白敏中令狐絢使黨人  
斥德裕陰事故以太子少保分司東都再貶湖  
州司馬明年貶崖州司戶參軍事明年卒年六  
十三○紀事云德裕營平泉莊遠方以異物奉  
之或題曰隴右諸侯供語島日南太守送名花  
及譴責或作詩云肉視其察志七管氣吞同列  
削寒溫當時誰是承恩者肯有餘波達鬼村又  
云畫閣不開梁燕去朱門罷掃乳烏歸千巖萬  
壑應惆悵流水斜傾出武闈蓋恨之也○北夢  
瑣言云李德裕幼而神俊憲宗賞之坐于膝上  
父吉甫每以敏辯誇于同列武元衡召之問曰

吾子所嗜何書意欲撰其志也德裕不應翌日  
元衡以告吉甫因戲曰公誠大癡耳吉甫歸責  
之德裕曰武公身為帝弼不問理國調陰陽而  
問所嗜書者禮部成均之職也其言不當所以  
不應吉甫復告元衡大慚由是振名○摭言云  
德裕頗為寒素開路及謫官南去或有詩曰八  
百孤寒齊下淚一時回首望崖州○藝文志云  
會昌一品集二十卷姑臧集五卷窮愁志三卷  
牛僧孺

新唐書云字思黯第進士元和初以賢良方正  
對策與李宗閔皇甫湜俱第一條指失政其言

鞭笞不避宰相宰相怒故於陵鄭敬章貫之李  
益等坐考非其宜皆調去僧孺調伊闕尉改河  
南遷監察御史進累考功員外郎集賢殿直學  
士穆宗初以庫部郎中知制誥徙御史中丞  
金紫服以戶部侍郎同中書門下平章事尋遷  
中書侍郎敬宗立進封奇章郡公是時政出近  
倖僧孺數表去位帝爲於鄂州置武昌軍授武  
昌節度使同平章事文宗立李宗閔當國屢稱  
僧孺賢不宜去外復以兵部尚書平章事進門  
下侍郎弘文館大學士會中尉王守澄引織人  
竊議朝政固請罷乃檢校尚書左僕射平章事

爲淮南節度副大使開成初表解劇鎮以檢校  
司空爲東都留守三年召爲尚書右僕射以足  
疾不任謁檢校司空平章事爲山南東道節度  
使會昌元年漢水溢壞城郭坐不謹防下遷太  
子少保進少師明年以太子太傅留守東都尋  
黜爲太子少保分司東都累貶循州長史宣宗  
立徙衡汝二州還爲太子少師卒贈太尉年六  
十九謚曰文簡○全唐詩話云公始至京置琴  
書灞澹間先以所業謁韓文公皇甫員外二公  
披卷卷首有說樂一章未閱其詞遽曰且以拍  
板爲什麼對曰樂句二公相顧大喜曰期高文

必矣公因謀所居二公良久曰可于客戶坊稅  
一廟院公如所教二公復誨之曰某日可遊青  
龍寺薄暮而歸二公其日聯鑣至彼因大書其  
間曰韓愈皇甫湜同謁幾官先輩不遇翌日登  
轂名士咸往觀焉奇章之名內是赫然矣或云  
僧孺登第與同輩登政事堂宰相曰掃廳奉候  
○紀事云公赴舉之秋嘗投贄于劉補闕禹錫  
對客展卷飛筆塗竄其文歷二十餘歲劉轉汝  
州公鎮兼南柱道駐旌信宿酒酣賦詩云云劉  
方悟往年收公文卷因和詩云昔年曾忝漢朝  
臣晚歲空餘老病身初見相如成賦日後爲丞

相掃門人追思往事咨嗟久幸喜清光笑語頻  
猶有當時舊冠劍待公三日拂埃塵牛公吟和  
詩前意稍解曰三日之事何敢當耶宰相三朝  
後主司印  
可以升  
降百官於是移宴竟夕方整前驅也劉乃戒其  
子咸久承雍曰吾成人之志豈料爲非汝輩進  
修守中爲上

李紳

新唐書云字公垂爲人短小精悍時號短李元  
和初擢進士第補國子助教不樂輒去客金陵  
李錡愛其才辟掌書記錡寢不法會使者召錡  
稱疾脅使者奏天子召紳作疏陽怖慄不能爲

字錡囚之錡誅乃免或欲以聞謝曰本激于義  
非市名也乃止久之從辟山南觀察府穆宗召  
爲右拾遺翰林學士與李德裕元稹同時號三  
俊累擢中書舍人牛僧孺爲相以紳爲御史中  
丞與韓愈相訐紳是韓愈所出爲江西觀察使尋改  
戶部侍郎敬宗立李逢吉潛于帝貶端州司馬  
徙江州長史遷滁壽二州刺史以太子賓客分  
司東都大和中李德裕當國擢紳浙東觀察使  
李宗閔方得君復以太子賓客分司開成初鄭  
覃以紳爲河南尹遷宣武節度使武宗卽位徙  
淮南召拜中書侍郎同中書門下平章事進尚

書右僕射門下侍郎封趙郡公居位四年以足  
緩不任朝謁辭位以檢校右僕射平章事復節  
度淮南卒贈太尉謚文肅○紀事云開成間紳  
集其詩爲追昔遊蓋嘆逝感時發于悽恨而作  
也○全唐詩話云紳初以古風求知于呂溫溫  
見齊煦誦憫農詩曰春種一粒粟秋收萬顆子  
四萊無閒田農夫猶餓死鋤禾日當午汗滴禾  
下土誰知盤中飧粒粒皆辛苦又曰此人必爲  
宰相果如其言○品彙云亳州人

徐凝

范攄言樂天爲杭州刺史令訪牡丹獨開元寺

僧惠澄近于京師得之植于庭時春景方深惠澄設油幕覆其上會凝自富春來未識白先題詩于寺白尋到寺看花乃命徐同醉而歸時張祐榜舟而至二生各希首薦白曰二君論文若廉藺之鬪鼠穴勝負在于一戰也遂試長劔倚天外賦餘雲散成綺詩試訖解送凝爲元祐次之祐曰祐詩有地勢遙尊嶽河流側讓關又題金山寺詩曰樹影中流見鐘聲兩岬聞雖綦母潛云塔影掛青漢鐘聲和白雲此句未爲佳也凝曰美則美矣爭如老夫今古長如白練飛一條界破青山色遂擅場祐嘆曰榮辱糾紛亦何

常也遂行歌而邁凝亦鼓柅而歸自是二生不隨鄉賦矣白又以祐宮詞四句皆數對未足奇也後杜牧守秋浦與祐爲詩酒友酷吟祐宮詞以白有非祐之論嘗不平之乃爲詩以高之曰曉在眼前人不見道于身外更何求誰人得似張公子千首詩輕萬戶侯又曰如何故國三千里虛唱歌詞滿六宮杜盛言其美者欲以苟異于白而曲成于張也故牧又著論言近日有元白者喜爲淫言媠語鼓扇浮囂吾恨方在下位未能以法治之斯亦敷佐于祐耳○潘若冲郡閣雅談云凝官至侍郎多吟絕句曾吟廬山瀑

布膾炙人口又題處州縉雲山黃帝上昇之所  
鼎湖蓋黃帝鑄鼎處也有池在山頂詩云黃帝  
旌旗去不回空餘片石碧崔嵬有時風捲鼎湖  
浪散作晴天雨點來自後無敢題者

楊凝

新唐書云字懋功號州弘農人由協律郎三遷  
侍御史爲司封員外郎補選司郎中宣武董  
晉表爲判官亳州刺史徵晉凝行州事晉卒  
亂作凝走還京師闔門三年拜兵部郎中以瘡  
疾卒○藝文志云集二十卷

鮑溶

紀事云登元和進士與韓愈李正封孟郊友善  
○藝文志云集五卷

白敏中

新唐書云字晦長慶初第進士辟義仍節度  
使李聽府聽一見許其遠到遷右拾遺改殿中  
侍御史爲符澈郿寧副使澈卒以能政聞御史  
中丞高元裕薦爲侍御史再轉左司員外郎武  
宗雅聞居易名欲召用之是時居易足病發宰  
相李德裕言其衰茶暗不任事卽薦敏中文詞  
類其兄而有器識卽日知制誥召入翰林爲學  
士進承旨宣宗立以兵部侍郎同中書門下平

唐言韻海  
章事遷中書侍郎兼刑部尚書德裕貶敏中貶之甚力議者訾惡德裕著書亦言惟以怨報德爲不可測蓋斥敏中云歷尚書右僕射門下侍郎封太原郡公自員外凡五年十三遷崔鉉輔政欲嵩任患敏中居右會党項敷寇邊鉉言宜得大臣鎮撫天子嚮其言故敏中以司空平章事兼邠寧節度招撫制置使嗣年檢校司徒徙劍南西川治蜀有勞加兼太子太師徙荆南懿宗立召拜司徒門下侍郎還平章事未幾加中書令咸通二年出爲鳳翔節度使以太傅致仕卒冊贈太尉博士曹鄴責其病不堅退且逐諫

臣舉怙威肆行謚曰醜○紀事云王起長慶中再主文柄意欲以第一人處敏中恨其與賀拔碁爲友碁有文而落魄因密令親知述意俾與碁絕敏中欣然曰如斯教旣而碁造門左右給以敏中他適碁遲留不言而去俄頃敏中躍出見碁於是悉以實告乃曰一第何門不致奈輕負至交相與歡醉或語于起起曰我比只得敏中今當更取碁矣遂以第一人處碁而敏中居三焉

殷堯藩

紀事云元和九年韋貫之掌文柄堯藩雜文黜

矣尚書楊漢公乃貫之前榜門生盛言堯藩屈  
貫之爲重收是年登第又云堯藩從李翱長沙  
幕府後以侍御官江南又云堯藩有憶江南詩  
三十章皆蘇杭事樂天詩曰江南名郡數蘇杭  
寫在殷家三十章君是旅人猶苦憶按此則詩  
法註爲秀  
州人我爲刺史更難忘○藝文志云詩一卷  
誤矣

賈島

新唐書云字浪仙范陽人韓門弟子也初爲浮  
屠名無本來東都時雒陽令禁僧午後不得出  
島爲詩自傷愈憐之因教其爲文遂去浮屠舉  
進士當其苦吟雖逢值公卿貴人皆不之覺也

一日見京兆尹跨驢不避諱詰之久乃得釋累  
舉不中第文宗時坐飛謗貶長江主簿會昌初  
以普州司倉參軍遷司戶未受命卒年五十六  
○紀事云島赴舉至京騎驢賦詩得僧推月下  
門之句欲改推爲敲引手作推敲之勢未決不  
覺衝大尹韓愈乃具言愈曰敲字佳矣遂並轡  
論詩久之或云吟落葉滿長安之句唐突大尹  
劉栖楚被繫一夕放之○蘇絳誌云會昌癸亥  
歲七月二十八日終于郡官舍春秋六十本傳  
不合  
無子○外紀云島爲僧時居法乾寺雒陽令不  
許僧午後出寺島有詩云不如牛與羊猶得日



幕歸一日宣宗微行至寺聞鐘樓上有吟聲遂  
登樓于島案上取詩覽之島攘臂睨之曰郎君  
何會此耶遂奪取詩卷帝慚下樓去既而島知  
之亟謝罪乃賜御札後除爲長江簿○全唐詩  
話云浪仙能詩獨變格體僻以矯豔于元白久  
不第吟病蟬之句以刺公卿或奏島與平曾等  
爲十惡逐之大中末授遂州長江簿初之任屆  
東川守者厚禮之島獻感恩詩曰匏革奏終非  
獨樂軍城未曉啓重門何時却入三台貴此日  
空知八座尊羅綺舞間紀事收雨點豨豨闌外  
卷雲根逐遷屬吏隨賓列撥棹扁舟不忘恩至

老無子因啖牛肉得疾終于傳舍又云晉公度  
初立第于街西典化里鑿池種竹起臺榭島方  
下第或以爲執政惡之故不在選怨憤題詩曰  
破却千家作一池不栽桃李種薔薇薔薇花落  
秋風起荆棘滿庭君始知皆惡其不遜○藝文  
志云長江集十卷又小集三卷

張祐

皮口休云字承吉元和中作宮體小詩辭曲艷  
發當時輕薄之流能其才合諫得譽老大稍窺  
建安風骨誦樂府錄知作者本意善題目佳境  
言不可刊置別處此爲才子之最也以曲阿地

古澹有南朝遺風遂築室種植而家焉○紀事云或言祐清河人嘗賦淮南詩有人生只合揚州死禪智山頭好墓田果卒于丹陽隱舍○藝文志云詩一卷○全唐詩話云祐長慶中深爲令狐楚所知楚鎮天平自草薦表令以詩三百篇隨狀表進祐至京屬元稹在內庭上問之稹曰祐雕蟲小巧壯夫不爲或獎激之恐變陛下風教上頷之由是失意東歸有孟浩然身更不疑之句○詩藪云張祐字承吉刻本大半作祐覽者莫辨緣承吉字祐祐俱通耳偶閱雜說張子小名冬瓜或以譏之荅云冬瓜合出瓠子則

張之名祐審矣

### 崔涯

紀事云吳楚人妻雍氏乃雍秘技之女夫婦相歡而涯不禮其妻父妻父不平之奪其女爲尼涯不得已爲詩留別口隴上泉流隴下分斷腸嗚咽不堪聞嫦娥一入月中去巫峽千秋空白雲○桂花叢談云進士崔涯張祐下第後多遊江淮自稱豪俠二子好尚旣同相與甚洽崔嘗作俠士詩云太行嶺上三尺雪崔涯袖中三尺鐵一朝若遇有心人出門便與妻兒別由是往往傳于人口曰崔張真俠士也一夕有非常人

粧束甚武腰劔手囊囊中貯一物流血殷于外  
入門謂曰此非張俠士居乎曰然揖客甚謹既  
坐客曰有一仇人恨之十年矣今夜獲之喜不  
能已因指囊曰此其首也問張曰有酒食否命  
酒飲之飲訖曰去此三四里有一義士予欲報  
之聞公氣義能假予十萬緡否立欲酌之是予  
願畢此後赴蹈湯火誓無所憚張深喜其說卽  
傾囊燭下籌其緡素中品之物量而與焉客曰  
快哉無所恨也遂留囊首而去期以却回旣去  
及期不至五鼓絕聲杳無踪跡又慮囊首彰露  
以爲已累客且不來計無所出乃遣家人開囊

視之乃豕首也凶是豪俠之氣頓衰

### 皇甫曙

紀事云曙元和十一年中書舍人李逢吉下登  
第逢吉所擢多寒素時有詩曰元和天子丙申  
年二十三人同得仙袍似爛銀文似錦相將白  
日上青天是歲高澥第一人劉端夫李行方周  
匡物廖有方輩皆預選寶曆間崔從鎮淮南曙  
爲行軍司馬

### 陳標

紀事云終侍御史長慶二年進士也

### 包佶

新唐書云字幼正擢進士第累官諫議大夫坐善元載貶嶺南劉晏奏起爲汴東兩稅使晏罷以佶充諸道鹽鐵輕貨錢物使遷刑部侍郎改秘書監封丹陽郡公○郝天挺云天寶六年進士有集傳世○本集注云禮部侍郎李巖下及第

周弘亮

紀事云登貞元進士第

張肅遠

廣摭言云肅遠元和進士登第與舒元興聲價俱美

施肩吾

紀事云洪州人元和十年登第以洪州西山羽化之地慕其真風高蹈於此○高棅云字希聖○藝文志云詩集十卷

何元上

紀事云呂溫知道州時元上居此州謂之何處士

姚合

新唐書云陝州硤石人崇曾孫也元和中進士

沈亞之

及第調武功尉善詩世號姚武功者遷監察御史累轉給事中奉先馮翊二縣民訴牛羊使奪其田詔美原主簿朱儁覆按猥以田歸使合劾發其私以地還民歷陝虢觀察使終祕書監○紀事云合有極玄集取王維等二十六人按今玄集上卷九人下卷十二人共二十一人与此不合詩百篇曰此詩中射鵬手也○藝文志云詩集十卷詩例一卷

紀事云吳人○唐藝文志云集九卷○通考云集十卷晁氏云字下賢長安人攷係吳興人此據元和十年進士涇原李彙掌書記爲祕書省

正字長慶初補樂陽尉四年爲福建都團練副使事徐晦後累遷殿中丞御史內供奉太和三年柏耆宣慰德州取爲判官耆罷亞之貶南康尉後終鄧州掾亞之以文詞得名狂躁貪冒輔者爲惡故及於貶常遊韓愈門李賀杜牧李商隱俱有擬下賢詩亦當時名輩所稱許云

王初

高棟云并州人王仲舒之長子元和末進士及第

楊虞卿

新唐書云字師臯虢州弘農人第進士博學宏辭爲抄書郎擢累監察御史詔行勞西北邊遷侍御史改禮部員外郎史館修撰進吏部郎不檢下免官李宗閔牛僧孺輔政引爲右司郎中弘文館學士再遷給事中虞卿佞柔善諧麗權幸倚爲姦利歲舉選者皆走門下署第注員無不得所欲升沉在牙頰間當時有蘇景胤張元夫而虞卿兄弟汝士漢公爲人所奔向故語曰欲趨舉場問蘇張蘇張猶可三楊殺我宗閔待之尤厚就黨中爲最能唱和者以口語軒輊事機故時號黨魁德裕之相出爲常州刺史宗

閔復入以工部侍郎召遷京兆尹鄭注等構之貶虔州司戶參軍死○紀事云虞卿醉後善歌掃市詞又有小妓工琵琶虞卿死遂辭去樂天哭虞卿詩云何日重聞掃市歌誰家收得琵琶妓

楊汝士

新唐書云字慕巢中進士第又擢宏辭牛李待

之善引爲中書舍人開成初繇兵部侍郎爲東  
川節度使時嗣復鎮西川乃族昆弟對擁旄節  
世榮其門終刑部尚書○全唐詩話云唐名族  
重京官而輕外任汝士建節後詩云拋却弓刀  
上砌臺上方樓殿翠雲開山僧見我衣裳窄知  
道新從戰地來又云而今老大騎官馬羞向關  
西道姓楊寶曆中楊於陵僕射入覲其子嗣復  
率兩榜門生迎於潼關宴新昌里第嗣復領諸  
生翼兩序元白俱在賦詩席上汝士詩後成元  
白覽之失色其日大醉歸謂其子弟曰吾今日  
歷創元白時號○紀事云開成中汝士以戶侍

檢校尚書鎮東川時樂天以太子少傅分雒戲  
代內子賀兄嫂曰劉綱與婦共登仙弄玉隨夫  
亦上天何似楊哥領崔嫂碧油幢外向東川又  
云金花銀椀饒兄用罨畫羅裙任嫂裁嫁得黔  
婁爲妹壻可能空寄蜀茶來又云裴令公居守  
東雒夜飲牛醢公索句元白有得色時公爲破  
題次至汝士曰昔日蘭亭無艷質此時金谷有  
高人白知不能加遽裂之曰笙歌鼎沸勿作冷  
澹生活元顧曰樂天所謂能全其名者也

盧宗回

紀事云登元和進士第

裴休

新唐書云字公美孟州濟源人擢進士第舉賢良方正異等歷諸府辟署入爲監察御史內外任至大中時以兵部侍郎領諸道鹽鐵轉運使六年進同中書門下平章事秉政凡五歲罷爲宣武軍節度使封河東縣子久之繇太子少保分司東都復起歷昭義河東鳳翔荆南四節度卒年七十四贈太尉性嗜浮屠法居常不御酒肉講求其說演繹附著數萬言習歌唄以爲樂與紇干泉素善至爲桑門號以相宇當世嘲薄之而所好不衰

周墀

新唐書云字德升本汝南人少孤事母孝及進士第辟湖南團練府巡官入爲監察御史集賢殿學士長史學屬辭高古文宗雅重之李宗閔鎮山南表行軍司馬闕歲召遷起居舍人改考功員外郎兼舍人事俄知制誥入翰林爲學士武宗卽位以疾改工部侍郎出爲華州刺史徙江西觀察使進拜義成節度使封汝南縣男以兵部侍郎召判度支進同中書門下平章事遷中書侍郎議河湟事不合旨罷爲劍南東川節度使鄭顥言于帝加拜檢校尚書右僕射卒



年五十九贈司徒

李景遜

姚鶴

劉耕

丁稜

紀事云字子威又云李德裕嘗左宦宜春盧肇以文見知既拜相舊例放榜先呈宰相王起問德裕所欲答曰何問為盧肇丁稜姚鶴豈可以不與及第起遂依放之又云唐放榜訖出宰相印榜元致詞肇以故不至稜口吃而形陋俛曰稜等登鞠躬頽汗卒不能致後語左右皆笑或曰君善筆耶稜猶不悟也

高退之

紀事云字遵聖

孟球

紀事云字廷玉

裴翻

紀事云字雲章

樊曠

紀事云字元龍

崔軒

紀事云字鳴山

蒯希逸

紀事云字大隱又云武幹者事蒯希逸十餘歲希逸擢第幹辭以親在求去希逸以詩送之略曰山陰不曾離馬後酒醒長見在牀前

李宣古

紀事云字垂後

紀事云字後象

林滋

士人皆有繼和

黃頰

紀事云字無頰○據言云黃頰以洪奧文章蹉跎者一十三載劉纂以平漫子弟而折丹桂由斯言之可謂命能通性豈曰性能通命者歟韓愈白潮州量移宜春郡頰學愈為文亦振大名頰嘗觀盧肇為碑版則唾之而去

頗宜春人與肇同鄉頗富而肇貧同日遵路  
赴舉郡牧餞頗郵亭肇駐蹇十里以俟明年  
肇以第一名還袁因競渡卽席賦詩云向道  
是龍剛不信果然奪得錦標歸

張道符

紀事云字夢錫

丘上卿

紀事云字陪之

石貫

紀事云字總之

李潛

紀事云字德隱宜春人

孟守

一作守

紀事云字處中長慶三年王起放及第爲時  
相所退是年太和土和戎至會昌三年起以  
左僉再知貢舉守龍鍾就試成名是歲石雄  
入塞公主自落還京

唐惠吉

紀事云字子文

戈

紀事云字德膠

金厚載

紀事云字化光

王甚夷

紀事云字無黨

章孝標

紀事云太和中山南東道從事試大理評事○  
全唐詩話云孝標元和十三年下第時輩多為  
詩以刺主司獨孝標為歸燕詩留獻侍郎庾承  
宣得詩展轉吟諷庾重典禮曹孝標是年登第  
詩云舊壘危巢泥已落今年故向社前歸連雲  
大厦無棲處更向集作誰家門戶飛孝標及第  
除正字東歸題杭州樟亭驛云樟亭驛上題詩

客一半尋為山下塵世事日隨流水去紅花還  
似白頭人初成落句云紅花真一作笑白頭人  
改為還似且曰我將老成名似我芳艷詎能久  
乎及還鄉而逝或曰前有八元後有孝標皆桐  
廬人復同姓而皆不達○藝文志云詩一卷  
顧非熊

藝文志云况之子大中盱眙簿棄官隱茅山○  
紀事云非熊滑稽好凌轢在舉場垂三十年長  
慶中登第○段成式云况始喪子年七十况哭  
之曰老人喪愛子且暮髮成血聲逐斷猿悲跡  
隨飛鳥滅老夫已七十不作多時別後生子七

歲其兒戲批之忽曰我爾之兄何故批我乃敘  
前生事歷歷不誤卽非熊也

蔡京

紀事云邕州蔡大夫京者故令狐文公赴鎮滑  
臺曰於僧中見曰此童眉目疎秀進退不懾惜  
其單幼可以勸學乎師從之乃得陪學於相國  
子弟後以進士舉上第尋又學究登科作尉畿  
服既爲御史覈獄淮南李相紳憂悸而卒頗傳  
繡衣之稱謫居澧州爲厲員外玄所辱稍遷撫  
州刺史以辭氣自負郡有汝水爲放生池不許  
漁畧之事忽一人乘小舟釣於此蔡遣吏捕釣

者乃爲詩曰拋却長竿卷却絲手持篋笠獻新  
詩臨川太守清如鏡不是漁人下釣時京覽詩  
召之已去不言其姓字或曰野人張頂也京益  
自驕矜作詩責商山四皓曰秦末家家思逐鹿  
商山四皓獨忘機如何鬢髮霜相似更出溪山  
定是非及假節邕交道由吳溪徬徨賦詩久之  
詩曰停橈橫水中舉目孤煙外借問吳溪山誰  
家有山賣既而殂於邕南藁殯此地亦有其兆  
矣又云劉夢得有送前進士蔡京赴學究科詩  
云已是世間能賦客更攻窓下絕倫書又云幸  
遇天官舊丞相知君無翼上虛空蓋欲薦之時

相也京以進士舉登學究科時調好及第惡科  
各有錦上披裘之誚焉

費冠卿

紀事云字子軍池州人登元和二年第母卒既  
葬而歸歎曰干祿養親耳得祿而親喪何以祿  
為遂隱池州九華山長慶中殿院李行修舉其  
孝節拜右拾遺竟不應命

表不約

紀事云登長慶三年第○范攄云李固言在成  
都則李珣郎中郭圓員外陳會端公表不約侍  
郎來擇書記薛重評事皆遠從公可謂蓮幕之

盛

馬植

新唐書云字存之第進士又擢制策科補抄書  
郎由壽州團練副使三遷饒州刺史開成初為  
安南都護以政最檢抄左散騎常侍徙黔中觀  
察使會昌中召拜光祿卿遷大理植自以譽望  
在當時諸公右久補外還朝不得要官為宰相  
李德裕所抑內怨聲宣宗嗣位白敏中當國凡  
德裕所不善悉不次用之故植以刑部侍郎領  
諸道鹽鐵轉運使遷戶部俄同中書門下平章  
事進中書侍郎以交私左軍中尉馬元贄罷為

天平軍節度使尋貶常州刺史以太子賓客分  
司東都起爲忠武宣武節度使卒○全唐詩話  
云植罷安南都護及除黔南殊不得意維舟峽  
中古寺寺前有長隄夜月明甚見白衣緩步隄  
上吟曰截竹爲筒作笛吹鳳凰池上鳳凰飛勞  
君更向黔南去卽是陶鎔萬類時邀問則失之  
矣後自黔南召入爲大理遷刑部判鹽鐵拜相

### 平曾

紀事云唐以府元被紳者九人曾其一也曾長  
慶二年同賈浪仙輩貶謂之舉場十惡又云曾  
恃才傲物竟歿於縣曹薛平僕射鎮浙西圭禮

稍薄曾留詩諷之薛聞曾出境遣使追還廢置  
數日又獻繫白馬詩河東公曰若不畱絆行軒  
邪得觀其毛骨遂以殊禮相待

### 王叡

紀事云炙穀子王叡也元和後詩人

### 王彥威

新唐書云其先出太原少孤家無貲自力於學  
舉明經甲科淹識古今典禮未得調祿爲太常  
散吏卿知其經年補檢討官彥威采獲隋以來  
下訖唐凡禮沿革皆條次彙分號元和新禮上  
之有詔拜博士累擢司封郎中弘文館學士諫

議大夫李師道平詔爲勘定兩稅使還兼史館脩撰爭上官興事下遷河南少尹俄改司農卿李宗閔執政雅善之進拜平盧節度使開成初召爲戶部侍郎判度支以事貶衛尉卿俄檢校禮部尚書爲忠武節度使徙節宣武封北平縣子卒贈尚書右僕射謚曰靖

沈傅師

紀事云字子言旣濟之子材行有餘權德輿門生七十人推爲顏子終吏侍

周賀

紀事云東誰人少從浮圖法卽清塞也遇姚合

而返易名○藝文志云詩一卷

朱慶餘

藝文志云名可久以字行寶曆進士第詩一卷○全唐詩話云慶餘遇水部郎中張籍因索慶餘新舊篇什擇二十六章置之懷袖而推贊之時人以籍重名皆繕錄諷詠遂登科慶餘作闋意一篇以獻曰洞房昨夜停紅燭待曉堂前拜舅姑粧罷低聲問夫婿畫眉淺淺入時無籍酬之曰越女新粧出鏡心自知明艷更沉吟齊紈未足時人貴一曲菱歌敵萬金由是朱之詩名流於縑內矣





國家圖書館, NATIONAL CENTRAL LIBRARY, TAIWAN, R.O.C.

唐詩音注

牟  
融  
從朱茂明木錄人

唐詩韻滙譜

卷之下

目

晚唐

李商隱

温庭筠

徐商

王季文

杜牧

崔鉉

許玫

魏扶

李遠

許渾

厲玄

喻鳧

趙嘏

房千里

柴夔

陳上美

趙璜

鄭史

國家圖書館, NATIONAL CENTRAL LIBRARY, TAIWAN, R.O.C.

盧肇

薛逢

易重

劉威

馬戴

薛能

姚鵠

韓琮

劉三復

曹汾

于興宗

李鄴

劉滄

項斯

雍陶

來鵬

崔櫓

曹鄴

楊乘

陳陶

孟遲

紀唐夫

李群玉

司馬禮

李郢

嚴郭

劉暌

崔珏

李渥

楊牢

夏鴻

王鉉

李頻

劉得仁

趙光遠

方干

伊璠

武瓘

袁皓

翁綬

高駢

顧雲

盧渥

李昌符

國家圖書館 NATIONAL CENTRAL LIBRARY, TAIWAN, R.O.C.

司空圖

聶夷中

周繇

許棠

楊夔

張喬

胡曾

唐彥謙

滕倪

章碣

沈彬

李京

郭夔

于武陵

皮日休

陸龜蒙

顏萱

張賁

李穀

司馬都

鄭璧

魏朴

李洞

李納

丁陵

袁郊

曹唐

李昭象

鄭谷

韓喜

崔塗

張蠙

王鐸

李山甫

胡駢

褚載

杜荀鶴

高蟾

姚揆

嚴郾

盧尚卿

蘇廣文

周朴

田章

國家圖書館 NATIONAL CENTRAL LIBRARY, TAIWAN, R.O.C.

王祝

劉象

吳融

韓偓

曹松

劉兼

盧弼

鄭準

鄭渥

吉師老

王貞白

李中

唐球

孟宁

王滌

朱邕

韋莊

錢珝

翁承贊

王渙

吳商浩

黃滔

秦韜玉

孫定

孫棨

李咸用

林寬

廖匡圖

油蔚

韋蟾

張道古

朱倣

何扶

孫魴

李旭

王駕

羅隱

羅鄴

羅袞

殷文圭

謂用之

徐寅

江陵士子

無名氏

國家圖書館 NATIONAL CENTRAL LIBRARY, TAIWAN, R.O.C.

衲子

皎然

中寤

靈徹

靈一

清江

惟審

法振

護國

廣宣

太易

棲蟾

貫休

齊己

曇域

若虛

棲白

應物

處默

子蘭

懷楚

慕幽

尚顏

棲一

歸仁

泠然

金地藏

附張拙

仙

呂巖

名媛

鮑君徽

侯氏

孫氏

崔仲容

魚玄機

五代

附宋初

李後主

湯悅

徐鉉

李建勳

張泌

伍喬

王仁裕

蜀太后

蜀太妃

黃崇嘏

胡宿

唐詩韻滙譜

晚唐

泗墳施端教匪莪輯

李商隱

舊唐書云字義山懷州河內人幼能為文令狐  
 楚鎮河陽以所業文干之年纔及弱冠楚以其  
 少俊深禮之令與諸子遊楚鎮天平汴州從為  
 巡官歲給資裝令隨計上都開成二年方登進  
 士第新書云高銛知貢舉命狐絢雅釋褐秘書  
 省校書郎調補弘農尉新書云以活獄忤觀察  
代簡論會昌二年又以書判拔萃王茂元鎮河  
 陽辟為掌書記得侍御史茂元愛其才以子妻

之茂元雖讀書爲儒然本將家子李德裕素遇之時德裕秉政用爲河陽帥德裕與李宗閔楊嗣復令狐楚大相讎怨商隱旣爲茂元從事宗閔黨大薄之時令狐楚已卒子綯爲員外郎以商隱背恩尤惡其無行俄而茂元卒來遊京師久之不調會給事中鄭亞廉察桂州請爲觀察判官檢校水部員外郎大中初白敏中執政令狐綯在內署共排李德裕逐之亞坐德裕黨亦貶循州刺史商隱隨亞在嶺表累載三年入朝京兆尹盧弘正奏署掾曹令典牋奏明年令狐綯作相商隱屢啓陳情綯不之省弘正鎮徐州

又從爲掌書記府罷入朝復以文章干綯乃補太學博士會河南尹柳仲郢鎮東蜀辟爲節度判官檢校工部郎中大中末仲郢坐專殺左遷商隱廢罷還鄭州未幾病卒商隱能爲古文不喜偶對從事令狐楚慕楚能章奏遂以其道授商隱自是始爲今體章奏博學強記下筆不能自休尤善爲誄奠之詞與太原溫庭新書筠南郡段成式齊名時號三十六體文思清麗庭筠過之而俱無持操恃才詭激爲當塗者所薄名宦不進坎壈終身有表狀集四十卷○紀事云義山少遊投宿逆旅主人會客召與坐不知其



爲義山也酒酣席客賦木蘭花詩義山後就曰  
洞庭波冷曉侵雲日日征帆送遠人幾度木蘭  
舟上望不知舡一作原是此花身坐客覽之大驚  
詢之乃義山也○談苑云李商隱爲文多簡閱  
書冊左右鱗次號懶祭魚

### 溫庭筠

新唐書云少敏悟工爲詞章與李商隱皆有名  
號溫李然薄於行無檢幅又多作側詞艷曲與  
貴胄裴誠令狐滈等蒲飲狎昵數舉進士不中  
第息神速多爲人作文大中末試有司廉視尤  
謹庭筠不樂上書千餘言然私占授者已八人

執政鄙其爲授方山尉徐商鎮襄陽署巡官不  
得志去歸江東令狐綯方鎮淮南庭筠怨居中  
時不爲助力趙府不肯謁丐錢揚子院夜醉爲  
邏卒擊折其齒訴於綯綯爲劾吏吏具道其汗  
行綯兩置之事聞京師庭筠徧見公卿言爲吏  
誣添俄而徐商執政頗有之欲白用會商罷楊  
收疾之遂廢卒本名岐字飛卿○全唐詩話云  
庭筠才思艷麗工於小賦每入試押官韻作賦  
凡八义手而八韵成時號温八吟又事多爲鄰  
鋪假手率日救數人已而士行玷缺縉紳薄之  
李義山謂曰近得一聯句云遠比趙公三十六

年宰輔未得偶句温曰何不云近同郭令二十  
四考中書宣宗嘗賦詩上句有金步搖未能對  
遣求進士對之庭筠乃以玉條脫續之宣宗賞  
焉又藥名有白頭翁温以蒼耳子為對他皆類  
此宣皇愛唱菩薩蠻詞丞相令狐綯假其修撰  
密進之戒令勿洩而遽言于人由是疎之温亦  
有言云中書堂內宰相軍譏相國無學也宣皇  
好微行遇於道旅温不識龍顏傲然而詰之曰  
公非長史司馬之流帝曰非也又曰得非六參  
簿尉之類帝曰非也謫為方城尉其制詞曰孔  
門以德行為先文章為末爾既德行無取文章

何以稱焉徒負不羈之才罕有適時之用竟流  
落而死杜棕自西川除淮寔庭筠詐韋曲杜氏  
林亭畱詩云卓氏鑪前金線柳隋家堤畔錦帆  
風貪為兩地行霖雨不見池蓮照水紅郊公聞  
之遺絹千疋曾於江淮為親表辱之由是改名  
○紀事云庭筠又改名舉場多為舉人假手沈  
詢知舉施鋪席授庭筠不與諸公隣比困於場  
屋卒無成而終又云令狐綯曾以舊事訪于庭  
筠對曰事出南華一作華非僻書也或冀相公  
燮理之暇時宜覽古綯益怒泰庭筠有才無行  
卒不得第庭筠有詩曰因知此恨人多積悔讀

南華第二篇○桐薪云温岐少曾于江淮爲親表檟楚故改名庭雲字飛卿而他書或作庭筠不曉所謂温嘗傲唐宣皇於逆旅不獨獲罪令狐綯流落而死晚矣温貌甚陋號温鍾馗不稱才名最善鼓琴吹笛云有絃卽彈有孔卽吹不必柯亭爨桐也著乾牒子今其書不傳○玉泉子云温庭筠有詞賦盛名初將從鄉里舉客遊江淮間揚子留後姚勗厚遺之庭筠少年所得錢帛多爲俠剽費勗大怒笞且逐之以故庭筠卒不中第其姊趙顓之妻也每以庭筠下第輒切齒于勗一日廳有客温氏偶問客姓氏左右

以勗對温氏遂出廳事前執勗袖大哭勗殊驚異且持袖牢固不可脫不知所爲移時温氏方曰我弟年少宴遊人之常情奈何笞之迄今無成由汝致之復大哭久之方得解勗歸憤訝竟因此得疾而卒○南部新書云令狐綯以姓氏少族人投者不恡其力由是遠近皆趨之至有姓吳冒令者進士温庭筠戲爲詞曰自從元老登庸後天下諸吳悉帶令○藝文志云握蘭集三卷金荃集十卷詩集五卷漢南真藁十卷

杜牧

新唐書云字牧之京兆萬年人第進士復舉賢良方正沈傳師表爲江西團練府巡官又爲牛僧孺淮南節度府掌書記擢監察御史移疾分司東都以弟顓病棄官復爲宣州團練判官拜殿中侍御史內供奉累遷左補闕史館修撰改膳部員外郎歷黃池睦三州刺史入爲司勳員外郎嘗兼史職改吏部復乞爲湖州刺史踰年以考功郎中知制誥遷中書舍人牧剛直有奇

節不爲齷齪小謹敢論列大事指陳病利尤切  
至從兄惛更歷將相而牧因躡不自振頗快快  
不平卒年五十初牧夢人告曰爾應名畢復夢  
書皎皎白駒字或曰過隙也俄而炊甑裂牧曰  
不祥也乃自爲墓誌悉取所爲文章焚之牧于  
詩情致豪邁人號爲小杜以別杜甫云○吳武  
陵傳云太和初禮部侍郎崔郾試進士東都公  
卿咸祖道長樂武陵最後至謂郾曰君方爲天  
子求奇材敢獻所益因出袖中書摺笏郾郾讀  
之乃杜牧所賦阿房宮辭旣警拔而武陵音吐  
鴻暢坐客大驚武陵請曰牧方試有司請以第

一人處之郾謝已得其人至第五郾未對武陵  
勃然曰不爾宜以賦見還郾曰如教牧果異等  
○通攷云樊川集二十卷外集一卷○晁氏云  
杜牧太和二年進士其甥裴廷翰輯其彙編次  
其文後序樊川蓋杜氏所居外集皆詩也○後  
村劉氏云杜牧許渾同時然詩各自爲體牧于  
唐律中常寓拗峭以矯時弊渾則不然如荆樹  
有花兄弟樂橋林無實子孫忙之類律切麗密  
或過牧而抑揚頓挫不及也二人詩不著姓名  
亦可辨樊川有續別集三卷十之八九皆渾詩  
牧佳句自多不必又取他人詩益之若丁卯集

割去許多傑作則渾詩無一篇可傳矣牧仕宦  
不至南萊別集乃存南萊府罷之作甚可笑○  
全唐詩話云牧爲御史分務雒陽時李司徒愿  
罷鎮閒居聲伎豪侈雒中名士咸謁之李高會  
朝客以杜持憲不敢邀致杜遣座客達意願預  
斯會李不得已邀之杜獨坐南向瞪目注視引  
滿三卮問李云聞有紫雲者孰是李指之杜凝  
睇良久曰名不虛得宜以見惠李俯而笑諸妓  
亦回首破顏杜又自飲二爵朗吟而起曰華堂  
今日綺筵開誰喚分司御史來忽發狂言驚滿  
座兩行紅粉一時迴意氣閒逸旁若無人牧不

拘細行故詩有十年一覺揚州夢贏得青樓薄  
倖名吳武陵以阿房宮賦薦于崔郾遂登第郾  
東都放榜西都過堂牧詩曰東都放榜未花開  
三十三人走馬回秦地少年多釀酒卽將春色  
入關來○紀事云牧佐宣城幕遊湖州刺史崔  
君張水戲使州人畢觀令牧閒行閱奇麗得垂  
髻者十餘歲後十四年牧刺湖州其人已嫁生  
子矣乃悵而爲詩曰自是尋春去較遲不須惆  
悵怨芳時狂風落盡深紅色綠葉成陰子滿枝  
○楊慎云律詩至晚唐李義山而下惟杜牧之  
爲最宋人評其詩豪而艷宕而麗於律詩中特

寓拘峭以矯時弊信然

崔鉉

舊唐書云字台碩博陵人登進士第三辟諸侯府荆南西蜀掌書記會昌初入爲左拾遺再遷員外郎知制誥召入翰林充學士累遷戶部侍郎承旨會昌末以本官同平章事爲同列李德裕所嫉罷相爲陝虢觀察使檢校刑部尚書宣宗卽位遷檢校兵部尚書河中尹博陵縣開國子食祿五百戶大中三年召拜御史大夫尋加正議大夫中書侍郎同平章事累遷金紫光祿大夫守左僕射門下侍郎太清宮使弘文館大

學士博陵縣開國公食邑至二千戶七年以館中學士崔瑒薛逢等撰續會要四十卷獻之九年檢校司徒揚州大都督長史進封魏國公淮南節度使宣宗于大液亭賦詩宴餞有七載乘鈞調四序之句儒者榮之咸通初移鎮襄州咸通八年徐州戍將龐勛自桂管擅還道途剽掠鉉時爲荆南節度聞徐州軍至湖南盡率州兵點募丁壯分扼江湘要害欲盡擒之徐寇聞之踰嶺自江西淮右北渡朝議壯之卒于江陵○全唐詩話云魏公鉉元略之子也爲兒時隨父訪韓晉公混混指架上鷹令詠焉吟曰天邊心

膽架頭身欲擬飛騰未行因萬里碧霄終一去  
不知誰是解縲人况曰此兒可謂前程萬里也  
寶曆三年登第按通鑑敬宗乙巳年即位丙午  
十二月被弑此云三年年矣  
久居廊廟三擁節麾宣宗嘗謂侍臣曰崔鉉真  
貴人裴休真措大

許玫

紀事云太和元年登第其兄弟瑄瓘皆高科

魏扶

全唐詩話云扶登太和四年進士大中初知禮  
闈入貢院題詩云梧桐葉落滿庭陰鎖閉朱門  
試院深曾是當年辛苦地不將今日負初心榜

出無名子削為五言詩以譏之

李遠

藝文志云字承非古大中建州刺史詩集一  
卷○郝天挺云太和五詩法年進士蜀人也累  
官歷忠建江三州刺史終御史中丞○張同幽  
閒鼓吹云宣宗朝令狐絢薦遠為杭州宣皇曰  
我聞遠有詩云長日惟消一局碁豈可以臨郡  
哉對曰詩人之言非有實也仍薦遠廉察可任  
乃俞之宣宗視遠到郡謝上表左右曰不足煩  
聖慮也上曰遠到郡無非時奏章只有此謝上  
表安知不有情懇乎吾不敢忽也



許渾

藝文志云字用晦圉師之後大中睦州郢州二  
刺史所著丁卯集二卷○孟啓本事詩云詩人  
許渾嘗夢登山有宮室凌雲人云此崑崙也既  
入見數人方飲酒招之至暮而罷賦詩云晚入  
瑤臺露氣清坐中唯有許飛瓊塵心未斷紀事  
俗緣在十里下山紀事作空月明他日復夢至  
其處飛瓊曰子何故顯余姓名于人間座上卽  
改爲天風吹紀事作飛下步虛聲曰善

趙嘏

藝文志云字承祐大中渭南尉所著渭南集三  
卷又編年詩二卷○高棅云山陽人會昌二年  
進士○全唐詩話云嘏曾有詩曰早晚粗酬身  
事了水邊歸去一閒人果卒于渭南尉嘏嘗家  
于浙西有美姬惑之泊計偕會中元鶴林之遊  
浙帥窺其姬遂奄有之明年嘏及第因以一絕  
箴之曰寂寞堂前春又曛陽臺去作不歸雲當  
時聞說沙叱利今日青娥屬使君浙帥不自安

遣一介歸之暇方出關逢于橫水驛姬抱暇慟  
哭而卒葬于橫水之陽

房千里

紀事云字鵠舉太和進士也終於高州刺史

陳上美

紀事云登開成進士第

趙璜

紀事云開成二年登第

鄭史

紀事云登開成進士第終國子博士嘗經過池  
陽廉使崔君悅一妓行雲有詩云最愛鉛華薄

薄粧更兼衣著又鵝黃從來南國名佳麗何辜  
今朝在此行臨岐博陵公輟贈之

盧肇

紀事云字子發袁州人也初登第或問所由來  
曰肇袁民也或曰袁州出舉人耶肇曰袁州出  
舉人亦猶沅江出龜甲九肋者蓋稀矣肇筮仕  
之初為鄂岳盧商從事其後江陵節度裴休太  
原節度盧簡求奏為門吏後除著作郎遷倉部  
員外郎充集賢院直學士咸通中出為歙州又  
云開成初就江西解試官末送肇謝曰巨鰲負  
鼎首冠蓬山試官曰某恨人數擠排深慚名第

奉浼何云首冠肇曰頑石處上巨鰲載之豈非  
冠耶又云肇初計偕至襄陽奇章公方有真珠  
之惑肇賦詩曰神女初離碧玉階彤雲猶擁壯  
丹鞋知道相公憐玉腕強將織手整金釵

薛逢

文藝傳云字陶臣蒲州河東人會昌初擢進士  
第崔鉉鎮河中表在幕府鉉復宰相引為萬年  
尉直弘文館歷侍御史尚書郎持論鯁切以謀  
略高自標顯初與彭城劉瑒交瑒文辭出逢數  
人下嘗易之瑒稍親近逢不得意遂相忿恨會  
瑒當國有薦逢知制誥者瑒猥言先朝以兩省

官給事舍人先治州縣乃得除逢未試州執不  
可乃出為巴州刺史而楊收王鐸同牒署第收  
輔政逢有詩微辭譏訕收銜之復斥蓬繇二州  
刺史收罷以太常少卿召還歷給事中鐸為宰  
相逢又以詩訾鐸按此詩告鐸詩云昨日鴻毛  
萬劫重今朝山嶽一毫輕  
鐸怒中外亦鄙逢福傲故不見齒遷秘書監卒  
○藝文志云詩集十卷又別紙十三卷賦集十  
四卷○紀事云逢命一道士貌真自為贊曰裝  
造薛逢長七尺五寸于是絕筆終未能續一旦  
忽一羽衣詣門見真讚命筆續之云手把金錐  
鑿開混沌長揖西去不知所之逢鑿開混沌賦

得名也

易重

紀事云會昌五年陳商下進士張漬第一重次之後詔白敏中重考覆落漬等八人而重居榜首

劉威

全唐詩話云會昌時詩人也

馬戴

藝文志云字戾臣會昌進士第○金華子云戴大中初掌書記於太原李司空幕以正言被斥貶龍陽尉○全唐詩話云許崇久困名場咸通

未戴佐大同軍幕棠往謁之一見如舊識留連數月詩酒而已未嘗問所欲一旦大會賓友命使者以棠家書授之棠驚愕莫知其來啓緘知蘇帶匪其家矣薛能

全唐詩話云字大拙汾州人會昌六年品彙作二年進士大中八年書判入等補盩厔尉辟太原陝虢河陽從事李福鎮滑州表觀察判官歷侍御史都官刑部員外郎福徙西川取為節度副使咸通中攝嘉州刺史歸朝遷主客度支刑部郎中俄刺同州京兆尹溫璋貶命權知尹事出領感化節度入授工書復節度徐州徙忠武廣明元

年徐兵赴激水經許能以前帥徐軍吏懷恩館之州內許軍懼徐人見襲大將周岌因衆怒逐能自稱留後能全家遇害○藝文志云集十卷又繁城集一卷

姚鵠

藝文志云字居雲會昌進士第詩三卷

韓琮

藝文志云字成封大中湖南觀察使詩一卷○紀事云待將士不以禮宣宗時爲都將石載順等所逐

劉三復

藝文志云所著表狀十卷問遺雜錄三卷

柴夔

○紀事云登太和中進士第

劉滄

藝文志云字蘊靈詩一卷○高棟云魯人大中八年進士調華原尉遷龍門令

項斯

藝文志云字子遷江東人會昌丹徒尉詩一卷○紀事云始張水部籍爲律格詩惟朱慶餘親授其旨泐流而下有任蕃陳標章孝標司空圖咸及門焉寶曆開成之際斯尤爲水部所知故其詩格與之相類○全唐詩話云項斯始未爲

聞人因以卷謁楊敬之楊苦愛之贈詩云幾度  
見詩詩盡好及觀標格過於詩平生不解藏人  
善到處逢人說項斯未幾詩達長安明年擢上  
第

### 雍陶

藝文志云字國鈞大中八年自國子毛詩博士  
出刺簡州詩集十卷○品彙云成都人○全唐  
詩話云陶蜀川上第後稍薄親黨其舅雲安劉  
敬之罷舉歸三峽責陶不寄書曰山近衡陽雖  
少雁水連巴字豈無魚陶得詩悻服乃有狐首  
之思後爲簡州牧自比謝宣城柳吳興實至則

折之闕者亦怠投贄者稀得見有馮道明下第  
請謁云與員外故舊闕者以道明言啓之及引  
進陶詢曰與公昧平生何云相識道明云誦員  
外之詩仰員外之德詩集中目得相見何隔平  
生也遂吟曰立當青草人先見行傍白蓮魚未  
知又曰江聲秋入寺雨氣夜侵樓又曰閉門客  
到常疑病滿院花開不似貧陶聞吟欣狎待道  
明如曩昔之友君子以雍君矜誇而好媚馮子  
匪藝而求○紀事云陶典陽安送客至情盡  
橋問其故左右曰送迎之地止此故橋名情盡  
陶命筆題其柱曰折柳橋自後送別必吟其詩

曰從來只有情難盡何事名爲情盡橋自此改名爲折柳任他離恨一條條

來鵬

郝天挺云豫章人大中咸通間舉進士不中客死於維揚○藝文志云詩一卷○紀事云鵬詩思清麗福建韋尚書岫愛其才欲以子妻之而不果後遊蜀夏課卷中有詩云一夜綠荷風剪破賺他秋雨不成珠識者以爲不祥是歲隨秋賦而卒

崔櫓

紀事云大中時進士也

鼓吹品彙俱作廣明進士未知孰是 ○藝

櫓

紀事鼓吹俱作櫓今從唐書

文志云有無機集四卷○摛言云櫓慕杜紫微爲詩詩才清麗而近蕩

曹鄴

鄴

藝文志云字鄴中紀事作業之大中進士第洋州刺史詩三卷

楊乘

乘

紀事云宣宗大中初登第官終殿中侍御史

陳陶

陶

紀事云陶居南昌之西山江南後主卽位知其運祚衰替以脩養爲事○麗情集云嚴尚書宇鎮豫章遣小妓蓮花者往西山侍陶陶殊不

妓為詩曰蓮花為號玉為腮珍重尚書遣妾來  
處士不生巫峽夢虛勞神女下陽臺陶荅之曰  
近來詩思清如月老大心情薄似雲已向昇天  
得門戶錦衾深愧卓文君高棟云後人移其事為陳圖南非也○  
北夢瑣言云大中年陳陶歌詩似負神仙之術  
或露王伯之說所居多植柑橙令山童賣之貫  
休書其隱居云高步前山前高歌北山北數載  
賣柑橙山資近又足○藝文志云陶著文錄十  
卷○馬端臨經籍攷云集二卷晁氏云字嵩伯  
鄱陽人自號三教布衣江南野史有傳

孟遲

藝文志云詩一卷○紀事云字遲之登會昌五  
年進士第○余華子云遲陳商門生為浙西掌  
書記以讒罷至淮南崔相國奏掌書記

紀唐夫

高棟云開成時人

李群玉

藝文志云字文山澧州人裴休觀察湖南厚延  
致之及為相以詩論薦授拔書郎詩三卷後集  
五卷○紀事云群玉好吹笙善急就章喜食鵝  
及授拔書郎東歸盧肇送詩云妙吹應諧鳳工  
書定得鵝又云群玉解天祿之任而歸涪陽經



二妃廟題云黃陵廟前春已空子規啼血滴松  
風不知精爽歸何處疑是行雲秋色中群玉疑  
春空遂至秋色欲易之恍若有物告以二年之  
兆時潯陽太守段成式志其事二年後果死於  
洪井段以詩哭之曰曾語黃陵事今為白日催  
老無兒女累誰哭到泉臺

司馬禮

高棅云大中時人工詩時稱為先輩

李郢

藝文志云字楚望大中進士第侍御史詩一卷

○九國志云長安人唐末避亂嶺表

嚴郭

劉曄

崔珣

藝文志云字夢之大中進士第詩一卷○紀事  
云珣佐大魏公幕與副車袁充嘗侍不叶公俱  
薦之于朝珣拜芸閣讎校會有客以絲桐詣公  
心善之欲振其名命以所乘馬迎珣賞之公為  
客請一篇珣因以發其憤詩云七條絃上五音  
寒此藝知音自古難唯有河南房次律始終憐

得董庭蘭公大悲

李渥

楊牢

紀事云弘農人登大中二年進士第

李頻

新唐書云字德新睦州壽昌人少秀悟逮長廬  
西山多所記覽其屬辭于詩尤長與里人方干  
善給事中姚合名爲詩士多歸重頻走千里丐  
其品合大加獎挹以女妻之大中八年擢進士  
第調祕書郎爲南陵主簿判入等再遷武功令  
俄擢侍御史守法不阿徇遷累都官員外郎表  
丐建州刺史旣至以禮法治下更布條教時朝  
政亂盜興相椎斃而建賴頻以安卒於官父老

爲立廟黎山歲祠之○藝文志云詩一卷

劉得仁

全唐詩話云得仁貴主之子自開成至大中三朝昆弟皆歷貴仕而得仁苦于詩出入舉場三十年卒無成自述曰外家雖是帝當路且無親又云外族帝王是中朝親故稀翻令浮議者不許九霄飛旣終詩人競爲詩弔之○藝文志云詩一卷

趙光遠

高棟云大中時人

方干

孫郃元英先生傳云先生新定人字雄飛章八元卽先生外王父也廣明中和間爲律詩江之南未有及者始謁錢唐守姚公合公視其貌陋初甚侮之坐定覽卷駭曰變容而嘆之先生一舉不得志遂遊于會稽漁于鑑湖與鄭仁規李頻陶詳爲三益友弟子洪農楊弁釋子居遠及卒弁編其詩請舍人王贊爲之序贊序云張祐升杜甫之堂方干入錢起之室云○紀事云干爲人質野每見人設三拜曰禮數有三識者呼爲方三拜爲人唇缺連應十餘舉遂歸鏡湖後十數年遇醫補唇年已老矣鏡湖人號曰補唇

先生又云唐末宰臣張文蔚中書舍人封舜卿  
奏名儒不遇者五人請賜一官以慰其魂于其  
一也○藝文志云詩集十卷

伊璠

紀事云登咸通四年進士第曾爲涇陽令至黃  
巢亂璠陷寇屢脫命於刃下其後逃避與其家  
相失夜至藍關猛獸搏而食之

武瓘

紀事云登咸通進士第唐末宰益陽又云瓘初  
投卷于知舉蕭傲見其感事詩云花開蝶滿枝  
花謝蝶還稀唯有舊巢燕主人貧亦歸賞其有

存故之志遂放及第

袁皓

藝文志云袁州宜春人龍紀集賢殿圖書使自  
稱碧池處士所著碧池書三十卷集道林寺詩  
二卷○紀事云僖宗狩蜀皓時爲倉部員外采  
李晟功烈爲興元聖功錄徧賜諸將表勵之○  
全唐詩話云皓初登第過岳陽悅妓藥珠以詩  
寄嚴使君曰得意東歸過岳陽桂枝香惹藥珠  
香也知暮雨生巫峽爭奈朝雲屬楚王萬恨只  
憑期尅手寸心唯繫別離腸南亭宴罷笙歌散  
回首烟波路渺茫嚴君以妓贈之

唐書  
翁綬

紀事云登咸通進士第

高駉

新唐書云字千里南平郡王崇文孫也事朱叔明爲司馬有二鷗並飛駉曰我且貴當中之一發貫二鷗焉衆大驚號落鷗侍御後歷右神策軍都虞候党項叛率禁兵戍長武有戰功徙屯秦州卽拜刺史兼防禦使咸通中帝將復安南拜駉爲都護俄拔之斬蠻帥段酋遷進檢校刑部尚書加檢校尚書右僕射僖宗立卽其軍加同中書門下平章事徙劔南西川節度進檢校

司徒封燕國公徙荆南節度王仙芝之敗殘黨過江帝以駉治郟威化大行且仙芝黨皆郟人故授駉鎮彙節度使駉遣將梁纘張濬分兵窮討降其驍帥畢師鐸帝美其功加諸道行營都統鹽鐵轉運等使俄徙淮南節度副大使傳檄召天下兵共討賊威震一時廣明初張濬襲黃巢大破之巢懼騰書于駉丐歸命駉信之奏輟援兵巢知兵罷擊殺濬乘勝渡江攻天長駉欲縱賊以聳朝廷然後立功畢師鐸爭之將出師嬖將呂用之說以觀釁求福駉入其計巢遂北趨河雒陷兩京帝知駉無出師意乃以王鐸代

爲都統封駢爲渤海郡王駢失兵柄利權卽上書謾言不恭而吳人顧雲以文辭緣澤其姦偃然無所忌畏會平賊駢聞縮氣悵悵部下多叛去鬱鬱無聊乃篤意求神仙以軍事屬用之用之構殺諸宿將師鐸等懼執駢囚于南第尋命陳賞等往殺之○藝文志云詩一卷○紀事云光啓三年駢鎮淮棗三月看花駢與諸從事賦詩其末云人間無限傷心事不得樽前折一枝蓋亡滅之誠也及被幽辱計口給食自五月至八月外圍益急遂及於難

顧雲

藝文志云字垂象池州人虞部郎中所著有顧氏編遺十卷茗川總裁十卷纂新文苑十卷醫事一卷賦二卷集遺具錄十卷○紀事云龔賈之子也爲高勳淮南從事師鐸之亂退居雪川杜門著書宰相杜某奏雲與錢翊司空圖等分修宣懿德三朝實錄皆一時之選也乾寧初卒○通攷云鳳策聯華三卷陳氏云多以擬古爲題蓋行卷之文也雲咸通十五年進士

盧渥

全唐詩話云字子章軒冕之盛近代無比伯仲四人咸居顯列乾符初母憂服闋渥自前中書

舍人拜陝府觀察使弟沼前長安令除給事  
中弟沅自前集賢校理除左拾遺弟治白畿尉遷  
監察御史詔書疊至七族榮之及赴任陝郊自  
居守分司朝臣已下牙設祖筵雒城爲之一空  
都人聳觀亘數十里又云渥在舉場甚有時稱  
曾於灑水逆旅遇宣宗微行意其貴人斂身避  
之帝呼與相見乃自稱進士盧渥帝請詩卷袖  
之而去他日對宰臣語及渥令主司擢第宰臣  
問渥與主上有何階緣渥具陳其由時亦不以  
爲忝○本事詩云渥應舉之歲偶臨御溝見一  
紅葉葉上有絕句置於巾箱或呈於同志及宣

宗放宮人初下詔許從百官司吏獨不許貢舉  
人盧後一任范陽獲一宮人卽題紅葉者也其  
詩曰水流何太急深宮盡日閒殷勤謝紅葉好  
公到人間紀事云唐末渥自陝府廉察入朝  
知舉遇巢寇亂不及終場趙崇戲之曰出腸  
不生養主司也蓋盧氏未嘗知舉盧相攜耻之  
爲主文卒不果渥終檢校司徒

李昌符

紀事云字巖夢登咸通四年進士第歷尚書郎  
○北夢瑣言云昌符有詩名久不登第嘗歲卷  
軸怠于裝修因出一奇乃作婢僕詩五十首於

公卿間行之決旬京城甚傳是年登第

司空圖

新唐書云字表聖河中虞鄉人咸通末擢進士  
禮部侍郎王凝特所獎待俄而凝坐法貶商州  
圖感知已往從之凝起拜宣歙觀察使乃辟置  
幕府召爲殿中侍御史不忍去凝府臺劾左遷  
光祿寺主簿分司東都宰相盧攜嘉圖節謂觀  
察使盧渥曰司空御史高士也渥卽表爲僚佐  
會攜復執政召拜禮部員外郎尋遷郎中黃巢  
陷長安奔咸陽間關至河中僖宗次鳳翔卽行  
在拜知制誥遷中書舍人後符寶雞不獲從又

還河中龍紀初彼拜舊官以疾解景福中拜諫  
議大夫不赴後再以戶部侍郎召身謝闕下數  
日卽引去昭宗在華召拜兵部侍郎以足疾固  
自乞會遷離陽柳璨希賊臣意誅天下才望助  
喪王室詔圖入朝圖陽墮笏趣意野老璨知無  
意于世乃聽還圖本居中條山王官谷有先人  
田遂隱不出作亭觀素室悉圖唐典節士文人  
名亭曰休休作文以見志曰休美也旣休而美  
具故量才一宜休揣分二宜休耄而賸三宜休  
又少也倚長也率老也迺三者非濟時用則又  
宜休因自目爲耐辱居士其言詭激不啻以免



當時禍災云豫為冢棺遇勝日引客坐墻中賦詩酌酒裴回客或難之圖曰君何不廣邪生死一致吾寧暫游此中哉每歲時祠禱鼓舞圖與閭里耆老相樂王重榮父子雅重之數饋遺弗受嘗為作碑贈絹數千圖置虞鄉市人得取之一日盡時寇盜所過殘暴獨不入王官谷士人依以避難朱全忠已篡召為禮部尚書不起哀帝弑圖聞不食而卒年七十二○藝文志云一鳴集三十卷○通攷陳氏云蜀本司空集但有雜著無詩自有詩十卷別行

聶夷中

藝文志云字坦之成都華陰人○紀事云咸通十二年高湜知舉榜內孤寒者夷中公乘傳許棠夷中尤為苦精古詩

周 詠

紀事云字為德池州人及咸通進士第以明皇夢鍾虺賦知名

許 棠

藝文志云字文化詩一卷○紀事云宣州涇縣人登咸通十二年進士第有洞庭詩最工時號許洞庭其詩云驚波常不定半日鬢堪斑四顧疑無地中流忽有山鳥飛應畏墮帆遠却如閑

漁父時相引行歌浩渺間

楊夔

高棟云咸通時人○藝文志云集五卷又宥書十卷宥餘集一卷

張喬

紀事云池州人有詩名咸通中與許棠俞坦之刺燕任濤吳宰張蠙周繇鄭谷李棲遠温憲李昌符謂之十哲又云京兆府解試月中桂詩喬擅場其年李建州頗主試以許棠老於場屋以爲首薦未幾巢寇爲亂遂與伍喬之徒隱九華○藝文志云詩集二卷

胡曾

高棟云長沙人咸通中舉進士不第嘗爲漢南節度從事有詠史詩一卷安定集十卷行世

唐彥謙

舊唐書云字茂業咸通末應進士才高負氣無所屈降十餘年不第乾符末河南盜起兩都覆沒以其家避地漢南中和中王重榮鎮河中辟爲從事累奏至河中節度副使歷晉絳二州刺史彥謙博學多藝文詞壯麗至於書畫音樂博飲之技無不出於輩流尤能七言詩少時師温庭筠故文格類之光啓末王重榮爲部下所害

朝議責叅佐貶爲漢中掾曹楊守亮鎮興元聞  
其名署爲判官累官至副使閬壁三郡刺史卒  
於漢中有詩數百篇號鹿門先生集行於世○  
藝文志云詩集三卷○高棅云并州人○紀事  
云彥謙卽陶穀之祖也穀避晉祖諱改姓陶後  
遂不易識者非之

滕倪

全唐詩話云滕倪苦心爲新詩嘉聲早播遠之  
吉州謁宗人太守卽中邁邁每吟其句云白髮  
不能容相國也同閒客滿頭生又題鷲鷲障子  
云映水有深意見人無懼心邁曰魏文惜陳思  
之學潘岳褒正叔之文貴集一家之盛如此

章碣

紀事云孝標之子登乾符進士第○藝文志云  
詩一卷

沈彬

紀事云字子文高安人也天才狂逸好神仙之  
事少孤西遊以三舉爲約嘗夢著錦衣貼月而  
飛識者言雖有虛名不入月矣乾符中南遊嶺  
表二十餘年回吳中江南僞命吏部卽中致仕  
又云彬唐末遊湖湘隱雲陽山十年餘與虛中  
齊已貫休以詩名相吹噓又與韋莊杜光庭唱

和皆蜀人也疑其曾入蜀○南唐書云元宗遷南都彬年八十餘來見曰臣久處山林不預世事臣妻曰君主入郎君今爲天子何不一往臣遂忘衰老而來元宗命母拜厚賜粟帛以其子爲秘書省正字

### 皮日休

藝文志云集一卷又胥臺集七卷文藪十卷詩一卷○通攷晁氏云字襲美一字逸少隱鹿門山自號醉吟先生以文章自負尤善箴銘咸通八年登進士第爲著作佐郎太常博士乾符喪亂東出關爲毘陵副使陷巢賊中賊遣爲識文疑其譏已遂害之集乃咸通丙戌年居州里所編自序云發篋次類文彙繁如藪澤因以名之凡二百篇○陳氏云黃巢之難日休陷賊中爲

果頭三屈律之讖賊疑譏已髮拳遂見害陸游  
筆記以皮光業碑辨其不然○北夢瑣言云日  
休傲誕自號間氣布衣日休之子光業辭學宏  
瞻唐末爲越州刺史

### 陸龜蒙

新書隱逸傳云字魯望少高放通六經大義尤  
明春秋舉進士一不中往從湖州刺史張搏游  
搏歷湖蘇二州辟以自佐嘗至饒州三日無所  
詣刺史蔡京舉官屬就見之龜蒙不樂拂衣去  
居松江甫里多所論撰雖幽憂疾痛貲無十日  
計不少輟也又成窟稿篋中或歷年不省爲好

事者盜去得書熟誦乃錄譬比數則朱黃不公  
手所藏雖少其精皆可傳借人書篇袞壞舛必  
爲輯褫刊正有田數百畝屋三十楹田苦下雨  
潦則與江通故嘗苦饑嗜茶置園顧渚山下歲  
取租茶自判品第張又新爲水說七種其二慧  
山泉三虎丘井六松江人助其好者雖百里爲  
致之初病酒再暮乃已其後客至絜壺置杯不  
復飲不喜與俗流交雖造門不肯見不乘馬升  
舟設蓬席齋束書茶竈筆牀釣具往來時謂江  
湖散人或號天隨子甫里先生自比涪翁漁父  
江上丈人後以高士召不至李蔚盧攜素與善

及當國召拜左拾遺詔方下龜蒙卒光化中韋  
莊表龜蒙及孟郊等十人皆贈右補闕○通攷  
晁氏云龜蒙少工歌詩其體裁不一卒造乎平  
淡而已白號江湖散人或號甫里先生皆爲之  
傳新史多取之而獨不云工歌詩笠澤者松江  
地名也其集自序云白乾符六年春臥病笠澤  
時亦隱凡著書詩賦銘記往往雜混而錄之故  
曰叢書今核其集歌詩爲多又比他文最工新  
史疎漏如此○楊文公談苑云唐陸龜蒙善爲  
賦絕妙人有收得賦材皆綴緝屬對差次比擬  
凡數首有題而未就蓋其構思用功之非淺相

傳龜蒙多智敏狡獪居笠澤有內養自長安使  
杭州舟出舍一小童奴以小舟驅群鴨出內養  
彈其一絲頭雄鴨折頸龜蒙遽從舍出大呼云  
此綠鴨有異昔人言適將獻狀本州貢天子今  
持此死鴨以告官自言其內養少長官禁不知  
外事信然甚驚駭厚以金帛遺之龜蒙乃止因  
徐問龜蒙曰此鴨何言龜蒙曰嘗自呼其名巧  
捷多類此○葉茵云魯望居甫里著吳興實錄  
四十卷松陵集十卷笠澤叢書四卷清風素節  
凜凜千古因疑談苑所傳之過茵所居視甫里  
無一舍遠其地荒僻眇在松江之東去驛程猶

有數十里使者無由過也自武宗暨昭宗凡六十三載未嘗遣內養使杭州揆之地理考之唐紀信其爲誣豈談苑別有所據云○范成大吳郡志云咸通中崔璞守吳郡皮日休爲郡從事與處士陸龜蒙爲文會之友風雨晦冥蓬蒿翳蒼木嘗不作詩璞問爲詩亦令兩人屬和吳中名士亦多與焉一年間所作盈積龜蒙哀爲十通日休名之曰松陵集

顏 萱

紀事云字弘至江南進士也與皮陸唱和詩載松陵集

張 貴

紀事云字潤卿南陽人登大中進士第唐末爲廣文博士寓吳中與皮陸游

李 穀 一作齏

紀事云字德師隴西人咸通進士也唐末爲浙東觀察推官兼殿中侍御史

司馬都

鄭 璧

紀事云唐末江南進士也與皮陸唱酬

魏 朴

紀事云唐末吳中名士也

按皮集朴字不琢毘陵人

李洞

晁公武云字才江京兆人昭宗時不第遊蜀卒  
○全唐詩話云唐諸王孫也慕賈浪仙爲詩鑄  
其像事之如神嘗念賈島佛所作詩人多誦其  
僻澁不能貴其奇峭惟吳子華深知之子華才  
力浩大八面受敵嘗以百篇示洞洞曰大兄所  
示百篇中有聯絕唱西昌新亭曰暖漾魚遺  
子晴遊鹿引麝子華不怨所鄙而喜所許○藝  
文志云詩一卷集賈島句圖一卷

曹唐

紀事云字堯賓桂州人初爲道士後爲使府從  
事咸通中卒作遊仙詩百餘篇其友人曰堯賓  
曾作鬼詩唐曰何也曰水底有天春寂寂人間  
無路月茫茫非鬼詩而何唐大晒又云唐寓江  
陵佛寺寺有亭沼唐得水底一聯明日還坐沼  
上有二婦人素裳徐步詠所得之詩唐迫而訊  
之不應未十步而沒數日唐亦殂竟不成名○  
郝天挺云太和中舉進士因暴疾卒于家○藝



文志云詩三卷

李昭象

紀事云字化文池州刺史方玄之子父卒因家焉懿宗末年以文干相國路公巖問其年曰十有七矣巖年尚少尤器重之薦于朝將召試會巖貶遂還秋浦移居九華與張喬顧雲輩為方外交龍紀中楊行密奔宣州以書招之不從

鄭谷

紀事云字若思袁州人故永州刺史之子幼年司空圖與刺史同院見而奇之曰曾吟得丈夫詩否曰吟得莫有病否曰丈夫曲江晚望斷篇

云村南斜日問回首一對鴛鴦落渡頭鴈深聲矣司空嘆惜撫背曰當為一代風騷主乾寧中為都官郎中卒于家谷自叙云故許昌薛尚書為都官郎中後數年建州李員外頻自憲府拜都官員外皆一時騷雅宗師都官之曹振盛於此余受早知今忝此官復是正秩何以相繼前賢耶又云幼受知於李公朋馬博士戴求試春闈故薛許昌能李建州頻不以晚輩見待遊舉場十六年著述千餘首乾寧初上幸三峰朝謁多暇止雲臺道舍遂拾墜補遺成三百首目為雲臺編○藝文志云雲臺編三卷又宜陽集三

卷○葛立方云今之新進士不問科甲高下唱名出皇城例唱狀元莫知其端唐鄭谷登第後宿平康里嘗作詩云春來無處不開行楚潤相看別有情好是五更殘酒醒耳邊聞喚狀元聲則新進士例呼狀元舊矣鄭谷趙昌翰榜第八名也

韓喜

崔塗

藝文志云字禮山光啓進士第詩一卷

張贛

全唐詩話云字象文唐末登第尉櫟陽避亂入蜀蜀王時爲金堂令徐后遊大慈寺見壁間題云墻頭細雨垂纖艸水面回風聚落花問寺僧僧以贛對乃賜霞光牋令寫詩以進贛進二百首衍善之召爲知制誥宋光嗣以贛輕忽傲物遂止卒于官贛生穎秀幼有單于臺詩曰白日地中出黃河天外來爲世所稱○藝文志云詩集二卷

王鐸

新唐書云字昭範會昌初擢進士第累遷右補闕集賢殿直學士歷中書舍人禮部侍郎拜御

史中丞以戶部侍郎判度支山禮部尚書進同  
中書門下平章事加門下侍郎尚書左僕射超  
拜司徒尋以檢校左僕射出爲宣武節度使僖  
宗初以左僕射召鄭畋數言其賢復拜門下侍  
郎平章事乾符六年賊破江陵諸將觀望不進  
朝廷議置統帥鐸因請自率諸將督群盜帝卽  
以鐸爲侍中荆南節度使諸道行營都統封晉  
國公所舉將李係兵潰貶太子賓客分司東都  
未幾召拜太子少師從天子入蜀拜司徒門下  
侍郎平章事加侍中復以太子太保平章事是  
時誅討大計悉屬高駢駢內幸多難數偃蹇而

外逗撓鐸感慨王室每入對必噫嗚流涕因請  
行時中和二年也乃以檢校司徒中書令爲義  
成節度使諸道行營都統判延資戶部租庸等  
使率衛兵泊梁蜀師三萬壁蓋屋移檄天下先  
是諸將雖環賊莫肯先及鐸檄至號令殷然士  
氣皆起爭欲破賊故巢戰數蹙宦人田令孜策  
賊必破欲使功出于已乃構鐸于帝罷爲檢校  
司徒以義成節度還屯鐸功危就而讒奪然卒  
因其勢困賊後數月復京師策勳居關東諸鎮  
第一四年徙義昌節度使鐸世貴出入裘馬鮮  
明妾侍且衆過魏樂彥禎子從訓心利之李山

甫導以詭計使伏兵高雞泊劫之鐸及家屬吏佐三百餘人皆遇害朝廷微弱不能治其冤天下痛之

### 李山甫

全唐詩話云咸通中數舉進士被黜依魏府樂彥禎幕府因樂禍且怨中朝大臣導彥禎子從訓伏兵殺王鐸劫其家嘗有詩云勸君莫用誇頭角夢裏輸贏總未真譏執政也巢寇之亂翰林待詔王逖者北遊在鄴山甫遇於道觀謂曰幽蘭綠水可得聞乎逖應命奏之曲終潛然曰憶在咸通玉亭秋夜供奉至尊不意流離至此

也山甫賦詩曰幽蘭綠水耿清音嘆惜先生枉用心世上幾時曾好古人前何必獨霑襟句未成山甫亦自黯然悲其不遇也一本云情知此事少知音自是先生枉用心世上幾時曾好古人前何必更霑襟致身不似笙簧巧悅耳寧如鄭衛淫三尺絲桐七條線子期師曠兩沉沉○

藝文志云集一卷賦二卷

王逖於耳目記作王敬傲

### 褚載

紀事云字厚之登乾寧進士第○藝文志云詩三卷

### 杜荀鶴

全唐詩話云荀鶴有詩名號九華山人大順初擢第授翰林學士主客外郎知制誥序其文為唐風集或曰荀鶴牧之微子也牧之會昌末自齊安移守秋浦時年四十四所謂使君四十四兩佩左銅魚者也時妾有姪出嫁長林鄉正杜筠而生荀鶴擢第年四十六矣○高棟云字彥之池州人

高蟾

高棟云河朔人按唐登科記進士有兩高蟾則僖宗乾符二年登第者是也○藝文志云乾寧紀事御史中丞詩一卷作詩

姚揆從詩法錄入

嚴郾

藝文志云詩二卷

盧尚卿

紀事云僖宗中和二年登第於蜀

蘇廣文

周朴

藝文志云朴稱處士詩二卷○紀事云唐末詩人寓於閩中於僧寺假丈室以居不飲酒茹葷塊然獨處諸僧晨粥卯食朴亦攜巾盂廁諸僧

下畢食而退率以爲常郡中豪貴設供率施僧  
錢朴亦巡行拱手各丐一錢有以三數錢與者  
朴止受其一得千錢以備茶藥之費將盡復然  
僧徒亦未嘗厭也性喜吟詩尤尚苦澁每遇景  
物搜奇抉思日旰忘返苟得一聯一句則忻然  
自快嘗野逢一負薪者忽持之且厲聲曰我得  
之矣樵夫矍然驚駭掣臂棄薪而走遇遊徼卒  
疑樵者爲偷見執而訊之朴徐告卒曰適見負  
薪因得句耳卒乃釋之有一士人以朴僻于詩  
句欲戲之一日跨驢于路遇朴在傍士人乃歛  
帽掩頭吟朴詩云禹力不到處河聲流向東朴

聞之忿遽隨其後且行士但促驢而去略不回  
首行數里追及朴告之曰僕詩河聲流向西何  
得言流向東士人頷之而已閩中傳以爲笑又  
云黃巢至福州求得朴問曰能從我乎荅曰我  
尚不仕天子安能從賊巢怒斬之○歐陽脩詩  
話云唐之晚年詩人無復李杜豪放之格然亦  
務以精意相高如周朴者構思尤艱每有所得  
必極其雕琢故時人稱朴詩月鍛季煉未及成  
篇已播人口其名重當時如此而今不復傳矣  
余少時猶見其集其句有云風暖鳥聲碎日高  
花影重又云曉一作晚來山鳥鬧雨過杏花稀誠

吳融

新唐書云字華越州山陰人融學自力富辭  
調能紀初及進士第韋昭度討蜀表掌書記遷  
累侍御史坐累去官流浪荆南依成汭久之召  
為左補闕以禮部郎中為翰林學士拜中書舍  
人昭宗反正御南闕群臣稱賀融最先至于時  
左右歡駭帝有指授疊十許蔡融跪作詔少選  
成語當意詳帝咨賞良厚進戶部侍郎鳳翔劫  
遷融不克從去客闈鄉俄召還翰林遷承旨卒

NATIONAL CENTRAL LIBRARY, TAIWAN, R.O.C.

官○藝文志云詩集四卷又制誥一卷

韓偓

新唐書云字致光京兆萬年人擢進士第佐河中幕府召拜左拾遺以疾解後遷累左諫議大夫宰相崔胤判度支表以自副王溥薦爲翰林學士遷中書舍人韓全誨等劫帝西幸偓夜追及鄆見帝慟哭至鳳翔遷兵部侍郎進承旨忤朱全忠貶濮州司馬帝執其手流涕曰我左右無人矣再貶榮懿尉徙鄧州司馬天祐二年復召爲學士還故官偓不敢入朝挈其族南依王審知而卒○藝文志云詩一卷又香奩一作金非集

一卷金鑿密記五卷○紀事云偓小字冬郎字致堯今日致光誤矣自號玉山樵人○筆叢云香奩集沈存中尤延之並以爲和凝作凝少日作此詩後貴盛嫁名韓偓不欲自沒故於他文中見之今其詞與韓不類蓋或然也方氏律髓以偓同時吳融有和偓無題詩爲証不知此正凝假托之故不然何以弗托之溫韋諸子而托之偓葉少蘊以爲韓熙載則姓與事皆近之總之俱五代耳葉以不當見唐志爲疑此不然唐志如羅隱韋莊劉昭禹皆五代人也

曹松



藝文志云字夢徵天復進士第抄書郎詩集三卷○紀事云舒州人學賈司倉為詩天復初杜德祥主文放鬆及王希羽劉象柯崇鄭希顏等及第年皆七十餘時號五老牌

劉兼

鄭準

藝文志云字不欺乾寧進士第有渚宮集一卷○郝天挺云嘗為荆南從事

吉師老

詩見才調集

王貞白

詩法云字有道乾寧二年張貽憲榜進士○藝文志云詩一卷○紀事云貞白唐末大播詩名御溝為卷首云一派御溝水綠槐相蔭清此波涵帝澤無處濯塵纓鳥道來雖險龍池到自平朝宗心本切願向急流傾自謂冠絕無瑕呈僧貫休休曰甚好只是剩一字貞白揚袂而去休曰此公思敏書一字於掌中逡巡貞白迴忻然曰已得一字云此中涵帝澤休將掌中字示之一同天祐年中內試貞白札翰狼籍帝覽拂下玉案有黃門奏此舉人有詩名御批曰麤通放

李中

孟賓于集序云字有中隴西人淦陽宰也所著  
五七言兼六言共二百篇目曰碧雲集

唐 球

紀事云球爲詩撚藻爲圓納之大瓢中後臥病  
投瓢于江曰斯支苟不沉沒得者方知吾苦心  
爾至新渠有識者曰唐山人瓢也接得之十纜  
二三又云球生于唐末至性純慤篤好雅道放  
曠疎逸邦人謂之唐隱居或云王建帥蜀召爲  
參謀不就今以其故居爲隱居寺○北夢瑣言  
云球詩思遊歷不出二百里

鄭 渥

韋 莊

郝天挺云昭宗乾寧元年進士有浣花集行世  
魏承云莊應舉時過巢寇犯關著秦婦吟云  
內庫燒爲錦繡灰天街踏盡公卿骨公卿多垂  
訝莊乃諱之時號秦婦吟又有帝子夢魂烟水  
濶謝公詩思碧雲低最爲警策至若閒臥詩云  
誰知閒臥意非病亦非眠又手從彫扇落頭任  
漉巾偏識者知其不祥後誦子美詩白沙翠竹  
江村暮相送柴門月色新吟諷不輟是歲卒於

花林坊葬于白沙又云莊集詩人百五十人得詩三百章爲又玄集○全唐詩話云莊字端已杜陵人見素之後曾祖少微宣宗中書舍人莊疎曠不拘小節李詢爲西川宣諭和協使辟爲判官以中原多故潛欲依王建建辟爲掌書記尋召爲起居舍人建表留之後相建爲僞平章事○雜記云韋莊以才名寓蜀蜀王建遂羈留之莊有寵人姿質艷麗兼善詞翰建聞之託以教內人爲辭強莊奪去莊追念悒快作謁金門詞云空相憶無計得傳消息天上姮娥人不識寄書何處覓新睡覺來無力不忍把伊書跡滿院落花春寂寂斷腸芳草碧姮後聞此詞遂不食而卒

錢 珣

新唐書云字珣文善文辭宰相王搏薦知制誥進中書舍人搏得珣珣臨撫州司馬○韻語陽秋云錢起集前八卷後五卷鮑欽止謂昭宗時有中書舍人錢珣亦起之諸孫今起集中恐亦有珣所作者余初未知其所據也比見前集中有同程七早入中書及和王員外雪晴早朝二詩皆珣所作無疑蓋起未嘗入中書也

翁承贊

藝文志云字文堯乾寧進士第詩一卷○紀事

云閩人攷係福清人唐末為諫議大夫

王 渙

紀事云字群吉大順二年登第

吳商浩

黃 滔

藝文志云字文江光化四門博士集十五卷泉

山秀句集三十卷縮閩人詩自武德盡天祐末○莆陽志云

光化中除四門博士尋遷監察御史裏行克威

武軍節度推官王審知據有全閩而終其身為

節將者滔規正有力焉

秦 韜

藝文志云字中明田令孜神策判官工部侍郎

有投知小錄三卷○紀事云京兆人與劉曄李

崑士姜肱蔡鋌之徒交遊中貴各將兩軍書尺

僥求巍科時謂對軍解頭

孫 定

紀事云字志元詩歌千餘首多委於兵火竟無

成而卒

孫 棨

按紀事棨與鄭谷同諫垣

李咸用

曹學佺云仕至推官有披沙集六卷

林寬

曹學佺云候官人

廖匡唐書圖

藝文志云唐末人有廖氏家集一卷

韋蟾

文選句云悲莫悲兮生別離登山臨水送將歸以牋毫授賓從請續其句逡巡有妓泫然起曰某不才不敢染翰欲口占兩句韋大驚異令隨念云武昌無恨新栽柳不見楊花撲面飛坐客

無不嘉歎韋令唱作楊柳枝詞○紀事云蟾字隱珪下杜人大中七年進士登第初為徐商掌書記終尚書左丞

張道古

紀事云臨淄人景福中進士釋褐為著作郎遷右拾遺播遷之後方鎮阻兵道古上危亂疏云只今糾備孫權已生於世矣謫施州司戶參軍後入蜀王氏聞而憾之乃變姓名賣卜導江青城市中建開國召為武部郎中至玉壘關謂所親曰吾唐室諫臣終不能拳跽與雞犬同食雖召必再貶於死之日葬我於關東不毛之地題

曰唐佐輔補闕張道古墓後遇害妻亦繼亡蜀主憫之俾祔葬焉鄭雲叟在華聞之有詩哭之曰曾陳章疏忤昭皇撲落西南事可傷豈使諫臣終屈辱直疑天道惡忠良生前賣卜居三蜀死後馳名遍大專誰是後來脩史者言君力死正顏綱○藝文志云字子美著兵論一卷

朱倣

何扶

油蔚

詩見才調集

羅隱

吳越備史云字昭諫新登縣人也本名橫凡十上不中第遂更名從事湖南歷淮潤皆不得意乃歸新登及來見王懼不見納遂以所爲夏口詩標于卷末云一箇襴衡容不得思量黃祖慢英雄之句王覽之大笑因加殊遇一日隱寢疾王親臨撫問因題其壁云黃河信有澄清日後代應難繼此才隱起而續末句云門外旌旗屯虎豹壁間章句動風雷絲是以紅紗罩其上其

後果無文嗣隱累官錢塘縣令尋授鎮兼軍掌

書記節度判官鹽鐵發運副使授著作佐郎司

勳郎中歷遷諫議大夫給事賜金紫卒年七十

七年卒年與詩語不合○按隱與桐廬章魯封齊

之名錢鏐初起以魯封為表奏孔目官不就執

之後以隱為錢塘令懼而受命因宴獻口號云

云備史所云懼不見納標夏口詩于卷末者飾

也○全唐詩話云隱餘杭人隱池之梅根浦自

號江東生為唐相鄭畋李蔚所知畋女覽隱詩

諷誦不已畋疑有慕才意隱貌寢陋女一日簾

窺之自此絕不詠其詩廣明中池守竇滈營墅

居之光啓中錢鏐辟為從事節度判官副使朱

全忠以諫議召不行開平中魏博羅紹威推為

叔父表授給事中

中年八十餘終餘杭有子蹇翁

紹威學隱為詩自號

其文為偷江東集又云鍾陵妓雲英隱舊見

之一日譏隱猶未第隱嘲之曰鍾陵醉別十餘

春重見雲英掌上身我未成名君未嫁可能俱

是不如人○紀事云隱虬鄴共塲屋謂之三羅

昭宗聞其名欲以甲科處之有大臣奏曰隱雖

有才然多輕易明皇聖德猶橫遭乎譏謗將相

臣僚豈能免乎凌轢帝問譏謗之詞對曰隱有

華清詩曰樓殿層層佳氣多開元時節好笙歌

也知道德勝堯舜爭奈楊妃解笑何其事遂寢

否使人曰不識亦不聞名越人云四集聞有羅江東何抽之甚使人曰爲金榜上無名所以不知○通攷云羅隱甲乙集十卷讒書五卷晁氏云隱少聰敏作詩著文以譏刺爲主其集皆自爲序又有吳越掌記集一卷隱掌錢鏐記室所著表啓也陳氏云甲乙集皆詩後集五卷有律賦數首湘南集者長沙幕中應用之文也隱又有淮兼寓言讒書等求之不獲

羅 鄴

紀事云餘杭人父爲鹽鐵小吏有二子俱以文學干進鄴尤長七言詩時宗人隱亦以律韻著稱然隱才雄而疎鄴才清而緻咸通中崔安潛侍郎廉問江西志在弓旌竟爲幕吏所沮旣而俯就督郵因茲舉事無成而卒○高棅云集一卷

羅 袞

藝文志云字子制天祐起居郎集二卷○紀事云昭宗誅韓全誨等袞時爲左拾遺上言劉蕡當太和時宦官始熾因直言策請奪爵士復掃除之役遂罹譴逐死異土六十餘年正人端士切齒飲泣使蕡策蚤用則杜漸防萌逆節可消帝感悟贈蕡左諫議大夫



殷文圭

紀事云池州人居九華小字桂郎唐末詞塲請託公行文圭與游恭獨步塲屋乾寧中帝幸三峰文圭攜梁王表薦及第仍列榜中尋爲裴樞宣諭判官至大梁朱全忠表薦之旣而繇汴宋馳歸全忠大怒遣吏捕之不及矣自是屢言措大率皆負心每以文圭爲證白馬之禍蓋自此也文圭事楊行密終左千牛衛將軍

譚用之

徐寅

曹學佺云字昭夢莆田人

江陵士子

紀事云江陵有士子遊交廣五年未還愛姬爲太守所取納於高麗坊底及歸寄詩守遂遣還無名氏

唐詩韻匯譜

衲子

皎然

藝文志云字清晝姓謝湖州人靈運十世孫居  
杼山顏真卿為刺史集文士撰韻彙敬源預其  
論皆貞元中集賢御書院取其集以藏之刺史  
于頔為序詩集十卷詩式五卷詩評三卷

中寤

靈徹

藝文志云姓湯字源澄越州人詩集十卷酬倡



集十卷○紀事云靈徹與詩僧皎然遊皎然薦之包佶李紆以是上人之名由二公而颺貞元中遊京師緇流嫉之造飛語激動中貴人浸誣得罪徙汀州後歸會稽元和十一年終於宣州劉夢得曰詩僧多出江右靈一導其源護國襲之清江揚其波汰振沿之如么絃孤韻警入人耳非大音之樂獨吳興畫公能簡衆體徹公承之至如芙蓉園新寺詩曰經來白馬寺僧到赤烏年謫汀州云青蠅爲弔客黃犬寄家書可謂入作者閭域豈獨雄于詩僧間耶

靈一

高棟云越中雲門寺律師持律甚嚴以清尚爲世所推尤善聲詩與劉長卿皇甫冉嚴維相倡和○高仲武云自齊梁以來迨人工文多矣罕有入其流者一公乃能刻意精妙與士大夫更唱迭和不其偉歟如泉湧壻前地雲生戶外峰則道猷寶月曾何及此

清江

高棟云大曆時人與章八元同倡和

惟審

法振一作震

高棟云李益同時人

護國

紀事云江南人攻詞翰

廣宣

高棟云蜀僧有詩名元和申住安國寺詔許居紅樓院以詩供奉有紅樓集行世

太易

棲蟾

貫休

紀事云姓姜氏字德隱婺州蘭溪人工篆隸入蜀王建遇之厚嘗召令誦近詩時貴戚滿座休欲諷之乃稱公孑孑行云錦衣鮮華手擎鶻閒行氣貌多輕忽稼穡艱難總不知五帝三皇是何物建稱善貴侔皆怨之休與齊已齊名有西嶽集十卷吳融為之序卒死於蜀

齊已

紀事云本姓胡名得生與鄭谷為詩友○高棟云與仰山宗師為同門友後居西山有白蓮集十卷又外編一卷

曇域

若虛

棲白

按紀事上人開成時人與劉得仁曹松李洞友善

應物

紀事云大中時江南詩僧也與羅鄴倡酬

處默

高棟云越僧羅隱同時人詩一卷

子蘭

懷楚

尚顏

按紀事上人與陸龜蒙方干陳陶倡和亦唐末名僧也

棲一

泠然

金地藏

紀事云新羅國王子也至德初落髮航兼隱于

池之九華山

附張拙

仙

呂

巖

詩見好  
問鼓吹

名媛

鮑君微

紀事品彙俱不注出處曹能始云德宗妃  
字文姬按品彙詩人爵里別有一鮑文姬  
始之言未知何據姑記之以俟博古者

侯氏

紀事云會昌中邊將張睽防戎十年餘其妻侯氏繡迴文作龜形詩詣闕進之帝覽詩放睽還鄉賜侯氏絹二百疋以彰才美

孫氏

紀事云進士益昌期之妻也工吟咏一旦曰才思非婦人之事也焚其集

崔仲容

按紀事仲容有贈所思一律云所居幸接  
隣相見不相親一似雲間月何殊鏡裏人  
丹誠空有限腸斷不經春願作梁  
間燕無由變此身殆非端婦也

魚玄機

三水小牘云唐西京咸宜觀女道士魚玄機字幼微長安里家女也色既傾國思更入神喜讀書屬文尤致意于吟咏破瓜之歲志慕清虛咸通初遂從冠帔于咸宜然蕙蘭弱質不能自持復為豪俠所調於是風流之士爭修飾以求狎

一女童曰綠翹亦明慧有邑忽一日機爲隣院所邀迨暮歸院綠翹迎門曰適某客來知鍊師不在不舍轡而去客乃機素相暱者意翹與之私裸而答百數旣委頓請杯水酌地曰鍊師欲求三清長生之道而未能忘解珮薦枕之歡反以沉情厚誣真正翹今必斃於毒手矣無天則無所訴若有誓不蠢然于冥冥之中縱爾淫言訖而絕機恐乃坎後庭瘞之自謂人無知者客洩于後庭見青蠅集於瘞上驅去復來詳視之如有血痕且腥客出竊語其僕僕兄爲府衙卒嘗求金于機機不顧卒深銜之因呼數卒攜錘具突入機院發之綠翹貌如生遂執玄機送京兆府乃表列以上至秋竟戮之

唐詩韻匯

五代 附宋初

李後主

南唐書云名煜字重光元宗第六子初名從嘉  
 母曰光穆皇后鍾氏從嘉廣額豐頰駢齒一目  
 重瞳歷封安定郡公鄭王文獻太子卒徙吳王  
 以尚書令知政事居東宮建隆二年遂立為太  
 子元宗殂嗣位於金陵更名煜開寶八年宋師  
 克金陵降於軍門至京師授右千牛衛上將軍  
 封違命侯太宗即位加特進改封隴西公太平  
 興國三年六月辛卯殂年四十二是日七夕也

NATIONAL CENTRAL LIBRARY, TAIWAN, R.O.C.



後主蓋以是日生贈太師追封吳王葬維陽北  
邙山○通攷云集十卷○江隣幾雜志云爲秦  
王廷美所毒而卒

湯悅

按紀事池州人卽殷文圭子初名崇義自江南  
歸宋改姓湯名悅馬令南唐書有傳陸游本無

徐鉉

南唐書云會稽人父延休故唐乾符中進士依  
鍾傳於洪州吳取江西得延休仕至光祿卿江  
都少尹卒遂家廣陵與弟錯俱知名時號二徐  
通攷云徐嘗侍集三十卷晁氏云

鼎臣仕陽溥爲祕書郎直宣徽北院掌文翰李  
昇時知制誥煜時累遷翰林學士歸朝爲直學  
士院給事中散騎常侍淳化初坐累黜靜難軍  
司馬鉉初至京師見御毛褐者輒哂之郊苦寒  
竟以冷氣入腹而卒鉉幼能屬文尤精小學文  
思敏速凡所撰述嘗不喜預作有欲從其求文  
者必戒臨事卽來請往往執筆立就未嘗沈思  
嘗曰文速則意思敏壯緩則體勢疎慢陳氏云  
其二十卷仕江南所作餘十卷歸朝後所作也  
所撰國主李煜墓銘婉微有體文鑑取之

李建勳

高棖云隴西人仕南唐爲丞相集三卷按南唐  
近事元宗嗣位李建勳出師臨川及歸拜司空  
累表致仕自稱鍾山公詔授司徒不起學士湯  
悅致書賀之建勳答曰司空猶不作那敢作司  
徒幸有山翁號如何不見呼先是宋齊丘歸退  
號九華先生未幾而起時論薄之或以建勳比  
宋云徐獻忠詩品云晚唐諸子不選格調專  
事情景詩中覓畫之說蓋出於此遂使渾厚鴻  
明之氣蕭然謝絕建勳詩每聯必設景象蓋工  
寫之極流而爲俳亦不自知也

張泌

高棖云江南人仕南唐爲內史舍人按南唐書  
開寶五年內史舍人張泌知禮部貢舉放進士  
楊遂等三人清耀殿學士張洎言泌多遺才國  
主命洎考覆遺不中第者於是又放王倫等五  
人泌應作泌

伍喬

南唐書云廬江人居廬山國學數年力於學詩  
調寒苦每有瘦童羸馬之嘆山中浮屠夢仰視  
見一大星芒色甚異旁有人指之曰此伍喬星  
也既覺訪得喬乃傾資奉之使入金陵舉進士  
及試畫八卦霽後望鍾山詩故事中選者主司

必延之陞堂置酒時有宋貞觀者首就坐張洎  
續至主司覽其文揖貞觀南坐引洎坐於西酒  
至數行喬始上卷主司嘆其傑作乃徙貞觀處  
席北洎處席南以喬居賓席及覆考榜出喬果  
爲首洎貞觀次之時稱主司精於衡鑑元宗亦  
大愛喬程文命勒石以爲永式仕至考功員外  
卒

王仁裕

五代史云字德輦天水人也少不知書以狗馬  
彈射爲樂年二十五始就學而爲人雋秀以文  
辭知名秦帥辟爲秦州節度判官秦州入於蜀

仁裕因事蜀爲中書舍人翰林學士唐莊宗平  
蜀仁裕事唐復爲秦州節度判官王思同鎮興  
元辟爲從事思同留守西京以爲判官廢帝舉  
兵鳳翔思同戰敗廢帝得仁裕聞其名不殺寘  
之軍中自廢帝起事至其入立馳檄諸鎮詔書  
告命皆仁裕爲之久之以都官郎中充翰林學  
士晉高祖入立罷職爲郎中歷司封左司郎中  
諫議大夫漢高祖時復爲翰林學士承旨累遷  
戶部尚書罷爲兵部尚書太子少保顯德三年  
卒年七十七贈太子少師仁裕性曉音律晉高  
祖初定雅樂宴群臣於永福殿奏黃鐘仁裕聞

之曰音不純肅而無和聲常有爭者起於禁中  
已而兩軍抄鬪昇龍門外聲聞于內人以爲神  
喜爲詩其少也嘗夢剖其腸胃以西江水滌之  
顧見江中沙石皆爲篆籀之文由是文思益進  
乃集其平生所作詩萬餘首爲百卷號西江集  
仁裕與和凝於五代時皆以文章知名又嘗知  
貢舉仁裕門生王洵凝門生范質皆至宰相時  
稱其得人

### 蜀順聖太后徐氏

五代史云徐氏蜀王王建之賢妃也生子衍建  
老昏耄妃與宦者唐文舉教相士言行相最善

又諷宰相張格贊鳳之衍孫是得爲太子衍立  
因尊爲皇太后后妹淑妃爲皇太妃太后太妃  
以教令賣官白刺史以下每一官闕必數人並  
爭而入錢多者得之通都大邑起邸店以奪民  
利衍嘗與太后太妃遊青城山宮人衣服皆畫  
雲霞飄然望之若仙衍自作甘州曲述其仙狀  
唐師入境衍君臣面縛降於七里亭行至秦州  
驛莊宗遣宦者向延嗣誅其族衍母徐氏亦被  
殺○按成都人徐耕生二女皆有國色耕教爲  
詩有藻思耕家甚貧有相者謂曰公非久當大  
富貴因使相其二女相者曰青城山有王氣每

夜徹天者一紀矣不十年後有真人乘運此二  
子當作妃后君之貴繇二女致也及建入城聞  
有姿色納於後房耕爲驃騎大將軍衍卽位册  
貴妃爲順聖太后淑妃爲翊聖太后咸康元年  
衍與母同禱青城山太后太妃謁建鑄像及丈  
人觀玄都觀金華宮景山至德寺各有唱和詩  
刻於石吏部侍郎韓昭以便佞出入宮掖太妃  
愛其美平姿專有辟陽之寵衍既荒於酒色而  
徐氏姊妹亦各有倖臣不能規正至於失國皆  
其致也

翊聖太妃徐氏

黃崇嘏

按崇嘏臨邛人初僞作男兒以詩謁蜀相周庠  
庠甚稱美薦攝府掾政事明敏吏胥畏服庠愛  
其才欲妻以女嘏辭以詩庠得詩大驚問之乃  
知黃使君之女原未從人與老嫗同居

胡宿

爵里無考按楊慎云鼓吹以宋胡宿詩入唐選  
宿在宋史有傳文集今行於世觀者不知其誤  
何耶又按戒菴漫筆云唐詩鼓吹有胡宿詩攷  
胡宿宋仁宗時曾知湖州是誤收爲唐人也○

宋史云字武平常州晉陵人登第爲揚子尉以  
薦爲館閣校勘進集賢校理通判宣州尋知湖  
州久之爲兩浙轉運使召脩起居注知制誥遷  
翰林學士知審官制院治平三年罷爲觀文殿  
學士知杭州明年以太子少師致仕未拜而薨  
年七十二贈太子太傅諡曰文恭